



the
REFORMATION
herald

Vol. 65, No. 4

**USA KA MENSAHE ALANG SA
KATAPUSANG MGA ADLAW**

SEMANA SA PAG-AMPO | DECEMBRE 6-15, 2024

the REFORMATION herald

Volume 65, Number 4

IN THIS ISSUE

Editorial

Usa ka Mensahe Alang sa Katapusang mga Adlaw 3

Usa ka Pinasahi Balaan nga Mensahe

Pinaagi sa aktibo nga pagpangandam para sa pagbalik ni Cristo ug mainitong pagpangga niini nga paglaum, ang mensahe mabuhi sa sulod nato!..... 4

Busa Magmadasigon Ka ug Maghinulsol

Usa ka makugihon nga paghinulsol mao ang halawom nga paghinulsol ngadto sa kinauyokan sa atong pagkatawo atubangan sa usa ka balaan, matarung nga Dios 8

Pagkakabig

Pagkakabig mao ang usa ka kausaban diha sa atong mga kasingkasing pinaagi sa gahum sa gugma sa Dios..... 12

Ang Pagwagtang sa Mga Sala

Ang sala kinahanglan nga labaw pa kay sa mapasaylo – kini kinahanglan nga tangtangan! 16

Ang Mga Panahon sa Kahamugaya

Ang Ulahing Ulan ibubo nga madagayaon sa usa ka naputli nga katawhan..... 20

Ang Pag-anhi ni Jesu Cristo

Kita adunay pribilehiyo sa pag-andam ug pagpadali sa Bulahang Paglaum! 24

Ang Gingharian sa Himaya

Karon na ang kahigayonan sa pagtutok ngadto sa Halangdon sa Langit sa masibuton nga pagpaabot..... 28

Balak

Usa ka Mensahe nga Ipakaylap 32

PAG-AMPO ALANG SA GAHUM

Daghan kaayong impormasyon ang anaa! Daghan niini dili tukma; ang pipila niini tinuod. Apan, bisan pa sa sulod sa kung unsa ang tinuod, unsa gyud ang nanginahanglan sa among labing determinado nga pagtagad? Unsa ang angay natong hunahunaon? Ang atong Maglalang adunay usa ka lahi nga mensahe nga atong masayran ug ipahat niining katapusang mga adlaw – ug niining tinuig nga Semana sa Pag-ampo naghatag sa usa ka hingpit nga kahigayonan alang kanato sa pagtutok niini nga magkauban. Ang Ginoo hilabihan kamaayo kanato sa miaging tuig. Kita nagpabilin nga buhi uban sa hamili nga kahigayonan aron makaapil niini nga kalihokan.

“Hamili nga mga mutya sa kamatuoran anaa lamang sa gawas nga bahin, ug ang matag takna sa pagsusi niini sa bug-os matumbasan. Tipigi ang hunahuna uban sa mga prinsipyo sa ebanghelyo ni Cristo; pangitaa sa makugihon nga paningkamot alang sa natago nga bahandi sa pulong sa Dios. Ang tibuok langit nagatan-aw kung unsa ang buhaton sa tawo uban sa mga lagda ug mga saad ni Jehova.” (*The Review and Herald*, December 3, 1889.)

“Adunay daghang mga bililhon nga mga kamatuoran nga anaa sa Pulong sa Dios, apan kini mao ang ‘presente nga kamatuoran’ nga gikinahanglan sa panonkaron.” (*Early Writings*, p. 63.)

Sa atong pag-agi niining mga bala-sahon sa tema, Usa ka Mensahe Alang sa Katapusang Mga Adlaw, uban sa tumong sa tinuod nga pagsabot ug sa pagkinabuhi niini nga mensahe, ang atong pagtuo sa madagayaon pagabalosan. Atong ipahat ang dakong panalangin niining mga bala-sahon usab ngadto sa uban kinsa anaa sa halayo o anaa sa panimalay, ug hinumdomi ang mosunod nga mga petsa:

**PAG-AMPO UBAN ANG PAGPUASA: SABADO, DECEMBRE 14
HALAD ALANG SA MGA MISSIONS O MGA BUHATAN: DOMINGO, DECEMBRE 15**

Hinaut ang Ginoo sa mapuangoron motubag ngadto sa kinasingkasing nga pangandoy sa tanan kinsa sa masibuton nagtinguha sa pagkinabuhi niini nga mensahe ug makadawat sa Iyang Balaang Espiritu sa ulahing ulan nga gahum sapanahon niini nga Semana sa Pag-ampo!

Official Church Publication of the
Seventh Day Adventist Reform Movement

“The greatest want of the world is the want of men—men who will not be bought or sold.”—*Education*, p. 57.

Editor L. Tudorou
Assistant to the Editor B. Montrose
Layout and Design E. Lee

Web: <http://www.sdarm.org>; E-mail: info@sdarm.org

THE REFORMATION HERALD® (ISSN 0482-0843) features articles on Bible doctrine that will enrich the spiritual life of those who seek to know more about God. It is published quarterly by the Seventh Day Adventist Reform Movement General Conference, P. O. Box 7240, Roanoke, VA 24019-0240, U.S.A.

Printed and distributed by Reformation Herald Publishing Association. Manuscripts, inquiries, address changes, subscriptions, payments, and donations should be mailed to the address below. Periodical postage paid at Roanoke, Virginia 24022.

Subscription rates:

United States: \$18.00; Foreign countries: \$16.00 plus shipping; Single issue: \$4.00 plus shipping
www.subscriptions.reformationherald.com

POSTMASTER: Send address changes to The Reformation Herald, P. O. Box 7240, ROANOKE, VA 24019.

Vol. 65, No. 4; Copyright © 2024 October–December issue.

Illustrations: Adobe Stock on the front cover and pp. 3–5, 8, 9, 12, 13, 16, 17, 20, 21, 24, 25, 28, 29, 32.

USA KA MENSAHE ALANG SA KATAPUSANG MGA ADLAW

Handurawa ang talan-awon: Ang Balaang Espiritu gibubo diha sa unang iglesya sa madagayaong gahum sa unang ulan. Si Pedro ug si Juan anaa sa ganghaan sa templo, diin, diha sa ngalan ni Jesu Cristo nga Nazareton, si Pedro nimando sa usa ka tawo nga bakol gikan sa pagkatawo sa pagtindog ug paglakaw. Iyang gigunitan siya sa kamot ug ang tawo misugod sa paglakaw, naglukso-lukso, ug nagadayeg sa Dios. Kining makatingalahang panghitabo, siyempre, mohimog kagubot sa mga tawo, kay sila nasayud nga siya mao kinsa naglingkod nagapangayo ug limos. Karon si Pedro naghatag sa tanang himaya ngadto sa Dios ni Abraham, ni Isaac, ug ni Jacob – ug nagsaysay kanila mahitungod sa Balaang Usa, ang Prinsipe sa kinabuhi. Iyang gipadayag nga pinaagi sa ngalan ni Jesus, ang bakol nga tawo nahimong kusganon pinaagi sa pagtuo diha Kaniya. Unya si Pedro maisugon nga mipahayag sa tinuod nga sila naglimod sa Ginoo atubangan sa mga kagamhanan sa Roma ug gipalabi ang usa ka mamumuno kay sa Usa nga Dinihogan sa Dios. Siya dayon miingon nga sila nakaangkon niini nga sala pinaagi sa pagkawalay alamag, apan dugang gipadayag nga ang pag-antus ni Cristo maoy katumanan sa tagna.

Apan unsay angay nilang buhaton bahin niini karon? Ang mga pulong milanog:

Busa, managhinulsol kamo, ug managbalik kamo, aron pagapalaon ang inyong mga sala, kay sa ingon niana moabut ang

mga panahon sa kahamungaya gikan sa atubangan sa Ginoo; Ug nga igapadala niya si Cristo, nga iyang gitudlo alang kaninyo, Nga mao si Jesus: Nga kinahanglan pagadawaton sa langit hangtud sa pagpahiuli sa tanang mga butang, nga gisulti sa Dios pinaagi sa baba sa iyang balaang mga manalagna, sukad pa sa sinugdan. (Buhat 3:19-21).

NGANO NGA KINI USA KA MENSAHE ALANG SA KATAPUSANG MGA ADLAW?

Sa konteksto, kini nga pahayag klaro nga gihimo sa wala madugay pagkahuman sa pagkayab ni Cristo. Apan adunay usa ka pagkasunod-sunod sa mga panghitabo alang sa mga Cristohanon gikan nianang panahona hangtud sa umalabot:

1. Paghinulsol – karon
2. Managbalik – karon
3. Aron ang inyong mga sala (kay sa inyong mga ngalan) mahimong mapapas.
4. Kanus-a? Diha sa panahon sa hukom inbestigatiba sa dili pa mobalik si Cristo, sa dihang ang mga panahon sa kahamungaya – ang Balaang Espiritu sa ulahing ulan nga gahum – igabubo nga walay sukod.
5. Unya ang Langit mopadala ni Jesu Cristo. Nganong dili man dayon? Si Jesus magpabilin didto sa langitnong mga sawang hangtud ang matag prinsipyo sa Iyang moral nga balaod mapasig-uli diha sa mga kasingkasing sa tawo – sa bisan kinsa nga motugyan ngadto sa Iyang kabubut-on

pinaagi sa pagdawat Kaniya sa kinasingsing, ug sa kinatibuk-an.

“Diha sa pagkausab sa dagway, si Jesus nahimaya sa Iyang Amahan. Nadungog namo Siya nga nag-ingon: ‘Karon ang Anak sa tawo gihimaya, ug ang Dios nahimaya pinaagi Kaniya.’ Sa ingon niini sa wala pa ang Iyang pagbudhi ug paglansang Siya nalig-on alang sa Iyang katapusan makalilisan nga mga pag-antus. Maingon nga ang mga membro sa lawas ni Cristo nagkaduol sa panahon sa ilang katapusan nga panagbangi, ‘ang panahon sa kaguliyang ni Jacob,’ sila motubo diha kang Cristo, ug moambit sa hilabihan sa Iyang espiritu. Sa ingon nga ang ikatulong mensahe mobuswang ngadto sa usa ka makusog nga singgit, ug ingon sa dakong gahum ug himaya magauban sa katapusang bulohaton, ang matitud-anong katawhan sa Dios moambit niana nga himaya. Kini mao ang ulahing ulan nga nagpabuhi ug nagpalig-on kanila sa pagsagubang sa panahon sa kasamok. Ang ilang mga dagway mosanag uban sa himaya niana nga kahayag nga nag-uban sa ikatulo nga manulonda.”¹

Panahon na ba nga moanhi si Jesus? Oo, gayud! Unsaon nato nga kita maandam? Ang mga lakang sa Buhat 3:19-21 maoy klaro. Atong tun-an pag-ayo kining mensahe alang sa katapusang mga adlaw niining Semana sa Pag-ampo ug sa makugihon ibutang kini sa atong mga kasingkasing! *R*

Reperensya:

¹ *Testimonies for the Church*, vol. 1, p. 353.

USA KA PINASAHI BALAAN NGA MENSAHE

GIHUGPONG GIKAN SA MGA SINULAT NI ELLEN G. WHITE

PAGPANGANDAM ALANG SA PAG-ANHI NI CRISTO

Minahal nga mga Kaigsoonang Lalaki ug Babaye,

Ato bang gituohan uban sa tibuok nga kasing-kasing nga si Cristo sa dili madugay moanhi ug nga kita karon adunay kata-pusang mensahi sa kalooy nga igahatag sa masal-anon nga kalibutan? Ang atong panig-ingnan haom ba sa gikinahanglan? Kita ba, pinaagi sa atong kinabuhi ug balaan nga pakighinabi, nagpakita niadtong nagapalibot kanato nga kita nagalantaw nianang mahimayaong pagpadayag sa atong Ginoo ug Manluluwas nga si Jesu Cristo, nga magailis nining mahugaw nga mga lawas ug dayandayanan kini sama sa iyang mahimayaong lawas? Ako nahadlok nga kita wala motoo ug makaamggo niining mga butanga isip mahinungdanon. Kadtong nagatoo sa kamahinungdanon sa mga kamatuoran nga atong giangkong, kinahanglang magabuhat sumala sa ilang pagtuo. Adunay daghang nagapangita sa mga kahilayan ug sa mga butang aron makuha ang pagtagad niining


kalibutana; ang hunahuna nagapabilin sa pagdalagan sa hilabihan diha sa bisti, ug ang dila nahilambigit sagad sa pagkatamhangan ug walay hinungdan nga panagtabi, nga naghimong bakak sa atong pag-angkon, kay ang atong panaghisgot dili langitnon, diin kita nagapangita sa atong manluluwas.

Ang mga manulonda nagatan-aw ug nagabantay kanato; kita sagad nakapasubo niining mga manulonda pinaagi sa pagpatuyang sa mga binuang nga panagtabi, pasyaw ug binuang, ug padayon nga pagkunhod ngadto sa pagkatamhangan, ug kulang sa kahibalo nga kahintang. Bisan pa kita karon ug unya mohimo sa pagpaninguha ngadto sa pagdaug ug pagkab-ot niini, apan kon kita wala motuman niini, hinonoo mokunhod ngadto sa tamhangan, ug kakulang sa pagtagad nga kahintang, dili makalahutay sa mga tentasyon ug makabatok sa kaaway, kita dili makalahutay sa mga pagsulay sa atong pagtuo nga labing hamili kay sa bulawan. Kita wala magaanus alang kang Cristo, ug nagahimaya diha sa kalisdanan.

Adunay dakong kakulangon sa Cristo-

hanon nga kalig-on ug mag-alagad sa Dios gikan sa prinsipyo. Kita dili mangita sa pagpahimoot ug pagtagbaw sa atong kaugalingon, apan sa pagpasidungog ug paghimaya sa Dios, ug sa tanan natong gihimo ug gipamulong nga nahiusa ang panan-aw ngadto sa iyang himaya. Kon kita motugot nga ang atong kasing-kasing mapalig-on diha sa mosunod mahinungdanon nga mga pulong, ug kanunay nga hinumduman, dili kita dali nga mahulog ngadto sa tentasyon ug ang atong mga pulong mahimong dyutay ug maayo nga pagkapili: "Siya nasamaran tungod sa atong kalapasan, siya napangos tungod sa atong mga kasal-anan; ang silot sa atong pakigdait diha sa ibabaw niya; ug tungod sa iyang mga labod kita nangaayo." "Matag pulong nga walay pulos nga ginapamulong sa mga tawo, magahatag sila ug husay sa adlaw sa paghukom." "Ikaw oh Dios nakakita kanako."

Kita dili makahunahuna niining mahinungdanon nga mga pulong, ug mahinumdom sa mga pag-antus ni Jesus nga kita kabus nga makasasala mahimong makadawat sa kapasayloan ug mamaluwas ngadto sa



Dios pinaagi sa Iyang hamili nga dugo, nga walay pagbati sa usa ka balaan nga pagpugong nganhi kanato ug usa ka mainiton nga tinguha sa pag-antus alang Kaniya kinsa nag-antus ug milahutay pag-ayo alang kanato. Kon kita magapabilin niining mga butanga, minahal kong kaugalingon, uban ang dungog niini, mamahimong mapaubos, ug sa iyang dapit mapuno sama sa bata nga sa ka yano magdala sa pagbadlong sa uban ug dili dali nga masuko. Ang usa ka dili matambagan nga espiritu dili unya mosulod sa pagmando sa kalag.¹

PAGMANGGAD SA ATONG KAHIGAYONAN

Sa dihang akong maamgohan kung unsa kadaku ang iyang gibuhat kanato aron kita mamatul-id, ako madala ngadto sa pagsinggit, Oo, unsa nga gugma, unsa ka kahibulongan nga gugma, sa Anak sa Dios alang kanatong makaloloy nga makasasala! Kita ba magpakabuang ug dili magpakabana samtang ang tanan ginabuhat alang sa atong kaluwasan nga kinahanglan pagahi-

moon? Ang tibuok langit interesado kanato. Kita kinahanglan aktibo ug nagmata sa pagpasidungog, paghimaya, ug pagsimba nianang Usa nga hataas ug halangdon. Ang atong kasing-kasing kinahanglan magaaas sa gugma ug pagpasalamat Kaniya kinsa puno sa gugma ug kalooy kanato, Sa atong kinabuhi kinahanglan atong pasidunggan Siya, uban sa putli ug balaan nga binuhatan nagpakita nga kita gipanganak gikan sa itaas nga kining kalibutana dili atong puloy-anan, apan kita lumalabay ug dumuloong dinhi, nagapanaw ngadto sa maayong nasud.

Daghan kinsa nagaankon sa ngalan ni Cristo ug nagaankon sa haduol niyang pag-abot, wala masayod kon unsa ang pag-antus alang kang Cristo. Ang ilang mga kasing-kasing wala mabuntog sa grasya, ug wala mamatay ang ilang kaugalingon, ingon sa kasagaran mapadayag sa nagkalainlain nga paagi. Sa sama nga higayon sila nanaghigot nga sila adunay mga pagsulay. Apan ang nag-unang hinungdan sa ilang mga pagsulay mao ang wala madaug nga kasing-kasing, nga nagahimo sa kaugalingon nga hilabihan ka sensitibo nga sagad masungag. Kon kini maamgohan kon unsa ang buot ipasabot isip usa ka mapainubsanong sumosunod ni Cristo, usa ka matuod nga Cristohanon, sila magsugod sa maayong kasibot ug magsugod sa insakto. Sila mamatay una sa ilang kaugalingon, dayon sa hinanali mag-ampo, ug susihon ang matag taras sa kasing-kasing. Isalikway ang imong pagsalig sa kaugalingon, ug ang pagkamaayo sa kaugalingon, mga igsoon, ug sundon ang maaghop nga Sumbanan. Kanunay ibutang si Jesus sa inyong hunahuna isip siya ang inyong sumbanan, ug kinahanglan ninyo sundon ang Iyang mga lakang. Tutok kang Jesus, ang Magbubuhay ug ang Maghihingpit sa atong pagtoo, nga tungod sa kalipay nga gibutang sa Iyang atubangan nagaantus sa cruz, nga nagatamay sa kaulawan. Siya milahutay sa mga pagsupak sa mga makasasala batok Kaniya. Siya tungod sa atong mga sala usa ka maaghop, gipatay nga cordero, nasamaran, napangos, gibunalan ug gisakit.²

PAGKINABUHI ILAWOM SA ATONG MGA PRIBILEHIYO

Kita halayo pa kaayo isip katawhan nga gusto sa Dios mahitabo kanato, tungod kay wala nato gipatuboy ang kalag ug paghaysay sa kinaiya kauyon diha sa kahibulongan pagpadayag sa kamatuoran sa Dios ug sa iyang mga katuyoan. “Ang pagkamatatarung nagabayaw sa usa ka nasud; apan ang sala maoy usa ka kaulawan sa bisan unsang katawohan.” (Proverbio 14:34). Ang sala maoy usa ka magbubungakag. Bisn asa nga kini gipangga — diha sa matag

usa ka kasingkasing, diha sa panimalay, diha sa Iglesya — adunay pagkabungkalag, panag-away, pagkabahinbahin, pagdumot, kasina, pagpangabugho, tungod kay ang kaaway sa tawo ug sa Dios adunay gahum sa pagkontrolar ibabaw sa hunahuna. Apan pasagdi nga ang kamatuoran higugmaon, ug mapadayag diha sa kinabuhi, ug ingon man gipasiugdahan, ug ang mga lalaki ug babaye magadumot sa sala, ug mamahimong buhi nga representante ni Jesu Cristo dinhi sa Kalibutan.

Ang katawhan nga nagaankon mituo sa kamatuoran dili paggahukman tungod kay wala kanila ang kahayag, apan tungod kay sila adunay dakong kahayag ug wala nila dal-a ang ilang kasing-kasing sa pagsulay sa daku moral nga sumbanan sa pagkamatarung sa Dios. Ang katawhan nga nagaankon nga mituo sa kamatuoran kinahanglang mapataas pinaagi sa pagkinabuhi niana. Ang matuod nga biblikanhon nga relihiyon kinahanglan mapatubo ang kinabuhi, mapahapsay, ug halangdon ang kinaiya, magahimo niini nga labi ug mas labi pa kahisama sa balaan nga panig-ingnan. Unya ang panimalay mahimong kusganon sa pag-ampo, uban ang pagpasalamat ug pagdayeg sa Dios. Ang mga manulonda magaalagad niana nga panimalay ug makig-uban sa mga magsisimba ngadto sa balay alampohan.

Tugoti nga ang mga iglesya nga nagaankon nga nagatuo sa kamatuoran, kinsa nagpasiugda sa balaod sa Dios, magatuman niana nga balaod ug mobiya gikan sa tanang kadautan. Himoa nga ang matag-usa ka membro sa iglesya mobatok sa mga tentasyon sa pagbuhay ug dautan ug sa pagpatuyang sa sala. Tugoti nga ang iglesya mosugod sa bulohaton sa pagputli atubangan sa Dios pinaagi sa paghinulsol, pagpaubos, lawom nga pagsusi sa kasing-kasing, tungod kay kita ania sa antetipikal nga adlaw sa pagtabon sa sala — solemne nga takna puno sa walay katapusang resulta.

Himoa nga kadtong nagatudlo sa kamatuoran mopresentar niini ingon nga kini anaa kang Jesus. Ilalum sa madaugon, makabalaan, makapaputli nga inpluwensya sa kamatuoran sa Dios sila ingon sa limpyo nga mga sudlanan. Himoa nga sila mapatubo uban ang Biblikanhon nga relihiyon, ug unsa ka daku nga inpluwensya gikan kanila ngadto sa kalibutan! Himoa nga ang matag usa ka membro sa iglesya magmaputli, lignon, dili matarog, kanunay nga madagayaan sa gugma ni Jesus, ug sila gilayon mahimong iwag sa kalibutan. Himoa nga ang mga tawo nga nagabarog isip mga magbalantay ug isip usa ka magbalantay sa panon mo sangyaw sa solemne nga kamatuoran, ipatingog ang nota sa pasidaan sa tibuok katawhan, nga nasud, ug mga pinulongan.

Himoa silang buhi nga mga representante sa kamatuoran nga ilang gipasiugdahan, ug motahod sa balaod sa Dios pinaagi sa strikto ug balaan nga pagsunod uban sa mga gikinahanglan, nagalakaw atubangan sa Ginoo diha sa kaputli, sa kabalaan, ug usa ka gahum nga magauban sa pagmantala sa kamatuoran nga mopadan-ag sa kahayag bisan asa.

PAGPASUBO SA ESPIRITU SA DIOS

Ang Dios dili mobiya sa katawhan o sa matag-usa hangtud nga sila mobiya Kaniya. Ang dayag nga pagsupak dili makahimo sa pagtuo sa katawhan sa Dios, kinsa nagabantay sa Iyang mga kasugaoan, nga modulom. Ang pagpasagad sa pagdala sa kaputli ug kamatuoran diha sa buhat makapasubo sa Espiritu sa Dios ug makapahuyang kanila tungod ang Dios wala sa taliwala nila aron sa pagpanalangin. Sulodnon nga kadunotan modala ug mga pagsalikway sa Dios niini nga katawhan sama sa iyang gibuhat sa Jerusalem. Oh, himoa ang mga pagpangalyupo nga mga tingog, himoa ang matinguhaon nga pag-ampo madungog, aron kadtong nagwali sa uban dili sa ilang kaugalingon mahimong mga sinalikway. Mga igsoon, wala kita nasayud unsay anaa sa umalabot ug ang atong kasigurohan mao lamang ang pagsunod sa Kahayag sa kalibutan. Ang Dios mobuhat uban kanato ug alang kanato kon ang sala nga nagdala sa Iyang kapungot nianang daan nga kalibutan, sa Sodoma ug sa Gomorra ug sa karaang Jerusalem, dili maoy atong salaod.

Ang pinakagamay nga paglapas sa Balaod sa Dios nagadala ug kasal-anan diha sa makasasala, ug kon walay matinguhaon nga paghinulsol ug pagbiya sa sala siya sa kasiguro mahimong hulog. . . Kita isip katawhan, kutob sa mahimo, hinloan ang campo sa moral nga kahugawan ug mas seryoso nga mga sala. Sa diha ang

sala moaslang sa matag katawhan kinsa nagaankon nga nagpataas sa moral nga sumbanan sa pagkamatarung, unsaon nato pagdahom nga ang Dios mobalik sa Iyang gahum kanato ug moluwas kanato isip katawhan nga nagahimo sa pagkamatarung? . . . Ingon nga usa ka katawhan nga wala nato ipabilin ang atong kaugalingon diha sa pagtuo ug dili lamang sa nagpasiugda uban sa sinulat ug tingog sa kasugaoan sa Dios, apan gibantayan ang matag usa, wala magasupak bisan usa ka lagda nga nasayran, unya ang kahuyang ug kalaglagan moabot kanato. Kini maoy usa ka buhat ang angayan natong tagaan ug pagtagad sa atong matag usa nga mga iglesya. Ang matag tawo kinahanglan mahimong Cristohanon.

PAGSALIKWAY SA SALA

Himoa nga ang sala sa garbo igasalikway, himoa nga ang tanang naghinubra nga bistri madaug, ug ang paghinulsol ngadto sa Dios mabansay alang sa hilabihang pagpangawat ngadto kaniya nga mao ang pagpugong sa salapi nga modagayday unta sa panudlanan alang sa pagpadayon sa buhat sa Dios diha sa iyang bulohaton nga mga kaumanhan. Himoa ang buhat sa pagreporma, sa tinuod nga pagkakabig, mabutang sa atubangan ug moaghat sa katawhan. Himoa ang atong mga binuhatan, atong binistihan, motakdo sa atong mga buhat niining panahona, aron kita makaingon nga “Sumunod kang Cristo.” Atong ipaubos ang atong mga kalag atubangan sa Dios pinaagi sa pagkamapinaubsanon, pagpuasa ug pag-ampo, paghinulsol sa sala ug pagsalikway niini.

Ang tingog sa matuod nga magbalantay gikinahanglang madungog karon sa tibuok linya. “Ang buntag modangat, ug ang gabii usab” (Isaias 21:12). Ang trumpeta kinahanglan mohatag sa husto nga tingog tungod kita ania sa dakung adlaw sa pag-

pangandam sa Ginoo. . . . Adunay daghang bul-og sa mga doktrina sa atong kalibutan. Adunay daghang bul-og sa relihiyon nga naihap sa mga linibo ug tinagpulo ka libo, apan adunay usa lamang nga nagdala sa sinulat ug selyo sa Dios. Adunay usa ka relihiyon sa tawo ug usa ka relihiyon sa Dios. Kita kinahanglan sa atong kaugalingong kalag natapot diha sa walay katapusang Bato. Matag butang diha sa kalibutan sa Dios, ang mga tawo ug mga doktrina ug kinaiyahan mismo, nangatuman sa sigurado nga pulong sa Dios sa propesiya ug sa iyang daku ug panapos nga buhat sa kasaysayan sa kalibutan.

Kita kinahanglan andam ug magpaabot sa mga mando sa Dios. Mga nasud makutaw sa ilang pinakasentro. Ang supporta wagtangon niadtong nagawali sa sumbanan sa pagkamatarung sa Dios, ang siguro nga sulayan sa kinaiya. Ang tanan kinsa dili moyukbo sa mando sa nasudnong konseho ug tumanon ang nasudnong balaod sa pagpatigbabaw sa igpapahulay nga gitukod sa tawo sa sala, sa pagsalikway sa balaan nga adlaw sa Dios, mobati, dili sa maipitong gahum sa papado lamang, apan sa Protestante nga kalibutan, ang larawan sa mananap nga mapintas.

Si Satanas mobuhat ug milagro sa paglimbong: siya mobutang sa iyang gahum isip labaw. Ang iglesya makaplagnan nga daw mahulog, apan kini wala mahulog, samtang ang mga makasasala sa Sion pagaayagon — ang tahop ilain gikan sa bililhong trigo. Kini mao ang makalilisang nga kasinatian, apan bisan pa niana kini kinahanglang mahitabo. Walay lain kondili kadtong nakadaug pinaagi sa dugo sa Kordero ug sa pulong sa ilang mga pagpamatuod makaplagnan nga maunongon ug matitudanon, walay lama o dagta sa sala, walay limbong sa ilang mga baba. Kinahanglang isalikway nato ang atong kaugalingong pagkamatarung ug isul-ob ang pagkamatarung ni Cristo.³

“Ang salin nga nagaputli sa ilang mga kalag pinaagi sa pagsunod sa kamatuoran nagatigum ug kusog gikan sa proseso sa pagsulay, nga nagpakita sa katahum sa pagkabalaan taliwala sa naglibut nga apostasya. Kining tanan, Siya nag-ingon, “Ako gikulit diha sa mga palad sa Akong mga kamot” (Isaias 49:16).

Ako gipakitaan nga sa dihang ang katawhan sa Dios dili maninguha sa ilang bahin, apan magpaabot sa kahamugaya nga moabot ibabaw nila ug wagtangon ang ilang mga sayop ug itul-id ang ilang mga kasaypanan; kung sila magsalig niana sa paghinlo kanila gikan sa kahugawan sa ilang unod ug espiritu, ug maghauam kanila sa pag-apil sa pagsinggit sa makusog sa ikatulong manulonda, sila makaplagan nga makulangan. Ang kahamugaya o gahum sa Dios moabot lamang niadtong nag-andam sa ilang kaugalingon niana pinaagi sa pag-buhat sa gisugo sa Dios kanila, ginganlag, paghinlo sa kaugalingon gikan sa tanang kahugawan sa unod ug espiritu, hingpit nga pagkabalaan diha sa pagkahadlok sa Dios.⁴

NABISTIHAN SA PAGKAMATARUNG NI CRISTO

Ang salin nga nagputli sa ilang mga kalag pinaagi sa pagtuman sa kamatuoran nagatigum ug kusog gikan sa masulayong pamaagi, nagpakita sa kaanindot sa pagkabalaan taliwala sa nagapalibot nga pagkahulog. Kining tanan, siya miingon, “Ako na ikaw nga gisilsil sa mga palad sa akong mga kamot” (Isaias 49:16). Sila gigunitan sa walay katapusan, dili mawagtang nga handumanan. Kita nagkinahanglan ug pagtuo karon, buhi nga pagtuo. Kita nagkinahanglan ug buhi nga pagpamatuod nga mohiwa sa kasingkasing sa makasasala. Subra ka daghan ang pagpangwali ug hilabihan ka gamay lamang ang pagpangalagad. Nagkinahanglang kita ug balaan nga pagdihog. Kinahanglan nato ang espiritu ug kainiton sa kamatuoran. Daghan sa mga ministro nga katunga paralisdado tungod sa kaugalingong depekto sa kinaiya. Nagkinahanglan sila ug makapakabig nga gahum sa Dios.

Kadtong gikinahanglan sa Dios kang Adan sa wala pa ang pagkahulog mao ang hingpit nga pagtuman sa iyang balaod. Ang Dios nagkinahanglan karon sama sa iyang gipangayo kang Adan, hingpit nga pagtuman, pagkabalaan nga walay ikasaway, walay nakulang sa Iyang panan-aw. Ang Dios motabang kanato sa paghatag Kaniya sa tanang gikinahanglan sa Iyang balaod. Dili nato kini mahimo kung wala ang pagtuo nga modala kanato ngadto sa pagkamatarung ni Cristo diha sa matag adlaw nga buhat.

Minahal kong mga kaigsoonan, ang Ginoo mobalik. Ipataas ang inyong mga hunahuna ug mga ulo ug pagmaya. Oh, kita magaisip nga kadtong makadungog sa malipayon nga mga balita, kinsa nagaangkon sa gugma ni Jesus, mapuno sa kalipayon nga dili matukib ug puno sa himaya. Kini

mao ang maayo, ang malipayon nga balita nga makapalagsik sa atong matag kalag, nga kinahanglan balik-balikon sulod sa atong mga panimalay ug isulti niadtong sa atong mahibalag sa kadalanan. Unsa ka labing malipayon nga mga balita nga atong masugilon. Ang pagpanglibak ug panagbingkil sa mga magtutuo o dili magtutuo dili mao ang buluhaton nga gihatag sa Dios kanato nga buhaton.

Kung si Cristo ang akong manluluwas, ang akong sakripisyo, ang akong tigpasiguli, nan dili gayud ako malaglag. Magatuo Kaniya, ako adunay kinabuhing dayon. Oh, nga ang tanan nga motuo sa kamatuoran motuo kang Jesus isip ilang personal nga manluluwas. Wala ako magpasabot mahitungod sa yano nga pagtuo nga wala ubani sa mga binuhatan, apan diha sa kamatinguhaan, pagkinabuhi, kanunay, malahtuyang pagtuo, nga nagkaon sa unod ug nagainom sa dugo sa Anak sa Dios. Gusto nako, nga dili lamang sa mapasaylo tungod sa paglapas sa balaang balaod sa Dios, apan gusto nako nga mabayaw ngadto sa kahayag sa panagway sa Dios. Dili lamang aron madawat sa langit, kondili aron adunay madagayaon nga pagsulod.

KALUWASAN USA KA PANAGHIUSA UBAN KANG CRISTO

Kita ba walay pagbati isip usa ka pinasahi nga katawhan, usa ka balaang nasud, sa dili matukib nga gugma nga gipakita sa Dios kanato? Ang kaluwasan dili sa pagpabautismo, dili aron mahasulat ang atong mga pangalan sa mga basahon sa iglesya, dili sa pagwali sa kamatuoran. Apan kini ang buhi nga panaghiusa kang Jesu Cristo, nga mabag-o sa kasingkasing, nagabuhat sa buluhaton ni Cristo diha sa pagtuo, ug buhat sa gugma, sa pagpailub, kaaghop, ug paglaum. Ang matag kalag, nga nadugtong kang Cristo mahimong usa ka buhing magwawali sa tanang naglibot kaniya. Siya mobuhat alang niadtong anaa sa haduol ug anaa sa halayo. Siya walay pinili nga pagbati, dili interesado sa pagtukod lamang ug usa ka sanga nga buhatan diin siya nagdumala ug didto mohunong ang iyang kasibot. Ang tanan mobuhat uban ang tinguha aron mahimong lig-on ang matag sanga. Wala nay gugma sa kaugalingon, walay hakog nga tinguha. Ang bulohaton usa, ang kamatuoran usa ka dako nga kinatibuk-an.

Hinaut nga ang pangutana ipangutana uban sa mainiton, mabalak-on nga kasingkasing, “Ang kasina ba gipangga, ang pangabugho gitugutan ba nga makakita ug dapit sa akong kasingkasing?” Kon mao wala diha si Cristo. Ako ba nga gihigugma ang balaod sa Dios, ang gugma ba ni Jesu Cristo ania sa akong kasingkasing?” Kon kita maghigugmaay sa usag usa ingon nga

si Cristo nahigugma kanato sa ingon kita nangandam alang sa bulahan nga kalinaw sa langit ug kapahulayan. Walay pakigbisos didto nga mamahimong una, aron makabaton sa pagkalabaw; ang tanan mohigugma sa ilang silingan sama sa ilang kaugalingon. Oh, nga ablihan sa Dios ang salabutan ug mamulong sa mga kasing-kasing sa atong mga iglesya pinaagi sa pagpukaw sa matag usa nga mga membro. . . .

Kadtong anaa sa kasayon sa Sion kinahanglan nga mapukaw. Daku ang ilang tulubagon kinsa nagdala sa kamatuoran apan wala mobati sa kabug-at nga gipas-an sa mga kalag. Oh, alang sa lalaki ug babaye nga nagaangkon sa kamatuoran mapukaw, sa pagpas-an sa yugo ni Cristo, sa pagpas-an sa iyang mga palas-anon. Adunay daghang gipangita kinsa dili lamang sa ngalan nga interesado apan sama kang Cristo nga interesado, dili dalo — usa ka hilabihang kadasig nga dili maluya ilalum sa mga kalisdanan o kabugnaw tungod kay ang sala midaghan. . . .

Kita nagabarog sa pinakautlanan sa walay katapusang kalibutan. Kasarangang panahon nga Cristohanon, dili maoy gikinahanglan alang niini nga buhat. Ang mabalatyagon ug maanindot nga relihiyon dili gikinahanglanon karon. Kinahanglan adunay kusog nga gidala sa atong pagtuo ug sa pagmantala sa kamatuoran. Sulthian ko kamo, usa ka bag-ong kinabuhi ang nagapadayon gikan sa satanasong mga ahensya aron magtrabaho uban ang gahum nga wala pa nato maamgo. Ug dili ba ang usa ka bag-ong gahum gikan sa itaas makapanag-iya sa katawhan sa Dios? Ang kamatuoran, makapabalaan nga inpluensya niini, kinahanglan nga maawhag sa katawhan. Kinahanglan adunay matinguhaon nga mga pagpangamuyo ihalad ngadto sa Dios, nagaagulo nga pagampo ngadto Kaniya, nga ang atong mga paglaum ingon nga katawhan dili matukod sa mga pangaggas, kondili sa walay katapusan nga mga katinuoran. Kita kinahanglan masayud sa atong kaugalingon, pinaagi sa mga ebidensya sa mga pulong sa Dios, kung kita anaa ba sa pagtuo, padulong sa langit o dili. Ang moral nga sumbanan sa kinaiya mao ang balaod sa Dios. Ato ba nga natuman ang mga gikinahanglan? Ang mga katawhan ba sa Ginoo nagdala sa ilang mga kabtangan, ilang panahon, ilang mga talento, ug tanan nilang inpluwensya ngadto sa buhat alang niini nga panahon? Magmata kita. “Busa, kong nangabanhaw kamo uban kang Cristo, pangitaa ninyo ang mga butang nga atua sa itaas diin atua si Cristo, nga nagalingkod sa toong kamot sa Dios.” (Colosas 3:1)⁵ *R*

Mga Reperensya:

¹ *Early Writings*, pp. 111, 112.

² *Ibid.*, pp. 113, 114.

³ *Selected Messages*, bk. 2, pp. 377-380.

⁴ *Testimonies for the Church*, vol. 1, p. 619.

⁵ *Selected Messages*, bk. 2, pp. 380-382.

“BUSA MAGMADASIGON UG MAGHINULSOL”

BY DANIEL LEE – U.S.A.

ANG KINAIYANHAN SA MATUOD NGA PAGHINULSOL

Ang unang pangutana nga angay husayon mao, unsa ang matuod nga paghinulsol? Ikaduha, Unsa ang mahimo sa usa ka katawhan nga nagabantay na sa kasugoan sa Dios, lakip na ang Adlaw nga Igpapahulay ug nagkinabuhi nga walay ikasaway sa kinabuhi kalabot sa moral nga pamatasan ang hisgutanan, nga posibleng hinulsolan?

Ang pagtuo sa Dios ug ang bunga sa paghinulsol sa sala maoy natural ug diha-diha nga resulta sa pagpakig-uban sa Dios. Ang pagpadayag sa kaayo ug pagkamatarung sa Dios, makab-ot lamang pinaagi sa aktibo nga pakigdugtong uban Kaniya nga maoy mogiya sa katawhan sa paghinulsol. (Roma 2:4). Gawas niini nga pagpakig-uban, walay matuod nga paghinulsol. Sa labi nga ang kalag makigsulti sa Dios, sa labi nga kini makaila Kaniya, sa labi ka lig-on ang pagkakabig sa sala nga mahimo ug hilabihan ka lawom ang paghinulsol.

“Sa labi nga kita moduol kang Jesus, sa labi ka tin-aw nga atong masabtan ang kaputli sa Iyang kinaiya, sa labi ka tin-aw nga atong makita ang hilabihan ka ngil-ad sa sala, ug mas gamay ang atong bation sa pagbayaw sa atong kaugalingon. Adunay mapadayonon nga pagkab-ot sa kalag ngadto sa Dios, usa ka mapadayonon, matinguhaon, makasakit sa kasingkasing nga pagsugid sa sala ug pagpaubos sa kasingkasing sa Iyang atubangan. Sa matag pag-abante nga lakang sa atong Cristohanong kasinatian ang atong paghinulsol mas molawom.”¹

Mahitungod kang Enoch kini giingon, nga “sa labi ka duol ang koneksyon sa Dios, mas labi ka lawom ang pagbati sa iyang kaugalingong kahuyang ug pagkadili hingpit.”²

Ang paghinulsol dili mahimo nga artipisyal. Wala kini gimugna sa mekanikal nga paagi; dili kini mamugna sama sa ubang mga kapritso sa mga emosyon sa tawo. Kini yano nga ang Espiritu Santo mikablit sa mga kuwerdas sa tawhanong kasingkasing,

nagtunaw ug nagbuntog niini ubos sa Iyang kusganon nga gahum sa pagkabig. Unya ang matuod nga paghinulsol mahitabo. Ang pagkasubo tungod sa sala ug paghinulsol mao ang natural ug diha-diha nga tubag sa tawhanong ahente sa buhat sa Espiritu sa kanunay nga pagsilsil sa hunahuna sa katahum sa kinaiya sa Dios diha kang Cristo Jesus. Sa diha nga ang tumotuo sa kanunay motutok kang Jesus ug moabli sa iyang kasing-kasing ngadto kaniya isip usa ka higala diha sa balaan nga panag-uban, ang tanang kaugalingon nga pagkamatarung ug ang gihunahuna nga maayo mawagtang ug ang pagkahubo sa kalag mapadayag. Unya ang iyang kalag natural nga motugyan sa paghinulsol, sa kamapaubsanon ug mahinulsulon.

“Usa ka silaw sa himaya sa Dios, usa ka silaw sa kaputli ni Cristo, nga motuhop sa kalag, naghimo sa matag bahin sa kahugawan sa pinasahi nga kasakit, ug nagpadayag sa daut ug mga depekto sa tawhanon nga kinaiya. Kini mopadayag sa wala mapalig-

on nga mga handum, ang kahugawan sa kasing-kasing, ang pagkadili putli sa mga ngabil. Ang mga buhat nga dili matinud-anon sa mga makasasala naghimo nga walay kapuslanan sa balaod sa Dios, dayag sa iyang panan-aw, ug ang iyang Espiritu gihampak ug gisakit ilalum sa masusihong influwensya sa Espiritu sa Dios. Siya giluoed sa iyang kaugalingon samtang nagalantaw sa kaputli, walay buling nga kinaiya ni Cristo. ^{”3}

ANG PAGHINULSOL NI ISAIAS – USA KA EHEMPLO ALANG SA KATAPUSANG IGLESYA SA DIOS

Sa diha nga ang manalagna nga si Isaias nakakita sa himaya sa Dios diha sa templo, siya naigo ug natugob sa usa ka pagbati sa iyang kaugalingong moral nga kahuyang ug pagkadili hingpit sa kinaiya. Ang nawad-an sa paglaum nga singgit sa propeta mao, “Alaut man ako! kay patay na ako; tungod kay ako usa ka tawo nga mahugaw ug mga ngabil, ug ako nagapuyo sa taliwala sa mga tawo nga mahugaw ug mga ngabil: kay ang akong mga mata nakakita sa Hari, si Jehova sa mga panon” (Isaias 6:5). Sa wala pa siya makasinati niining makapausab sa kinabuhi nga personal nga pakigtagbo sa Dios sa sanctuaryo, napalihok siya sa pagbadlong sa mga sala sa uban. Sa mosunod nga mapig-ot nga mga pulong, iyang gipunting ang mga sala sa uban: “Alaut ang dautan! kay ang kadautan anha kaniya; kay unsay nabuhat sa iyang mga kamot maoy pagabuhaton kaniya” (Isaias 3:11). “Alaut kanila nga nanganganan sa dautan nga maayo, ug sa maayo nga dautan; nga nagabutang sa kangitngit nga ilis sa kahayag, ug sa kahayag nga ilis sa kangitngit; ug nagabutang sa mapait nga ilis sa matam-is, ug sa matam-is nga ilis sa mapait! Alaut niadtong mga maalam diha sa ilang kaugalingong mga mata, ug mga buotan diha sa ilang kaugalingong pagtan-aw! Alaut niadtong makusog nga moinum sa vino, ug mga tawo nga kusganon sa pagsakot sa maisug nga ilimnon; (Isaias 5:20-22).

Samtang nga ang manalagna natandog sa pagkondena sa nagpatigbabaw nga sayop palibot niya uban sa iyang kadasig diha sa Dios, siya dili na kinahanglan mokonbikto sa iyang kaugalingong pagkamakasasala diha nianang yugto sa iyang espirituhanon nga paglakaw. Hangtud niadtong makahuloganon nga pakigtagbo sa Dios didto sa templo nga ang manalagna nakasabot sa usa ka butang sa iyang kaugalingon nga pagkamakasasala sa kinabuhi nga lahi kaayo sa himaya sa Dios, nga tataw kaayo nga nasilsil sa iyang huna-huna ug kasing-kasing. Isip resulta nianang dili makalimtan nga panagtagbo, “Alaut kamo” nahimong “Alaut ako . . .”

“Si Isaias nagsaway sa sala sa uban; apan karon iyang nakita sa iyang kaugalingon nga natara sa samang paghukom nga iyang gipahayag diha kanila. Siya natagbaw sa usa ka bugnaw, walay kinabuhi nga seremonyas sa iyang pagsimba sa Dios. Wala siya mahibalo niini hangtud nga ang panan-awon gihatag kaniya sa Ginoo. Daw unsa kagamay karon ang iyang kaalam ug mga talento samtang nagtan-aw siya sa kasagrado ug kahalangdon sa sanctuaryo. Pagkadili-takos niya! Pagkadili-haom alang sa sagradong pag-alagad! Ang iyang panglantaw sa iyang kaugalingon mahimong ikapahayag diha sa pinulongan ni apostol Pablo, ‘Oh alaut ako nga tawo! kinsa ang makaluwas kanako gikan sa lawas niini nga kamatayon?’ ^{”4}

Ang salin nga iglesya sa Dios karon, samtang ang tumong sa kinatas-ang pagtagad sa Dios, sama ka buta sa iyang tinuod nga espirituhanong kahimtang, sama kang propeta Isaias, sa wala pa ang iyang personal nga pakigtagbo sa Dios sa templo. Ang iyang taas nga kahimtang isip pundo-hanan sa sagrado nga mga kamatuoran ug ang iyang walay ikasaway nga pamatasan adunay, makasusubo, nakapahimo ug dili maayong epekto sa paghunahuna nga siya anaa sa mas maayong posisyon kaysa tinuod niya nga kahimtang. Ang iyang pagbana-bana sa iyang kaugalingon nga espirituhanong kahimtang daku kaayo ug kalainan kaysa nianang Matinuohon ug Tinuod nga Saksi, Kinsa nag-ingon, “wala ka makaila, nga ikaw mao ang talamayon ug ang makaloolooy ug kabus ug buta ug hubo” (Bugna 3:17). Sa tinuod wala siya masayod sa iyang tinuod nga kahimtang, siya sa kamasaligon mituaw, Dato man ako, ug nakabaton ako ug mga bahandi, ug ako wala magkinahanglan sa bisan unsa” (Bugna 3:17). Hangtud nga ang katawhan sa Dios

magpabilin niining madaugon, paglipay sa kaugalingon nga kinaiya, nga nalingla sa kadako sa ilang gituohan nga kaayo, ang Espiritu Santo dili makakonbikto sa sala. Walay tinuod nga makasakit sa kasingkasing nga paghinulsol ug pagsugid sa sala, ug walay tinuod nga pakig-uban sa Dios gawas kon kining makadaut nga kahimtang sa hunahuna wagtangan ug biyaan.

Ang mga Escriba ug ang mga Pariseo sa panahon ni Jesus nagpasigarbo sa ilang kaugalingong minugna nga pagpakamatarung sa kaugalingon. Si Juan Bautista nanawagan “Maghinulsol kamo, kay haduod na ang gingharian sa langit.” (Mateo 3:2), sila wala mobati niini. Ang panawagan sa paghinulsol luod alang kanila. Nabutaan sa mga pagbati sa gipataas nga espirituhanong pagkalabaw tungod sa ilang pagkasuod ni Abraham ug sa ilang daghang mga buhat nga gipunting sa mga reporma, ang ilang estrikto nga pormalismo, wala sila mibati nga kinahanglan ang usa ka Manluluwas, dili kinahanglan nga magpaubos sa ilang kaugalingon ug mosugid sa ilang mga sala, ug siguradong wala’y kinahanglan. alang sa paghinulsol. Si Jesus naghulagway niining mga nalimbungan sa kaugalingon nga nagaangkon sa relihiyon sa iyang kapana-hunan isip “. . . ginapaputi nga lubnganan nga sa dayag daw mga maanindot pagatan-awon, apan ang sulod nila napuno sa mga bukog sa mga minatay ug sa tanan nga kahugaw” (Mateo 23:27). Kini nagpalibog sa gawasnon nga pagpahiuyon sa mga lagda ug mga regulasyon uban sa pagkamatarung nga natural nga mogitib gikan sa sulod sa kasing-kasing. Sila wala mahibalo mahitungod sa kaaghup ug pagpaubos sa kasing-kasing nga maangkon lamang diha sa eskwelahan ni Cristo, makat-onan lamang pinaagi sa kanunay nga pakig-uban Kaniya.

Ang panawagan nga makaplagan diha



sa mensahe ngadto sa iglesya sa Laodicea, “magmakugi ka, ug maghinulsol” (Bugna 3:19), dili inila ingon nga kini nagbarug, bisan pa niana alang sa matag membro sa iglesya karon nga kini seryosohon pag-ayo. Kita nagapuyo sa periodo sa Laodicea. Kini nga panawagan sa paghinulsol maoy atong presente nga katungdanan. Kon kita mapakyas sa pagpamati niini nga panawagan kita maapil sa igasuka sa baba ni Cristo, usa ka buhat sa hingpit nga pagsalikway. Ang pagpaubos sa kaugalingon, pagsalikway sa kaugalingon, ug pagtugyan sa kaugalingon sama sa nasinati ni propeta Isaias sa templo samtang nagtan-aw sa himaya sa Dios, makita diha sa mga kinabuhi niadtong mituman sa panawagan sa paghinulsol. Walay lain gawas niadtong kinsa, pinaagi sa hugot nga pagtuo, makasugat sa Dios sa santuario sama sa gibuhati ni Isaias, makabaton sa pribilehiyo sa pagkahibalo sa usa ka butang sa kaayo sa Dios nga modala kanila ngadto sa paghinulsol (Roma 2:4).

“Ang panan-awon nga gihatag kang Isaias nagrepresentar sa kahimtang sa katawhan sa Dios niining katapusang mga adlaw. Sila adunay kahigayunan sa pagtan-aw pinaagi sa pagtuo sa buhat nga nagapadayon sa langitnong santuario. Ug ang templo sa Dios naablihan didto sa langit, ug dihay nakita sa iyang templo ang arka sa tugon.’ Sa dihang sila milantaw uban sa pagtuo ngadto sa labing balaan ug makita ang buhat ni Cristo sa langitnong santuario, ilang masabtan nga sila mga katawhan nga mahugaw ug mga ngabil, — usa ka katawhan kansang ngabil sagad nagasulti ug kakawangan, ug kansang mga talento wala magbalaan ug nagamit alang sa paghimaya sa Dios. Sila unta mawad-an sa paglaum samtang ilang gitandi ang ilang kaugalingong kahuyang ug pagkadili takus sa kaputli ug katahum sa mahimayaong kinaiya ni Cristo. Apan kon sila, sama ni Isaias, makadawat sa impresyon nga giplano sa Ginoo nga himoon diha sa kasingkasing, kon sila magpaubos sa ilang mga kalag sa atubangan sa Dios, adunay paglaum alang kanila. Ang pakigsaad sa saad anaa sa ibabaw sa trono, ug ang buhat nga gihimo alang kang Isaias pagabuhaton diha kanila. Ang Dios motubag sa mga pangamuyo nga gikan sa mahinulsulon nga kasingkasing.”⁵

ANG ADLAW SA PAGTABON NAG-SIMBOLO SA PAGHINULSOL

Ang panan-awon ni Isaias sa Dios diha sa templo usa ka simbolo sa kasinatian sa katawhan sa Dios sa katapusang mga adlaw. Pinaagi sa pagtuo, makabaton sila ug pribilehiyo sa pagsunod kang Jesus sa labing balaan nga dapit. Samtang sila

makig-uban Kaniya ug mamalandong sa Iyang panapos nga buhat diha sa santuario, sila madala sa pagsabot sa usa ka butang sa Iyang dakong gugma diha sa pagpapas sa ilang mga sala sa walay katapusan gikan sa panumduman ug gikan sa mga basahon sa talaan; sila makasabot sa mas tin-aw pa ang gidak-on sa kahugawan sa ilang mga kasingkasing ug pagkadaut sa ilang mga kinaiya nga lahi kaayo sa kaputli ni Cristo. Ingon nga resulta, ang ilang paghinulsol molawom pag-ayo. Sila manghupaw ug mosinggit ug manghilak sa taliwala sa alagianan ug sa halaran; sila magsakit sa ilang mga kalag ug mangamuyo sa kamatinguhaon gayod alang sa kaputli sa kasingkasing.

“Ang tanan kinahanglan nga mahimong labi ka makinaadmanon kalabut sa buhat sa pagtabon, nga nagpadayon diha sa santuario sa itaas. Sa diha nga kining dakong kamatuoran makita ug masabtan, sila nga nagkupot niini magabuhati uyon kang Cristo sa pag-andam sa usa ka katawohan sa pagbarug sa dakong adlaw sa Dios, ug ang ilang mga paningkamot magmalampuson. Pinaagi sa pagtuon, pagpamalandong, ug pag-ampo ang katawohan sa Dios igatuboy labaw sa kasagaran, yutan-on nga mga hunahuna ug mga pagbati, ug mapahiyon kang Cristo ug sa Iyang dakong buhat sa paghinlo sa santuario sa itaas gikan sa mga sala sa mga tawo. Ang ilang pagtoo magauban Kaniya ngadto sa santuario, ug ang mga magsisimba sa yuta sa **kamaampingon pagasusihon pag-ayo ang ilang mga kinabuhi** ug magtandi sa ilang mga kinaiya uban sa dakong sumbanan sa pagkamatarung. **Makita nila ang ilang kaugalingong mga depekto.**”⁶

ANG TIBUOK NGA GILAPDON SA TAWHANONG PAGKAMAKASASALA IGABUTYAG UG PAGAHINULSOLAN

Ang mahinulsulon nga tumotuo sa tinuod wala mahibalo sa gidak-on sa pagkamakasasala sa iyang kinabuhi. Siya dili makahimo sa pagtugkad sa iyang huna-huna sa kadako sa sayop sa iyang mga pagkamalinapason ug mga sala. Busa, sa bisan unsa nga adlaw, ang iyang paghinulsol dili gayud sama ka lawom. Siya wala masayod unsa ang pagahinulsolan! Wala siya makaamgo nga mas dako ang iyang tulobagon batok sa balaod sa Dios kaysa iyang gihinulsolan ug gisugid matag adlaw. Ang mga basahon didto sa santuario adunay natala nga mas daghang kasal-anan kay sa kasagarang gihinulsolan ug gisugid matag adlaw.

“Ang matag buhat sa tawo moagi

sa pagsusi atubangan sa Dios ug dinhi narehistro ang pagkamatinud-anon o pagkadili matitud-anon. Kaatbang sa matag ngalan diha sa mga basahon sa langit gisulat uban sa makalilisang nga katukma ang matag sayop nga pulong, matag hakog nga buhat, matag wala matuman nga katungdanan, ug matag tinago nga sala, uban sa matag maliputon nga paglimbong. Ang pinadala sa langit nga mga pasidaan o mga pagbadlong wala tagda, nausik nga mga gutlo, wala mapalambo nga mga kahigayonan, ang inpluwensya nga gihatag alang sa maayo o sa dautan, uban sa iyang halapad nga mga resulta, ang tanan gitala sa tigmantala nga manulonda.”⁷

Bisan ang mga sala nga wala pa aktuwal nga nahimo natala sa mga basahon sa langit, nga nagpamatuod batok sa mga tawo diha sa paghukom.

“Ang balaod sa Dios makaabot sa mga pagbati ug mga motibo, ingon man sa panggawas nga mga binuhatan. Gipadayag niini ang mga tinago sa kasing-kasing, nga nagpakidlap sa kahayag sa mga butang sa wala pa ilubong sa kangitngit. Ang Dios nahibalo sa matag hunahuna, matag katuyoan, matag plano, matag motibo. **Ang mga basahon sa langit nagtala sa mga sala nga nahimo unta kong adunay kahigayon.** Ang Dios magdala sa matag buhat ngadto sa paghukom, uban sa matag tinago nga butang.”⁸

Sa maayo nga pagkasulti, sa labi nga pagkamakasasala sa usa ka tawo mabutyag ug madala sa kahayag, mas lawom ang buhat sa paghinulsol. Makasusubo, kay ang pagsabot sa usa ka tawo sa iyang pagkamakasasala sa kinabuhi mahimong sa hilabihan matuis ug hanap pa ingon nga resulta sa makapalig-on nga mga reporma gipaila sa kinabuhi diha sa pagkakabig. Ang pagpaila sa positibo nga mga pagbag-o sa pagkaon, sa sinina, sa baruganan ug sa pamatasan sagad kanunay nga nagdala sa kadaghanan sa paghunahuna (sa sayop) nga sila nahimong labi ka matarung ug busa, dili kaayo makasasala. Kini maoy labing maayo nga paglimbong sa kaugalingon; kini mao ang pinakapundasyon sa Laodicea nga wala mouswag nga nag-ingon, “nakabaton ako ug mga bahandi, ug ako wala magkinahanglan sa bisan unsa.” Dili na kinahanglan nga isulti pa nga labi kadali niini nga mahulog sa lit-ag kaysa nahibal-an sa daghang mga katawhan. Sa pagkatinuod, kini mao ang kahimtang sa daghang mga tawo sa iglesya, bisan tuod kini dili mamatngunan ug mailhan. Kini nagpatin-aw ngano nga sa Laodicea, si Jesus mipatugbaw, “Wala ikaw mahibalo. . .” Tanan nga nahisgutan, kini nga kinaiya makalalooy ug makaapekto kaayo sa lebel

sa paghinulsol nga gibati.

USA KA BUHAT SA LAWOM NGA PAGHINULSOL MAG- UNA SA KATAPUSAN NGA PAGTABON UG PAGHINLO

Ang Dios adunay katawhan niining katapusang mga adlaw sa kasuod konektado sa Iyang Anak kabahin sa Iyang katapusang pagpangalagad sa labing balaan. Sila magiyahan sa bug-os nga pagsabot sa gidak-on sa pagkamakasasala sa ilang mga kinabuhi, bisan ngadto sa punto sa pagkawalay paglaum. Sila sa ka tin-aw makasabot sa kalainan tali sa dili hitupngan nga gahum ni Cristo. Sila gilayon giyahan sa Balaan Espiritu sa pagsalikway sa Laodecianhon nga panhunahuna nga mikaylap sa iglesya niining mga adlaw ug mopailalum sa espirituhanon nga paghinlo nga gihulagway sa lawom nga pasusi sa kaugalingon ug lawom nga paghinulsol. Kini nga kasinatian mahimong sama sa kay Isaias nga nasinatian, gawas nga kini mahimong labi ka grabe ug labi ka mapadayonon. Kini nga kasinatian, gihinganlan ug “pagpasakit sa kalag” (Levitico 16:29; 23:27-32) mao ang nag-andam sa salin nga iglesya alang sa katapusang pagtabon ug paghinlo.

“Ang panan-awon ni Zacarias bahin kang Josue ug sa manulonda aplikado uban ang talagsaong kusog sa kasinatian sa katawhan sa Dios diha sa katapusang mga yugto sa dakong adlaw sa pagtabon sa sala. . . .”

“Ingon nga si Josue nangamuyo sa atubangan sa manulonda, mao man usab ang salin nga iglesya, uban ang nadugmok nga kasing-kasing ug dili matarog nga pagtuo, mangamuyo alang sa pasaylo ug kaluwasan pinaagi kang Jesus, ang ilang Manlalaban. Sila bug-os nga nahibalo sa pagkamakasasala sa ilang mga kinabuhi, ilang nakita ang ilang kahuyang ug pagkadili takus; ug sila andam na nga mawad-an sa paglaum.”⁹

Usa ka buhat sa lawom nga pagsusi sa kaugalingon ug paghinulsol ang panawagan niining panahona. (Joel 2:13.) Ang naandan nga pagsunod sa bugnaw, walay espiritu, pormalidad nga mga tulumanon ug mga seremonyas sa iglesya dili paigo aron kini mahitabo. Ni ang naandan nga pagwali nga walay kinabuhi, teoretikal nga mga wali o ang paghalad ug luya, mekanikal nga mga pag-ampo sa iglesya ug sa panimalay magdala niini nga kasinatian. Kadto lamang ang usa ka praktikal nga relihiyon nga gihulagway sa walay hunong nga pagpangita sa Dios sa adlaw-adlaw, inoras nga pakig-ambitay

44

Ang panan-awon nga gihatag kang Isaias nagrepresentar sa kahimtang sa katawhan sa Dios sa katapusang mga adlaw. Sila adunay pribilihiyo sa pagtan-aw pinaagi sa pagtoo sa buhat nga nagapadayon didto sa langitnong santuaryo.

77

ug mahimong mahisama Kaniya, ang makabeneplisyo.

Tungod kay nagkinabuhi na kita karon sa panahon sa antitipikal nga adlaw sa pagpasig-uli, dili kini bulohaton sama sa naandan sa iglesya. Ang pagsakit sa kalag mao ang mando ni Cristo sa salin nga iglesya. Si Jesus hapit na nga mohimo sa katapusang pagtabon; Siya hapit na mohatag sa sugo, “Kuhaa ang mahugawng mga saput ug. . . pagasul-oban ko ikaw sa hamili nga mga bisti.” (Zacarias 3:1-5). Sa dili madugay, subay sa Iyang panapos nga pagministryo sa langitnong santuaryo ingon nga Labawng Sacerdote, hinloan ni Jesus ang Iyang katawhan gikan sa tanang kadautan ug sala pinaagi sa paghatag kanila sa Iyang hingpit nga pagkamatarung. Kadtong naanad na sa pagbakho sa ilang espirituhanong pagkahuyang ug pagbangotan tungod sa ilang kakabus sa kalag, makadawat niini, samtang kadtong mga walay pagtagad ug tamhangan pagaputlon gikan sa taliwala sa Iyang katawohan.

Gusto ka ba nga mahimong usa niadtong mga bulahan nga makadawat sa kaayohan sa Iyang katapusang pagtabon ug mahimong kabahin sa 144,000? Matipigan ba ang imong ngalan sa basahon sa kinabuhi sa Cordero? Malimpyohan ba kamo sa hingpit ug permanente sa tanang pagkadili-matarung ug mahimong haum nga mopuyo sa katilingban sa walay sala nga mga manulonda? Hinaut nga ang Ginoo magaisip kanatong tanan nga takus. Busa magmakugihon ka ug maghinulsol.

“Samtang ang katawhan sa Dios nagsakit sa ilang mga kalag sa Iyang atubangan, nangamuyo alang sa kaputli sa kasing-kasing, ang sugo gihatag, ‘Kuhaa ang mahugaw nga mga saput,’ ug ang makapadasig nga mga pulong gisulti,

Ania karon, gipakuha ko ang imong kadautan gikan kanimo, ug pagasul-oban ko ikaw sa hamili nga mga bisti.’ (Zacarias 3:4). Ang walay buling nga kupo sa pagkamatarung ni Cristo gibutang sa nasulayan, gitintal, matinud-anon nga mga anak sa Dios. Ang tinamay nga salin gibistihan sa mahimayaong bisti, nga dili na gayud mahugawan sa mga kadunotan sa kalibutan. Ang ilang mga ngalan nagapabilin diha sa basahon sa kinabuhi sa Kordero, natala taliwala sa mga matuuhon sa tanang kapanahonan. Ilang gibatukan ang mga lingla sa maglilimbong; sila wala motalikod sa ilang pagkamatinud-anon bisan pa sa pagngulob sa dragon. Karon sila sa walay katapusan hiluwas na gikan sa mga ginamiton sa manunulay. Ang ilang mga sala gibalhin ngadto sa gigikanan sa sala. Usa ka ‘nindot nga mitra’ ang gibutang sa ilang mga ulo.”¹⁰ R

Mga Referensya:

¹ *The Acts of Apostles*, p. 561.

² *Patriarchs and Prophets*, p. 85.

³ *Steps to Christ*, p. 29.

⁴ *The SDA Bible Commentary* [E. G. White Comments], vol. 4, p. 1139.

⁵ *Ibid.*

⁶ *Testimonies for the Church*, vol. 5, p. 575. [Emphasis added.]

⁷ *The Great Controversy*, p. 482.

⁸ *The Signs of the Times*, July 31, 1901. [Emphasis added.]

⁹ *Prophets and Kings*, p. 588. [Emphasis added.]

¹⁰ *Ibid.*, p. 591.

DOMINGO, DECEMBRE 8, 2024

PAGKAKABIG

BY ELIAS RIVERA — U.S.A.



PAGKAUSAB SA DAGWAY

Ang kinaiyahan adunay nindot nga ilustrasyon nga magatudlo kanato mahitungod sa dakong gahum sa Dios, maingon man usab sa matubosong buhat nganhi sa atong mga kasing-kasing. Ang siklo sa mga alibangbang gikomposar sa upat ka ang-ang, nga mao ang: itlog, hantatalo, pupa ug ham-tong. Ang proseso hamubo, mokabat ug usa ka bulan. Mangitlog ang mga alibangbang sa ilawom nga bahin sa dahon sa mga tanom diin didto ang ilahang mga ulod mokaon. Sa dihang ang itlog mapusa na, usa ka gamay nga hantatalo mogawas gikan sa kabhang niini. Sa laing bahin, ang mga hantatalo, hilabihan kahangol, mokaon sila ug daghan ug paspas nga motubo. Sa dihang ang hantatalo maabot na sa pagkahamtong, moporma na kini ug pupa, nga ginatawag usab nga chrysalis. Samtang naa sa sulod sa chrysalis, ang hantatalo moagi sa usa ka kausaban nga nailhan isip metamorphosis ug human sa pipila ka mga adlaw, gikan sa pupa motumaw ang usa ka nindot nga alibangbang.

Ang hantatalo moagi sa usa ka kinatibuk-ang kausaban. Nahimo siya nga hingpit nga lahi nga nilalang nga adunay hingpit nga bag-o ug lahi nga kinaiyahan. Ug mao kini ang buot sa Dios alang sa atong espirituhanon nga kinabuhi dha kang Cristo: “Busa kong bisan kinsa ang anaa kang Cristo, bag-o siya nga binuhat; ang mga butang nga daan

nanagpangagi na; ania karon, sila nangabag-o” (2 Corinthians 5:17). Plano sa Dios nga bag-ohon ang atong mga kinabuhi, ipasig-uli ang Iyang dagway nganhi kanato, bag-ohon ang atong mga kasing-kasing. Siya miingon, “Hatagan ko usab kamo sa usa ka bag-o nga kasingkasing, ug ang usa ka bag-ong espiritu igabutang ko sa sulod ninyo; kuhaon ko ang batoon nga kasingkasing gikan sa inyong unod, ug hatagan ko kamo sa usa ka kasingkasing nga unodhon. Ug igabutang ko ang akong Espiritu sa sulod ninyo, ug palakton ko kamo sa akong kabalaoran, ug kamo magabantay sa akong mga tulomanon, ug magatuman kanila” (Ezekiel 36:26, 27).

Ang pulong “pagkakabig” nagpasabot sa pagbag-o, paghimo nga lahi, sa hingpit nga kausaban ngadto sa usa ka butang nga lahi kaysa kaniadto. Usa ka panig-ingnan niini makita sa Juan 16:20, “Ang inyong kasubo mabayloan sa kalipay” o diha sa Bugna 11:6, “... ug may gahum sila sa ibabaw sa mga tubig aron kini mangahimong dugo,”

Busa, kung maghisgot kita kabahin sa pagkakabig, maghisgot kita mahitungod sa buhat sa Dios sa pag-usab alang sa tawo ug diha sa tawo, usa ka buhat nga sa diin ang tawo gipasaylo ug nabag-o, usa ka halangdon nga buhat nga magmatarung ug magbalaan sa magtutuo. Kini usa ka buhat nga sa diin ang karaang pagkatawo nalansang ug nalubong ug diin ang bag-ong pagkatawo natawo ngadto sa bag-ong kinabuhi.

SA UNSA ANG PAGKAKABIG MABUHAT

Ang pagkakabig maoy buhat sa Dios sa tawo pinaagi sa gahum sa iyang gugma ug sa Balaang Espiritu. Adunay mga kinatibuk-an nga pagkakabig sama sa kang Saulo, usa ka pagkakabig nga nga nahibaloan pag-ayo sa dihang ang tawo sa Tarso adunay personal nga pakigtambo kang Cristo diha sa iyang panaw padulong sa Damasco. Ang kinabuhi ni Saulo naapektohan sa pagpadayag sa himaya ni Cristo. Kini nga pakigtambo nakapausab sa iyang kinabuhi diha-diha dayon ngadto sa punto nga nalapdusan siya sa pagkabuta ug naghapa sa yuta, ug miingon: “Ginoo, unsa ba ang buot mo nga pagabuhaton ko? (Buhat 9:6). Siya nga padulong sa Damasco nga may dautang mga tumong batok sa iglesia ni Cristo, nabalik lamang ang iyang pananaw human sa tulo ka adlaw nga pagpuasa ug pag-ampo nga gisundan sa pagbautismo. Ug unya siya gilayon misugod sa buhat sa pagtukod sa iglesia nga kaniadto sa dakong tinguha iyahang ginalutos. Ug karon si Saulo mainiton nga nagmantala kang Cristo kinsa maoy sentro karon sa iyang kinabuhi ug mensahe. “Ug gilayon gimantala niya sa mga sinagoga si Cristo, nga kini mao ang Anak sa Dios” (Buhat 9:20).

Ang pagkakabig ni Saulo, nga gitawag usab nga Pablo (nga nagpasabot “ang gamay”), maoy usa ka buhat sa grasya sa Dios



[Paghatag gibug-aton gidugang.]

ug ang makapausab nga gugma ni Jesu Cristo. Kini maoy hinungdan nga ang mabangis nga manglulutos siya sa iyang kaugalingon gilutos usab alang kang Jesus, ug gimantala niya ang Iyang mensahe nga way pagkahadlok, nga nag-atubang sa tanang klase sa kalisod, bisan ang kamatayon sa kaugalingon. Aduna usab lahi nga matang sa pagkakabig sama sa kaso ni Nicodemo. Mikabat ug tulo katuig human niadto nga pakighisgot uban ni Jesus (tan-awa ang Juan kapitulo 3) alang kang Nicodemo sa pag-abot sa punto nga mahimong mapadayag ang iyang pagtuo kang Jesus ug magatugyan sa kinatibuk-an sa iyang kaugalingon ngadto sa nalansang nga Mangluluwas.

KITA UTANGAN NIINING TANAN SA DIOS

“Ang hangin madungog diha sa taliwala sa mga sanga sa mga kahoy, nga nagahaguros sa mga dahon ug mga bulak; apan kini dili makita, ug walay tawo nga nakahibalo kung diin kini gikan ug asa padulong. Busa, sama sa buhat sa Balaang Espiritu diha sa kasing-kasing. Dili na kini mapasabot pa kay sa mga lihok sa hangin. **Ang tawo dili makahimo sa pagsulti sa eksaktong takna o lugar o sa pag-subay sa tanang mga kahintang sa proseso sa pagkakabig; apan dili kini magpamatuod nga siya wala makabig.** Pinaagi sa ahensya nga dili makita sama sa hangin, si Cristo sa kanunay nagabuhat diha sa kasing-kasing. **Sa hinay-**

hinay, tingali dili mamatikdan sa magadawat, ang mga pagbati makahimo nga makapahaduol sa kalag ngadto kang Cristo. Kini mahimo nga madawat pinaagi sa pagpamalandong Kaniya, pinaagi sa Kasulatan, o pinaagi sa pagpamati sa pulong gikan sa buhi nga magwawali. **Sa kalit, samtang ang Espiritu moabot nga mas may direktang paghangyo, ang kalag malipayon nga magatugyan sa iyang kaugalingon ngadto kang Jesus.** Sa kadaghanan kini gitawag ug kalit nga pagkakabig; apan kini bunga sa dugay na nga pagdani sa Espiritu sa Dios — usa ka mapailubon, malungtarong proseso.”¹

AYAW PAGSUKOL

“Nan, Sa unsang paagi kita maluwas? . . . **Ang kahayag nagdan-ag gikan sa krus nagpadayag sa gugma sa Dios. Ang Iyang gugma nagdani kanato ngadto Kaniya.** Kung dili nato suklan kini nga pagdani, kita mamahimo nga pagadad-on sa tiilan sa krus sa paghinulsol alang sa mga sala nga nakapalansang sa Manluluwas. Unya **ang Espiritu sa Dios pinaagi sa pagtuo magahatag ug bag-ong kinabuhi diha sa kalag. Ang mga huna-huna ug mga tinguha madala ngadto sa pagsunod sa kabubut-on ni Cristo. Ang kasing-kasing, ang huna-huna nahimo nga nabag-o sa dagway Niya nga kinsa nagabuhat nganhi kanato sa pagtugyan sa tanang mga butang ngadto sa Iyang kaugalingon.** Unya ang balaod sa Dios mapatik diha sa huna-huna ug kasing-kasing, ug kita mosulti kauban ni Cristo, ‘Nagakalipay ako sa pagbuhat sa imong kabubut-on, Oh Dios ko’ (Psalm 40:8).”²

PAGKAKABIG PINAAGI SA BALANG ESPIRITU

“Samtang ang hangin dili makita, kini mohimo ug mga epekto nga makita ug mabati. Busa ang buhat sa Espiritu ngadto sa kalag mopadayag sa iyang kaugalingon ug matag buhat niya kinsa nabati niini ang matubosong gahum. **Kung ang Espiritu sa Dios makapanag-iya sa kasing-kasing, kini magausab sa kinabuhi. Makasasala nga mga huna-huna masalikiyaw, dautang mga buhat gibiyaa; gugma, pagpaubos, ug kalinaw mopuli sa kasuko, kasina, ug panag-away.** Kalipay mopuli sa kaguol, ug ang panagway nagpakita sa kahayag sa langit. Walay usa nga nakakita sa kamot nga nag-alsa sa palasanon, o nakakita sa kahayag nga nanaog gikan sa hawanan sa kahitas-an. **Ang panalangin moabot kung pinaagi sa pagtuo ang kalag magatugyan sa kaugalingon ngadto sa Dios.** Unya kana nga gahum nga dili makita sa tawhanong mata naghimo ug bag-ong

binuhat diha sa dagway sa Dios.”³

MATUOD NGA PAGHINULSOL

“Busa managhinulsol kamo, ug manag-balik kamo, aron pagapalaon ang inyong mga sala, kay sa ingon niana moabut ang mga panahon sa kahamanugaya gikan sa atubangan sa Ginoo” (Buhat 3:19).

“**Kon walay tinuod nga paghinulsol, walay tinuod nga pagkakabig.** Daghan ang nalimbongan dinhi, ug kasagaran ang ilahang tibuok kasinatian nagpamatuod nga usa ka limbong. Mao kini nganong daghan kaayo kinsa nadugtong sa iglesia nga wala pa gayud madugtong kang Cristo.”⁴

“Paghinulsol, ug tumalikod kamo gikan sa tanan ninyong kalapasan; aron ang pagkadautan dili mahimong inyong kalaglagan” (Ezequiel 18:30).

“Ang paghinulsol naglakip ug pagkasubo sa sala ug pagtalikod gikan niini. Dili kita mobiya sa sala gawas kon makita nato ang pagkamakasasala niini; hangtud nga kita motalikod niini sa kasing-kasing, walay tinuod nga kausaban sa kinabuhi.”⁵

Bisan pa, aron nga masinati kini nga paghinulsol, kinahanglan nato nga masabtan sa unsa kini mahimo. “Samtang ang makasasala makonbikto sa sala, siya usab madani sa gugma ug pagkabalaan ni Cristo; kay si Jesus nagdani kaniya ngadto sa Iyang kaugalingon. Walay tawo nga makamugna sa iyang kaugalingon sa paghinulsol nga gikinahanglan sa kaluwasan sa kalag. Siya mas dili makadala sa iyang kaugalingon sa paghinulsol kay sa madala niya ang kaugalingon sa pagkakabig. Ang paghinulsol magsugod sa kasing-kasing samtang nagatutok sa gugma ni Cristo, kinsa naghatag sa Iyang kinabuhi sa pagluwas sa makasasala. Ang gugma sa Dios maoy makapahumok sa pinakagahi nga mga kasing-kasing.”⁶

MGA BUNGA SA PAGKAKABIG

Ang buhat sa pagkakabig nagdala uban niini ug kahibulongang mga bunga: Usa ka bag-ong kinabuhi, usa ka limpyo ug nabag-o nga kasing-kasing, usa ka husto nga espiritu ug uban pa nga mga bunga, maoy mga mahimayaon nga ebidensya sa pagkakabig. “Busa kong bisan kinsa ang anaa kang Cristo, **bag-o siya nga binuhat; ang mga butang nga daan nanagpangagi na; ania karon, sila nangabag-o**” (2 Corinto 5:17).

• Ang **Babayeng Samariahanon**, sa dihang nakabig kang Jesus, gibiyaa niya ang kinabuhi nga mananapaw ug miadto sa siyudad sa pagsugid nga si Jesu Cristo ingon nga manluluwas nga Mesias. Juan 4:28,29.

• Ang **Giyawaan**, kinsa hubo sa dihang gibuhian, unya karon nakita nga nabistihan

ug naa na siya sa hustong panghunahuna; ang iyang pagkahubo nawala na human sa pagkakabig niya. Lucas 8:35.

• **Si Pedro**, ang dili edukado nga mang-ingisda, human sa iyang pagkakabig nahimo siya nga matinud-anon nga magbalantay sa ebanghelyo, usa ka nakakat-on ug usa ka tig-balita sa gingharian sa kahayag. Mateo 4:19.

• **Si Zaqueo**, ang maniningil sa buhis, kinsa gipasanginlan nga usa ka traydor ug usa ka kaaway sa katawhan human sa iyang pagkakabig, gihatag niya ang katunga sa iyang katigayunan ngadto sa mga kabus ug nag desisyon nga himoon niya ang pag-uli ngadto sa mga nalimbungan niya. Lucas 19:8, 9.

• **Si Maria**, kinsa gisudlan sa pito ka mga demonyo tungod sa iyang malaw-ay nga kinabuhi, human sa iyang kaluwasan ug pagkakabig siya nagdala kang Jesus ug usa ka bililhon nga gasa alang sa pagpahayag sa iyang gugma ug pasalamat. Marcos 14:3

Ang pagkakabig mohimo sa pagka-maayo ni Cristo nga molambo sa atong mga kinabuhi, adunay misyonaryo nga espiritu, pagtugyan ngadto sa kabubut-on sa Dios, pagkamatinud-anon, ug balaanong kalipay. Ang tanan nga halangdon ug matahom modagaya diha sa kinabuhi sa usa kinsa nakabig ngadto sa Ginoo.

“Ang espiritu ni Cristo usa ka misyonaryo nga espiritu. **Ang pinaka-unang pagbati sa nabag-o nga kasing-kasing mao ang pagdala usab sa uban ngadto sa Manluluwas.**”

“**Ang matag matinud-anon nga tinunan natawo ngadto sa gingharian sa Dios ingon nga usa ka misyonaryo.** Siya kinsa nga nagainom sa buhi nga tubig mahimo nga usa ka tuburan sa kinabuhi. Ang tigdawat mahimo nga usa ka tighatag.”⁸

BAKAK NGA PAGKAKABIG

Usa ang paghimo ug pag-angkon sa relihiyon. Dili tanan kinsa naga-angkon nga relihiyoso tinuod nga mga Cristohanon; daghan ang nagtawag sa ilang mga kaugalingon nga mga Cristohanon wala motuman sa mga prinsipyo sa balaod sa Dios, sila nabuhi sa pagpakaon sa karaang pagkatawo nga makapahimuot sa unod. Sila nalimbongan sa kaugalingon sa pagtuo nga sila nakabig sa dihang sa pagkatinuod sila wala makabig. Daghan ang nagpahayag: “Oh, Dios! Nag-apasalamat ako kanimo nga ako dili ingon sa ubang mga tawo, mga mangingilog, dili mga matarung, mga mananapaw; ug dili usab ingon niining maniningil sa buhis. Nagapuasa ako makaduha sa semana, nagabayad ako sa mga ikapulo sa tanang naangkon ko” (Luke 18:11, 12). Ang pag-angkon mahimong walay bili kung ang kasing-kasing wala mausab.

Ang hinungdan sa bakak nga mga pagkakabig dili tungod kay kulang sa kahibalo o

mga kahigayonan, apan kulang sa kinatibukan ug bug-os nga pagsurender, ngadto sa pagkapakyas sa pag-abli sa usa ka kasing-kasing sa bug-os ngadto kang Jesus ug magtugot sa buhat sa pag-usab sa Iyang grasya nga molihok sa kinabuhi.

Usa ka nag-unang panig-ingnan mao ang kang Judas Iscariote, kansang kabantog ilado kaayo.

“Si Judas wala niabot sa punto sa pagtugyan sa bug-on sa iyang kaugalingon ngadto kang Cristo. Wala niya gibiyaa ang iyang kalibutanon nga ambisyon o ang iyang gugma sa salapi. Samtang iyang gidawat ang katungdanan sa usa ka ministro ni Cristo, wala niya ibutang ang iyang kaugalingon sa ilalum sa diosnon nga paghulma.”⁹

Kung andam ka nga mobulag sa hingpit gikan sa tanan nimong makasasala nga mga paagi, mahimo kang mahiusa kang Cristo, ug ang pagkahiusa kang Cristo mao ang pagsulod sa dalan sa kinabuhi ug sa mga rehiyon sa kalinaw.

Busa karon nga anaa kita sa Semana sa Pag-ampo, hinaut nga mahimo kini nga usa ka kahigayonan sa pagsusi sa atong mga kasing-kasing ug tan-awon nato kung aduna bay agianan sa pagkadautan nga atong ginusunod — kung ang atong pagbati wala ba mabahin, kung wala ba kitay mga dios-dios nga nagpuyo sa trono sa atong kasing-kasing, ug sa pagsiguro nga aduna kitay kasinatian nga sa diin si Jesus ang Hari ug bugtong Hari nga nagpuyo sa trono sa atong mga kasing-kasing. (Isaiah 33:22.) **“Pabalika kami nganha kanimo, Oh Jehova, ug kami mamalik; Bag-o ha ang among mga adlaw ingon sa kanhing panahon”** (Lamentaciones 5:21).

ANG PANAHON MIABOT NA

Panahon na alang kanato, sama ni Jacob, nga tangtangan ang mga dios-dios nga anaa sa atong mga kasing-kasing ug ilubong sila hangtud sa kahangturan (Genesis 35:2-4). Panahon na nga matawo pag-usab pinaagi sa pulong sa Dios ug ang gahum sa Iyang espiritu (1 Pedro 1:23). Panahon na nga mahimong gawasnon sa kagawasan nga gihimo ni Cristo kanato. Panahon na nga biyaan ang nabahin nga kasing-kasing, ug, pinaagi sa milagrosong grasya sa Dios, mausab ngadto sa mga lalaki, mga babaye, ug mga batan-on sumala sa Iyang kaugalingong kasingkasing (Buhat 13:22). Panahon na sa pagsulti ug Oo kang Jesus. Kung ikaw motugyan kang Jesus karong adlaw, buhaton Niya ang milagro nga posibleng kulang sa kinabuhi nimo. Ang iyang katuyoan lig-on: “Ug ako magahatag kanila sa **usa ka kasing-kasing, ug ako magbutang sa usa ka bag-ong espiritu** sa sulod ninyo; ug kuhaon ko ang baton nga kasing-kasing gikan sa ilang unod, ug hatagan ko sila sa kasingkasing nga unod: **Aron sila makalakaw sa akong kabalaoran,** ug makabantay sa akong mga tulomanon, ug

makabuhat niana: ug sila mahimo nga akong katawohan ug Ako mahimo nga ilang Dios” (Ezekiel 11:19, 20).

TINUOD, DILI TAPHAW NGA PAGKAKABIG

Ang pagkakabig kinahanglan tinuod, dili taphaw. Ang sulod sa kasing-kasing kinahanglan nga usbon, dili lamang ang panggas nga kinabuhi; ang kinauyokan sa pagtuo kinahanglang molapas pa sa ritwalistiko o seremonyal. Sa panahon sa Manluluwas, ang mga Hudiyong relihiyoso nga mga pangulo naghimo ug dakong pagpapakita sa pagkadiosnon, apan si Jesus mipadayag nga ang ilang mga kinabuhi walay sulod ug imoral. Mateo 23:27, 28. Labaw pa sa gawasnon nga mga kausaban ang gikinahanglan; kini adunay ilang dapit, apan ang “espirituhanon nga kasing-kasing” — nga mao, ang hunahuna — kinahanglang bag-ohon, ug kini magdalag bag-ong kinabuhi.

Ang mga katawhang Hudiyong adlaw ni Cristo nagsalig sa mga halad ug mga ritwal imbes sa Usa nga gitumong niini. Ug ingon nga kana dili paigo, miabot sila sa pagpuli sa nawala nga presensya sa Dios sa daghang mga kinahanglanon sa tawhanong mga pagmugna — gani ang pagsukod sa ilang kabalaan pinaagi sa daghang mga seremonyas, samtang ang ilang mga kasing-kasing nagpabilin nga wala mausab, puno sa garbo ug pagkasalingkapaw.

Dili panggasaw nga mga kausaban o kauswagan ang gikinahanglan, apan usa ka kinatibukan ug bug-os nga pagbag-o sa kinabuhi. Ang balhibo sa lobo sa Artiko tabunan, apan sa panahon sa tingtugnaw ang balhibo niini mahimong sama kaputi sa nyebe. Daw kini lahi nga binuhat ang lobo, apan sa pagkatinuod ang balhibo lamang niini ang nausab, usa ka kausaban nga maghatag niini ug takuban sa panahon sa tingtugnaw. Bisan pa ug ang iyang panggasaw nga panagway may temporaryong kausaban, ang iyang kinaiya nagpabilin nga mao ra, siya sa gi-hapon kadtong usa ka maisugon, nagpaniid, mamumuno nga lobo.

“Ang tuburan sa kasing-kasing kinahanglan putli sa dili pa ang mga sapa mahimong putli. **Siya kinsa naningkamot sa pagkab-ot sa langit pinaagi sa iyang kaugalingong mga buhat sa pagbantay sa balaod nagasulay ug usa ka imposible.** Walay kahilwasan alang sa usa kinsa adunay legal lamang nga relihiyon, usa ka matang sa pagkadiosnon. **Ang kinabuhi sa Cristohanon dili usa ka pagbag-o o pagpa-uswag sa karaan, apan usa ka pagbag-o sa kinaiya.** Adunay pagkamatay sa kaugalingon ug sa sala, ug usa ka bag-ong kinabuhi sa kinatibukan. Kini nga kausaban mamahimo nga madala lamang sa epektibong buhat sa Balaang Espiritu.”¹⁰

"NAMATAY AKO ADLAW-ADLAW"

Ang atong paglakaw uban sa Dios kinahanglan adlaw-adlaw; kada adlaw gikinahanglan nato ang Iyang makapabag-o nga grasya sa atong mga kasing-kasing aron ang atong daan nga makasasala nga kinaiya — “ang daan nga tawo” — mawagtang sa hingpit. Ang obserbasyon gihimo na nga samtang ang karaang pagkatawo gilubong sa katubigan sa pagbunyang, ang alaut usab mahitabo nga maayong mulangoy. Busa ang determinadong mga pulong ni Pablo: “Namatay ako adlaw-adlaw” (1 Corinto 15:31).

“Adunay panginahanglan sa makanunayon nga pagbantay, usa ka adlaw-adlaw nga pagbag-o, nga ang atong tagsa-tagsa ka mga kinaiya sa bug-os mabalaan ngadto sa Dios. Ang tanan natong mga kusog kinahanglang maputli gikan sa mga taya sa sala, ug mabansay alang sa pag-alagad.”¹¹

“Ang pagkabalaaan ni Pablo maoy usa ka makanunayon nga pagpakig-away sa kaugalingon. ‘Namatay ako adlaw-adlaw,’ siya miingon. Sa kada adlaw ang iyang kabubut-on ug iyang tinguha sukwhi sa katungdanan ug kabubut-on sa Dios. Apan imbis nga sundon ang kahiligan, siya mibuhat sa kabubut-on sa Dios, bisan pa ug dili makapahimuot ug makapalansang sa iyang kinaiya. Kung kita mopadayon sa unahan ngadto sa ilhanan sa atong hataas nga pagtawag diha kang Cristo Jesus, kinahanglan nga kita mopakita nga kita nahaw-asan sa tanang kaugalingon, ug nasangkapan sa bula-wanong lana sa grasya.”¹²

ANG SEKRETO NAPADAYAG

Si Daniel sa Babilonya gihulagway nga tawo nga walay ikasaway: “Nan ang mga presidente ug ang mga principe nanagpangita sa higayon batok kang Daniel mahatungod sa gingharian; **apan sila wala makakita sa higayon ni kalapasan, sanglit siya matinumanon man, ni may hikaplagnan sila nga sayup kun kalapasan diha kaniya**” (Daniel 6:4).

Diin man ang sekreto sa pagkinabuhi niining usa ka matitud-anon nga kinabuhi? Si Haring Dario nagpadayag sa sekreto ni Daniel nganhi kanato; iyang giila ang duha ka higayon nga ang sekreto ni Daniel anaa sa iyang mapadayonon nga pakig-uban sa Dios. Gipadayon ni Daniel ang usa ka kinabuhi sa pagtuo ug adlaw-adlaw nga pag-ampo, nagkalipay sa suod nga pakig-uban sa Dios matag adlaw. Ang dinasig nga talaan nag-ingon: “**Oh Daniel, alagad sa Dios nga buhi; ang imong Dios nga gialagaran mo sa kanunay**, nagaluwas ba kanimo gikan sa mga leon?” “Unya ang hari nalipay sa hilabihan gayud, ug nagsugo nga ilang kuhaon si Daniel gikan sa langub. Busa si Daniel gipagawas sa langub, ug walay kadaut nga hikaplagnan diha kaniya, tungod

kay siya misalig man diha sa iyang Dios” (Daniel 6:20,23).

“Ang matuod nga pagkakabig magdala kanato sa adlaw-adlaw ngadto sa pakig-uban sa Dios. Adunay mga pagtintal nga pagaatubangon, ug usa ka kusog nga sulog nga magdala kanato gikan sa Dios ngadto sa atong kanhi nga kahimtang sa walay pagtagad ug pagkamakasasala sa pagkalimtanon sa Dios.”¹³

“Ako mao ang punoan sa parras, kamo mao ang mga sanga. Kong kinsa ang pabilin kanako, ug ako kaniya, kini magabunga ug daghan; kay kong mahibulag kanako wala kamoy arang mabuhat” (Juan 15:5).

PERSONAL NGA PAGKAKABIG

Ang matag usa kanato kinahanglan nga sigurohon ang atong tagsa-tagsa nga pagtugyan, usa ka personal nga pagkakabig. Kitang tanan kinahanglan nga makaangkon ug usa ka buhi nga kasinatian; Si Cristo kinahanglan nga maglingkod sa trono sa kasing-kasing. Ang Iyang Espiritu kinahanglan nga mogahum sa atong mga pagbati. Mga ginikanan nagkinahanglan sa matubsanong grasya sa Dios pinaagi sa usa ka personal nga kasinatian uban kang Cristo, sama sa ginahimo sa mga anak. Ang matag usa kinahanglan nga madugtong ngadto sa matuod nga punoan aron nga mohatag ug mga bunga diin ang atong langitnong Amahan mapasidunggan. “Dinhi niini ginahimaya ang akong Amahan, aron managpamunga kamo ug daghan; aron kamo mahimong mga tinun-an nako” (Juan 15:8).

“Ang Dios nagadala kanato pinaagi sa Iyang probidensya. Gikan sa kahangturan Iya kitang gipili nga mahimong Iyang masinulundon nga mga anak. Iyang gihatag ang Iyang Anak aron mamatay alang kanato, aron kita mabalaan pinaagi sa pagsunod sa kamatuoran, mahinloan gikan sa tanang pagkagamay sa kaugalingon. Karon nagkinahanglan Siya kanato ug usa ka personal nga buhat, usa ka personal nga pagtugyan sa kaugalingon.”¹⁴

“Ngadto sa siyudad sa Dios walay makasulod didto nga makapahugaw. Ang tanang mga mahimong pumoluyo didto mahimo dinhi nga makabaton ug putli nga kasing-kasing. Sa usa kinsa nagakat-on kang Jesus, adunay makita nga pagtubo sa dili pagkaganahan sa tinamhangan nga pamatasan, dili maayo nga pinulongan, ug magaspang nga panghunahuna. Kung si Cristo magapuyo sulod sa kasing-kasing, adunay kaputli ug kamaayo sa panghunahuna ug pamatasan.”¹⁵

KONKLUSYON

Si Enoc naglakaw uban sa Dios 300 ka tuig human sa pagkahimugso sa iyang anak nga lalaki nga si Metusela, ug kapin

sa 300 ka tuig kada adlaw si Enoc nagdapit sa Dios sa paglakaw uban kaniya, hangtud nga usa ka adlaw ang Dios miabot ug sa kakinahanglan miingon kaniya, “Enoc, ikaw nagdapit kanako sa paglakaw. uban kanimo sulod niining 300 ka tuig, busa karon mianhi ako karong adlaw sa pagdapit kanimo sa paglakaw uban kanako,” ug gidala siya ngadto sa langit. “Ug si Enoc naglakaw uban sa Dios, ug nawala siya, kay gikuha siya sa Dios” (Genesis 5:24). Si Enoc wala lamang mag-ampo apan matitud-anon usab sa pagtuman sa iyang katungdanan ngadto sa Dios ug sa iyang isig-katawo; Gihigugma ni Enoc ang gihigugma sa Dios ug gidumtan ang gidumtan sa Dios; nagkinabuhi siya pinaagi sa pagtuo sa usa ka kinabuhi diha sa dalan sa pagkamasinugtanon, nga nakapahimuot sa Dios sa tanan niyang gibuhat. “Tungod sa pagtuo si Enoc gilalin aron dili siya makakita sa kamatayon, ug wala siya hikiti kay gilalin man siya sa Dios; **kay siya may pagpamatuod nga gihimo mahitungod kaniya nga sa wala pa siya paglalina nakapahimuot siya sa Dios**” (Hebrews 11:5).

“Bisan pa gani karon, nagaingon si Jehova, bumalik kamo kanako uban ang bug-os ninyong kasingkasig, ug uban ang pagpuasa, ug uban ang paghilak, ug uban ang pagbalata” (Joel 2:12). Paggahin ug igong panahon karon sa pagkonsiderar sa imong mga paagi ug tan-awa kung naa ka ba sa husto nga relasyon uban ni Jesus.

- Gusto ba nimong itugyan ang imong kasing-kasing ngadto kang Jesus karon aron mausab?

- Ug ikaw nga nakatugyan na sa imong kaugalingon ngadto kang Jesus, gusto ba nimo nga bag-ohon ang imong pagtugyan ngadto kang Jesus aron ang imong kasing-kasing mahimong mas matahum sama sa kang Cristo?

- Gusto ka bang mag-ampo karon dayon aron ihatag ang imong kasing-kasing ngadto kang Jesus?

Magdungan ta sa pag-ampo. *R*

Mga Reperensya:

¹ *The Desire of Ages*, p. 172.

² *Ibid.*, pp. 175, 176. [Emphasis added.]

³ *Ibid.*, p. 173. [Emphasis added.]

⁴ *The Spirit of Prophecy*, vol. 4, p. 298. [Emphasis added.]

⁵ *Steps to Christ*, p. 23.

⁶ *The Review and Herald*, September 3, 1901.

⁷ *The Great Controversy*, p. 70. [Emphasis added.]

⁸ *The Desire of Ages*, p. 195. [Emphasis added.]

⁹ *Ibid.*, p. 717.

¹⁰ *Ibid.*, p. 172. [Emphasis added.]

¹¹ *This Day With God*, p. 307.

¹² *The Youth's Instructor*, August 24, 1899.

¹³ *This Day With God*, p. 277.

¹⁴ *The Youth's Instructor*, August 24, 1899.

¹⁵ *Thoughts From the Mount of Blessing*, pp. 24, 25.

MIERKULES, DECEMBRE 11, 2024

ANG PAGWAGTANG SA SALA

BY JETHRO M. SITHOLE — SOUTH AFRICA

[Paghatag gibug-aton gidugang.]

“Ako, bisan ako mao siya nga nagapala sa imong kalapasan tungod sa akong kaugalingon; ug dili na ako mahinumdom sa imong mga sala” (Isaias 43:25). Ang pagpapas nagpasabot sa pagtangtang sa hingpit nga wala nay lamat, ang pagwagtang o paghanaw sa paglungtad o sa panumduman.

Ang kasigurohan sa Dios nga gihatag kanato pinaagi sa propeta Isaias nagpasabot nga “Ang tanan nga sa tinud-anay naghinulsol sa sala, ug pinaagi sa pagtuo makaangkon sa dugo ni Cristo ingon nga ilang halad sa pagpasig-uli, adunay kapasayloan nga nabutang tugbang sa ilang mga ngalan didto sa mga balasahon sa langit; samtang sila nahimong umalambit sa pagkamatarung ni Cristo, ug ang ilang mga kinaiya nakaplagan nga nahiuyon sa kasugoan sa Dios, ang ilang mga sala mapapas, ug sila sa ilang kaugalingon pagaisipon nga takus sa kinabuhing dayon.”¹ Busa atong tagdon pag-ayo ngano nga ang pagpapas sa atong mga sala gikinahanglan.

PAGKADILI-MATINUMANON UG ANG DAGTA SA SALA

Human ang tawo misupak sa balaod sa Dios didto sa Eden, “ang nagalibot nga himaya, diin ang Dios naghatag sa balaan

nga Adan, nagtabon kaniya ingon nga usa ka bisti, mihawa kaniya human sa iyang paglapas. Ang kahayag sa himaya sa Dios dili makatabon sa malinapason ug sala. Ingon nga baylo sa maayong panglawas ug kaabunda sa mga panalangin, kakabus, kasakitan, ug pag-antus sa tanang klase nahimong usa ka bahin sa mga anak ni Adan.”² Makasusubo, ang tawo nawad-an sa dakong mga pribilehiyo kabaylo sa mga dagta sa sala.

“Nahimo ni Satanas ang pagkahulog sa tawo, ug sukad niana nga panahon nahimo na niya nga bulohaton ang pagwagtang diha sa tawo sa dagway sa Dios, ug sa pagbutang diha sa mga kasing-kasing sa tawo sa iyang kaugalingong dagway.”³

“Sa wala pa mosulod ang sala, si Adan nakatagamtam sa dayag nga pakigdugtong sa iyang Maglalalang; apan sukad ang tawo nahimulag gikan sa Dios pinaagi sa paglapas, ang kaliwatan sa tawo naputlan gikan niining halangdon nga pribilehiyo. Pinaagi sa plano sa pagtubos, bisan pa, usa ka paagi naabli diin ang mga pumoluyo sa yuta aduna gihapon kadugtongan sa langit.”⁴

ANG KAHIBULONGANG GUGMA SA DIOS ALANG SA KATAWHAN

Ang kamatayon ni Adan ug Eva tungod

sa pagsupak maoy sigurado. Kon dili pa tungod sa plano sa kaluwasan, sila mamatay diha-diha dayon sa ilang pagkaon sa gidili nga prutas.

“Apan ang Dios nagapasundayag sa iyang kaugalingong gugma alang kanato, nga, sa mga makasala pa kita, si Cristo namatay tungod kanato” (Roma 5:8). Ang kalawom sa gugma sa Dios gipadayag diha sa mga pulong, “Kay gihigugma sa Dios ang kalibutan” (Juan 3:16), mahimong mas masabtan pinaagi sa kahibulongang pagpadayag sa Cordero sa Dios nga “gipatay gikan pa sa pagtukod sa kalibutan” (Bugna 13:8).

Gipalihok pinaagi sa gugma nga naglungtad bisan pa sa wala pa kita gilalang, ang Dios naghimo ug usa ka pakigsaad sa panagbangi batok sa usa ka dautan (tana-awa ang Genesis 3:15). “Samtang [kini nga saad] nagtagna ug gubat tali sa tawo ug kang Satanas, kini nagpamatuod nga **ang gahum sa dakong kaaway sa katapusan mabungkag.**”⁵

“Walay lain kon dili si Cristo ang mahimo sa pagtubos sa nahulog nga tawo gikan sa tunglo sa kasugoan ug magdala kaniya pag-usab ngadto sa pagkahiuyon sa langit.”⁶ Ang kahibulongang gugma sa Dios napadayag diha sa plano sa kaluwasan sa pagpasig-uli sa Iyang hingpit nga plano alang sa tawhanong rasa. Ang Ginoo nag-



tukod sa mga paghalad nga mga serbisyo aron klaro mapadayag ang Iyang plano sa kaluwasan.

MGA SIMBOLO UG MGA MONUMENTO SA PAGPASIG-ULI NI CRISTO

Ang kabayaran mao ang pagpasig-uli sa Dios uban sa katawhan pinaagi sa paghalad sa kamatayon ni Cristo. Human sa pagdeklarar sa plano sa kaluwasan ngadto kang Adan ug Eva, ang Dios nag-ilis sa nawala nga bisti sa kahayag ug ang mga sapot sa dahon sa higuera uban sa kupo sa mga panit, nagsimbolo sa pagkamatarung ni Cristo ug ang bisti sa kaluwasan. Ang paghimo niadtong mga kupo, usa ka halad ang kinahanglan pagahimoon, kay, “ug gawas sa pag-ula sa dugo walay pagpasaylo” (Hebreohanon 9:22), naghulagway nang daan sa sakripisyo ni Cristo didto sa krus.

Gikan sa halaran nga gitukod ni Abraham didto sa yuta sa Moriah sa paghalad kang Isaac ingon nga usa ka sakripisyo, ngadto sa templo nga gitukod ni Solomon ibabaw sa Bukid sa Moriah alang sa presensya sa Dios ug sa mga sakripisyo sa dugo sa hayop sa tanang kapanahonan, mga simbolo ug mga monumento nga nagpahayag sa pagka-epektibo sa dugo ni Cristo sa pagpapas sa mga sala sa

tawo maoy pagpamatuod (Genesis 22:2; 2 Cronicas 3:1). “Ang insaktong pagsabot sa pagpangalagad didto sa langitnong sanctuaryo mao ang pundasyon sa atong pagtuo.”⁷

ANG SANCTUARYO

“Ang termino ‘sanctuary,’ nga gigamit sa Biblia, nagtumong, una, sa tabernakulo nga gitukod ni Moises, ingon nga usa ka hulad sa langitnong mga butang; ug, ikaduha, ngadto sa ‘tinuod nga tabernakulo’ didto sa langit, diin ang yutan-ong sanctuaryo nagpunting.”⁸

Samtang sila nagpanaw padong sa Canaan, ang Dios nagsugo sa Israel pinaagi kang Moises sa paghimo kaniya ug usa ka sanctuaryo; aron Siya magapuyo sa taliwala nila (Exodus 25:8). “Ang Dios nagpakita kang Moises didto sa bukid ug usa ka talanawon sa langitnong sanctuaryo, ug nagsugo kaniya sa paghimo sa tanang butang sumala sa sumbanan nga gipakita kaniya.”⁹

Ang yutan-ong sanctuaryo o tabernakulo gilangkuban sa sawang, ang balaang dapit, ug ang labing balaang dapit diin nagrepresentar sa natagna nga bulohaton ni Cristo gikan sa Iyang pagkatawo ngadto sa Iyang pagpapas sa sala.

1. Ang sawang (Exodus 27:9-18), ang dapit nga naglibot sa tabernakulo ug diin didto ang tanang mga halad gipamatay, maoy usa ka tepo sa yuta diin si Jesus, ang dakong anti-tepo nga halad, nga gitakda nga mamatay alang sa atong mga sala (Juan 12:32, 33).¹⁰ Ang matag pagsulod ngadto sa sawang diin ang makasala magdala sa ilang halad sa sala, nagpahinumdom kanato sa pagtuo diha kang Cristo ingon nga bugtong nga kadugtongan sa atong pakigsaad nga relasyon uban sa Dios (Juan 10:7, 9). **Ang halaran sa halad nga sinunog** (Exodus 27:1-8) sa kilid niini ang dugo sa sakripisyo gibubo ug ang mga abo sa halad nga sinunog gibutang (Leviticus 6:10; Deuteronomio 12:27), gilandongan sa pagbuhos sa bililhong dugo ni Jesus, nga motanggal sa tunglo sa sala gikan niining yutaa, ug magaandam sa dalan alang sa iyang pagputli pinaagi sa kalayo (Malaquias 4:1, 3).¹¹ Ang dugo sa sakripisyo usab nagtudlo nga pinaagi sa dugo ni Jesus lamang nga kita adunay dayag nga pagsulod ngadto sa presensya sa Dios sa sulod sa sanctuaryo (Hebreohanon 10:19, 20 (ESV, ISV)). **Ang dolang sa tubig** (Exodus 30:17-21) sa tunga-tunga sa agianan sa sawang ug sa tabernakulo ug diin ang mga pari manghugas sa ilang mga kamot ug mga tiil sa dili pa sila mosulod sa tabernakulo, maoy usa ka angayan nga ilustrasyon sa kamatuoran nga gitudlo kang Nicodemus mahitungod sa espirituhanong

paghinlo nga gikinahanglan sa pagsulod sa presensya sa Dios, diin ang bautismo usab maoy usa ka simbolo (Juan 3:5).¹²

2. Ang tabernakulo nabahin ngadto sa balaang dapit ug ang labing balaang dapit (Hebreohanon 9:1, 2).

A. Ang balaang dapit adunay mga mosunod nga simbolikanhong mga muwebles: **Ang tinapay nga gipahamutang** sa atubangan sa Dios (Exodus 25:23-30) nga nagkatagbo sa katumanan niini kang Jesus, ang tinapay sa kinabuhi (Juan 6:48, 33, 51).¹³ **Ang tangkawan** (Exodus 25:31-40) nagrepresentar sa iglesia (Bugna 1:12, 20) nga mao ang nagsangga sa lamparahan sa pulong (Salmo 119:105) samtang ang lana sulod sa matag lampara nagsimbolo sa buhat sa Balaang Espiritu dinhi sa yuta (Zacarias 4:1-6, 10; Bugna 5:6). **Ang halaran sa inciense** (Exodus 30:1-7) nagrepresentar sa walay hunong nga kahumot sa pagpataliwala ni Jesus inubanan sa atong mga pag-ampo (Hebreohanon 7:25; Bugna 8:3, 4).

B. Ang labing balaang dapit (Hebreohanon 9:3-5) adunay mosunod nga simbolikanhong muwebles ug mga butang: **Ang arca sa tugon** (Exodus 25:10-22), usa ka simbolo sa balaang presensya sa Dios.¹⁴ Sa sulod sa arca anaa ang duruha ka papan nga bato uban sa **Napulo ka Mga Kasugoan** nga gisulat sa tudlo sa Dios (Deuteronomio 10:4, 5). Kini mao ug nagpabilin nga pagpahayag sa dili mausab nga kinaiya sa Dios.¹⁵ **Ang lingkoranan sa kalooy** (Exodus 25:17-21) nagtabon sa nalapas nga balaod, diin ang makita nga presensya sa Dios napadayag (Exodus 25:32; 30:6). Kini nagrepresentar sa panaghiusa sa kalooy ug hustisya diha sa plano sa pagtubos ug usa ka haum nga simbolo sa trono sa halangdon nga Dios, nga nagmantala sa Iyang ngalan ingon nga “maloloy-on ug mapuangoron, mahinay sa pagkasuko, ug daku sa mahigugmaong-kalolot ug kamatuoran,” (Exodus 34:5-7).¹⁶ **Ang kolon sa mana** (Hebreohanon 9:4) maoy usa ka pahinumdom sa matagnaong pag-amoma sa Dios sa dihang Siya nagpaulan sa tinapay sa Iyang katawhan didto sa kamingawan aron mapadayon ang ilang kinabuhi (Exodus 16:32, 33). Busa, karon, sa Iyang pag-amoma kanato, ang Dios nagpaulan kanato sa bililhong bidlisuw sa kahayag diha sa punto sa pagkaon nga mopamatuod nga usa ka panalangin sa tanan nga nagtigom kanila.¹⁷ Samtang kita magpahat niini nga kahayag, mga pultahan maabli alang sa pagsangyaw sa ebanghelyo. Sa ingon, ang mensahe sa kahimsog mao ang tuo nga kamot sa mensahe sa ikatulong manulonda.¹⁸ **Ang kang Aaron nga sungkod** nga nanalingsing (Hebreohanon 9:4) maoy usa ka pahinumdom sa pagtahud sa sistema sa kahusay ug pagkapangulo nga gitukod sa Dios alang sa Iyang iglesia.¹⁹

Ang yutan-on nga sanctuaryo ug ang tipikal nga mga serbisyo niini temporaryo nga gitukod sa Dios sa pagtudlo sa Israel ug kanato mahitungod sa sistema sa pagsakripisyo, ang hingpit ug kompleto nga plano sa kaluwasan ug ang pagpangalagad ni Cristo sa langitnong sanctuaryo. **Ang kamatayan ni Cristo didto sa krus nagpapas sa mga ordinansa sa pagsakripisyo sa yutan-ong sanctuaryo** ug nga sila wala nay dugang nga kahulogan karon (Colosas 2:14; Hebreohanon 9:8-14).

ANG PAGKASACERDOTE

Adunay talagsaong mga kalainan tali sa pagkasacerdote ni Jesus nga lahi sa yutan-ong pagkasacerdote.

Ang Dios nagpili sa banay ni Levi sa pagpangalagad diha sa pagkasacerdote sa yutan-ong tabernakulo (Numeros 1:50; Exodus 28:1; Leviticus 21:17-23). Apan si Jesus dili mahimong usa ka labaw nga sacerdote dinhi sa yuta, “Kay dayag gayud nga ang atong Ginoo natawo gikan kang Juda; nga niining banaya si Moises wala magsulti mahitungod sa mga sacerdote” (Hebreohanon 7:14). Ang usa ka labawng sacerdote pinili gikan sa iyang katawhan (Hebreohanon 5:1). Kay si Jesus mahimong labawng sacerdote sa katawhan didto sa langit, Siya “wala mokuha diha kaniya sa kinaiyahan sa mga manulonda; apan siya mikuha diha kaniya sa kaliwat ni Abraham” (Hebreohanon 2:16). Dili sama sa Levihanon nga pagkasacerdote, ang pagkasacerdote ni Jesus sunod sa laray ni Melchisedec walay sinugdanan o katapusan (Hebreohanon 7:3).

Duha ka panghitabo ang nagtimaan sa pagbalhin gikan sa yutan-on ngadto sa langitnon nga pagkasacerdote. Sa dihang si Cristo gilansang sa krus, **“ang pagkapikas sa tabil sa templo nagpakita nga ang mga sakripisyo ug mga ordinansa sa Judeo dili na pagadawat.”**²⁰ “Pinaagi sa paggisi sa iyang bisti, [si Caiaphas] nagputol sa iyang kaugalingon gikan sa pagkarepresentante. Siya wala na dawata sa Ginoo ingon nga nagdumala nga labawng sacerdote.”²¹

ANG ADLAW-ADLAW NGA MGA SAKRIPISYO

Ang adlaw-adlaw nga mga serbisyo sa pagsakripisyo ginahimo diha sa sawang ug sa balaang dapit nagpunting sa unahan sa sakripisyo sa Mesias didto sa krus. Ang makasasala kinahanglan magdala ug usa ka walay lama nga hayop (nateng carnero) ingon nga usa ka halad sa sala. Ang nateng carnero (Exodus 12:21) nagrepresentar kang Jesus ang Cordero sa Dios nga nagwagtang sa mga sala sa kalibutan (Juan 1:29; 1 Corinto 5:7). Ang makasasala mopatong sa iyang

mga kamot diha sa ulo sa hayop samtang nagasugid sa iyang mga sala ingon nga siya personal nga mopatay sa hayop.

Ang sacerdote mokuha sa iyang dugo, mowisik niana diha sa mga sungay sa halaran ug mobubo sa nabilin diha sa ubos sa halaran o mowisik niana sa atubangan sa tabil ibabaw sa halaran sa inciense diha sa balaang dapit o mokaon sa kabahin sa halad sa dili pa mosulod sa balaang dapit. Ang kinatibuk-an nga serbisyo nagtimaan sa pagbalhin sa mga sala gikan sa makasasala ngadto sa sanctuaryo (Hebreohanon 9:6; Leviticus 4:3, 7, 22, 23; 6:10; 10:17, 18).

“Samtang ang mga sacerdote sa buntag ug gabii mosulod sa balaang dapit sa panahon sa inciense, ang inadlaw nga sakripisyo andam na nga ihalad diha sa halaran sa sawang sa gawas. . . [ang mga magsisimba] nagkahiya sa hilom nga pag-ampo, uban sa ilang mga nawong atubang sa balaang dapit. Sa ingon ang ilang mga pangamuyo mosaka uban sa panganod sa inciense, samtang ang pagtuo nagkupert sa mga merito sa gisaad nga Manluluwas naghulagway sa mapasiguli nga sakripisyo.”²²

“Ang mga sala sa Israel sa ingon gibalhin ngadto sa sanctuaryo, ang balaang mga dapit nahugawan, ug ang pinasahi nga bulohaton nahimong gikinahanglan alang sa pagwagtang sa mga sala. Ang Dios nagmando nga ang pagtabon sa sala pagahimoon sa matag sagrado nga mga lawak, maingon ang halaran, sa paghinlo niini, ug balaanon kini gikan sa kahugawan sa mga kaanakan sa Israel.”²³

ANG ADLAW SA PAGTABON SA SALA

Ang Adlaw sa Pagtabon sa Sala (Yom Kippur) mao ang ikanapulo ka adlaw sa ikapitong bulan sa Tishrei (tunga-tunga sa Septembre ug Oktobre) ug nagpabilin nga pinakabalaang adlaw sa kalendaryo sa Judeo (Leviticus 23:27).

“Kausa sa usa ka tuig, diha sa dakong Adlaw sa Pagtabon sa Sala, ang labawng sacerdote mosulod sa labing balaang dapit alang sa paghinlo sa sanctuaryo. Ang bulohaton didto nga himoon nagkompleto sa tinuig nga hugna sa pagpangalagad (Hebreohanon 9:7).”²⁴

“Ang matag tawo mosakit sa iyang kalag samtang ang bulohaton sa pagtabon sa sala nagpadayon. Ang tanan nga bulohaton gipadaplin, ug ang tibuok katilingban sa Israel migamit sa adlaw diha sa solemne nga pagpaubos sa atubangan sa Dios, uban ang pag-ampo, pagpuasa, ug lawom nga pagsusi sa kasing-kasing. . . . Ingon ana ang pagpangalagad gihimo ‘nga nagaalagad nianang hulad ug landong sa mga butang nga langitnon’ (Hebreohanon 8:5).”²⁵

ANG PAGPANGALAGAD NI CRISTO SA BALANG DAPIT

Human sa pagkayab sa langit, Siya misugod sa Iyang bulohaton ingon nga atong Labawng Sacerdote. “Sa desye-otso ka mga siglo kini nga bulohaton sa pagpangalagad nagpadayon diha sa unang lawak sa sanctuaryo. Ang dugo ni Cristo, nangamuyo alang sa mahinulsulon nga mga magtutuo, nakasiguro sa ilang kapasayloan ug pagdawat uban sa Amahan, apan ang ilang mga sala nagpabilin sa talaan sa mga libro.”²⁶

ANG HUKOM INBESTIGATIBA

“Ingon sa tipikal nga paghinlo sa yutan-on nahimo pinaagi sa pagtanggap sa mga sala diin kini nakapahugaw, busa ang aktuwal nga paghinlo sa langitnon pagahimoon pinaagi sa pagtanggap, o pagpapas, sa mga sala nga anaa didto natala. Apan sa dili pa kini mahimo, kinahanglan adunay usa ka pagsusi sa natala sa mga libro aron sa pagsuta kung kinsa, pinaagi sa paghinulsol sa sala ug pagtuo diha kang Cristo, may katungod sa mga kaayohan sa Iyang pagtabon sa sala. Busa ang paghinlo sa sanctuaryo naglangkob sa usa ka bulohaton sa pagsusi usa ka bulohaton sa paghukom. Kini nga bulohaton kinahanglan himoon sa dili pa ang pag-abot ni Cristo sa pagtubos sa Iyang katawhan.”²⁷

“Niining dakong adlaw sa katapusang pagtabon sa sala ug paghukom inbestigatiba ang mga kaso lamang nga pagatagdon mao kadtong sa mga nagaangkon nga katawhan sa Dios [1 Pedro 4:17]. Ang paghukom sa mga dautan maoy usa ka lahi ug bulag nga bulohaton, ug kini mahitabo sa katapusang panahon.”²⁸

“Diha sa panahon nga natudlo alang sa paghukom – ang pagsira sa 2300 ka mga adlaw o katuigan, sa 1844 – nagsugod ang bulohaton sa pagsusi ug pagpapas sa mga sala. Ang tanan nga nagdala diha sa ilang kaugalingon sa ngalan ni Cristo kinahanglan moagi sa mabinantayong pagsusi. Parehas ang buhi ug ang patay pagahukman ‘gikan niadtong mga butanga nga nahisulat sa mga basahon, sumala sa ilang mga binuhatan.”²⁹

“Ang rekord sa mga basahon sa langit, diin ang mga pangalan ug mga binuhatan sa mga tawo nakarehistro, maoy motino sa mga disisyon sa paghukom. . . .

“Ang basahon sa kinabuhi naglangkob sa mga pangalan sa tanan nga misulod sa pagpangalagad sa Dios. . . . [Lucas 10:20; Filipos 4:3; Daniel 12:1; Bugna 21:27.]

“Usa ka basahon sa handumanan gisulat sa atubangan sa Dios, diin didto nasulat ang maayong mga binuhatan ‘sila nga nahadlok sa Ginoo, ug sila nga naghunahuna sa Iyang ngalan’ (Malaquias 3:16; Nehemias

13:14). . . Ang matag binuhatan sa pagkamatarung dili pagakalimtan.

“Adunay **usa ka rekord usab sa mga sala sa mga tawo.**”³⁰ Ang matag dautang binuhatan, ang tanan nga walay pulos nga pulong nga nasulti pagahukman (Ecclesiastes 12:14; Mateo 12:36, 37; 1 Corinto 4:5; Isaias 65:6, 7).

“**Mga sala nga wala mahinulsuli ug gisalikway dili pagapasayloon ug dili papason gikan sa rekord sa mga basahon, apan kini mobarug sa pagsaksi batok sa makasasala diha sa adlaw sa Ginoo.** . . . Ang sala tingali gitago, gilimod, gitabonan gikan sa amahan, inahan, asawa, mga anak, ug mga kaubanan; walay usa apan ang mga sad-an mahimong mopangga sa labing gamay nga pagduda sa sayop; apan kini gibutyag sa atubangan sa mga manggialamon sa langit. . . . Ang Dios adunay insakto nga rekord sa tanan nga dili matarung nga balanse ug tanan nga dili patas nga pakigsabot.”³¹

“Ang matag binuhatan sa tawo moagi sa pagsusi atubangan sa Dios ug nakarehistro alang sa pagkamatinud-anon o dili pagkamatinud-anon. Katugbang sa matag ngalan diha sa mga basahon sa langit nahisulod uban sa teribli nga pagkainsakto sa tanang mga sayop nga pulong, tanang dalo nga binuhatan, tanang wala matuman nga mga katungdanan, ug ang tanang sekreto nga sala, uban sa tanang malimbungong pagtago.”³² “Unsa ka solemne ang panghuhuna! Matag adlaw nga manglabay, moagi ngadto sa walay katapusan, nagdala sa iyang lulan sa mga natala sa mga basahon sa langit. . . . Ang atong mga binuhatan, atong mga pulong, bisan pa ang atong pinaka sekreto nga mga motibo. . . . bisan pa sila atong malimtan, sila magadala sa ilang pagpamatuod sa pagpahigawas o pagsilot.”³³

SI CRISTO ANG ATONG MANLALABAN DIDTO SA LABING BALANG DAPIT

“Apan kong may uban nga makasala, may manlalaman kita uban sa Amahan, si Jesu Cristo nga matarung” (1 Juan 2:1). Tanawa usab ang Hebreohanon 9:24.

“Samtang ang rekord sa mga basahon giablihan diha sa paghukom, ang mga kinabuhi sa tanan nga mitoo kang Jesus ginasusi atubangan sa Dios. Sugod niadtong unang nabuhi sa yuta, ang atong Manlalaman nagpresentar sa mga kaso sa matag sunod-sunod nga henerasyon, ug matapos sa mga buhi. Ang matag pangalan gihisgotan, ang matag kaso hugot nga giinbestigahan. Mga ngalan gidawat, mga ngalan gisalikway. **Sa dihang si bisan kinsa adunay mga sala nga nahabilin sa talaan sa mga basahon, nga wala mahinulsoli ug wala mapasaylo, ang ilang mga pangalan**

pagapapason sa basahon sa kinabuhi, ug ang talaan sa ilang maayong mga binuhatan pagapapason gikan sa basahon sa handumanan sa Dios. . . .

“**Ang tanan nga adunay tinuod nga paghinulsol sa sala, ug pinaagi sa pagtuo makaangkon sa dugo ni Cristo ingon nga ilang makatabon nga sakripisyo, adunay kapasayloan nga gitala katugbang sa ilang mga ngalan** diha sa mga basahon sa langit; samtang sila mahimong umalambit sa pagkamatarung ni Cristo, **ug ang ilang mga kinaiya makaplagan nga kauyon sa kasugaoan sa Dios, ang ilang mga sala mapapas,** ug sila sa ilang kaugalingon pagaisipon nga takus sa walay katapusang kinabuhi.” [Isaias 43:25; Bugna 3:5; Mateo 10:32, 33.]³⁴

ANG ATONG SOLEMNE NGA KATUNG DANAN

Ang atong pagsabot sa bulohaton sa hukom inbestigatiba nagkinahanglan kanato sa pagbaton ug desidido nga pagbuhat mahitungod sa atong kaluwasan.

“**Ang tanan nga gusto nga ang ilang mga pangalan magpabilin sa basahon sa kinabuhi kinahanglan nga karon, sa pipila nga nahabilin nga mga adlaw sa ilang gihatag nga panahon, magsakit sa ilang mga kalag atubangan sa Dios pinaagi sa pagkasubo sa sala ug tinud-anay nga paghinulsol. Kinahanglan adunay lawom, matinud-anong pagsusi sa kasing-kasing.** Ang walay pagtagad, kabuangan nga espiritu gipatuyangan sa hilabihan ka daghan nga nag-angkon nga mga Cristohanon kinahanglan isalikway.”³⁵

Kita kinahanglan mobuhat sa atong kaugalingong kaluwasan uban ang pagkahadlok ug pagkurog. (Filipos 2:12) “Kon ang bulohaton sa hukom inbestigatiba mosira, ang padulngan sa tanan aduna nay hukom alang sa kinabuhi o kamatayan. Ang kahigayonan matapos sa hamubo nga panahon sa dili pa mopadayag ang Ginoo diha sa kapanganoran sa langit. Si Cristo . . . nagpahayag: ‘Ang dili matarung, mag-dili-matarung gihapon siya; ug ang mahugaw, magmahugaw gihapon siya; ug ang matarung, magmatarung gihapon siya; ug ang balaan, magbalaan gihapon siya. Ania karon, moanhi ako sa madali, ug ang akong balus uban kanako sa paghatag sa tagsatagsa sumala sa iyang buhat.’”³⁶

KONKLUSYON

“Ang matarung ug ang dautan buhi sa gihapon dinhi sa yuta diha sa ilang mamalaton nga kahimtang – mga tawo magapananom ug managtukod ug gambalay, magapangaon ug magapanginom, ang tanan

wala makamatikod nga ang katapusan, dili mausab nga desisyon gipahayag na didto sa sanctuaryo sa itaas. . . . Sa kahilom, sa wala mahibalo ingon sa kawatan sa tunga-tunga sa kagabhion, moabot sa natakadang panahon nga maoy magtimri sa linungtaran sa matag tawo, ang katapusang pagkuha sa tanyag sa kalooy ngadto sa masal-anon nga mga tawo.

“ ‘Busa managtukaw kamo: . . . Tingali unya kong sa pag-abot niya sa kalit hingkaplagan kamo nga nangatulog’ (Marcos 13:35, 36). **Makatalagmanon ang kahimtang niadtong kinsa, nagakaluya sa ilang pagbantay, miliso sa ilang mga atraksyon sa kalibutan.** Samtang ang negosyante natugob sa iyang tinguha sa ganansya, samtang ang mahigugmaon sa kalingawan nagapangita sa pagpatuyang, samtang ang mga babaye sa urog naghan-ay sa iyang mga dayan-dayan – mahimo nianang orasa ang Maghuhukom sa tibuku kalibutan mopahayag sa hukom: ‘Ikaw ginatimbang diha sa timbangan, ug nakita nga kulangan.’ Daniel 5:27.”³⁷

Dili hangtud nga ang Dios molaglag sa tigpasiugda sa sala, ang katawhan sa Dios magatagad sa ilang kaugalingon nga hiluwasa gikan sa lulan sa sala. **Karon ang panahon sa pagsakit sa atong mga kaugalingon, lawom nga pagsusi sa atong mga kasing-kasing ug mag-ampo sa masibuton alang sa pagpapas sa atong mga sala inay sa pagpapas sa atong mga ngalan gikan sa basahon sa kinabuhi.**

Amen. *R*

Mga Reperensya:

- ¹ *Maranatha*, p. 93.
- ² *Selected Messages*, bk. 1, p. 270.
- ³ *God's Amazing Grace*, p. 161.
- ⁴ *The Great Controversy*, p. c. 2. [1888 edition.]
- ⁵ *The Faith I Live By*, p. 75.
- ⁶ *Patriarchs and Prophets*, p. 63.
- ⁷ *Evangelism*, p. 221.
- ⁸ *The Faith I Live By*, p. 202.
- ⁹ *Patriarchs and Prophets*, p. 343.
- ¹⁰ Haskell, S.N., *The Cross and Its Shadow*, pp. 176, 178.
- ¹¹ *Ibid.*, pp. 129, 130.
- ¹² *Ibid.*, p. 179.
- ¹³ *Ibid.*, p. 56.
- ¹⁴ *Testimonies for the Church*, vol. 4, p. 157.
- ¹⁵ *Reflecting Christ*, p. 46.
- ¹⁶ *God's Amazing Grace*, p. 69.
- ¹⁷ *Counsels on Diet and Foods*, p. 269.
- ¹⁸ *Counsels on Health*, p. 219.
- ¹⁹ *Patriarchs and Prophets*, pp. 397, 403.
- ²⁰ *Early Writings*, pp. 259, 260.
- ²¹ *The Desire of Ages*, p. 709.
- ²² *Patriarchs and Prophets*, p. 353.
- ²³ *Ibid.*, p. 355.
- ²⁴ *Ibid.*
- ²⁵ *Ibid.*
- ²⁶ *The Great Controversy*, p. 421.
- ²⁷ *Ibid.*
- ²⁸ *Ibid.*, p. 480.
- ²⁹ *Ibid.*, p. 486.
- ³⁰ *Ibid.*, pp. 480, 481.
- ³¹ *Ibid.*, p. 486.
- ³² *Ibid.*, p. 482.
- ³³ *Ibid.*, pp. 486, 487.
- ³⁴ *Ibid.*, p. 483.
- ³⁵ *Ibid.*, p. 490.
- ³⁶ *Ibid.*
- ³⁷ *Ibid.*, p. 491.

ANG MGA PANAHON SA KAHAMUGAYA

BY A. C. SAS — AUSTRALIA

Ang Balaang Mga Kasulatan yano nga nagtudlo kanato nga “Adunay panahon alang sa tanang butang, ug panahon alang sa tagsa-tagsa ka tuyo ilawom sa langit” (Ecclesiastes 3:1). Mao usab ang “kahamugaya” adunay panahon kung kanusa siya matuman.

Ang pulong “kahamugaya” gigamit kaniadto sa Silangan nga may kalabutan sa ulan nga mahulog sa yuta sa dili pa ang katapusang pag-ani sa lugas. Kini usab naila ingon nga “ang ulahing ulan.”

“Didto sa Silangan ang kanhing ulan mahulog sa panahon sa tingpugas. Kini gikinahanglan aron ang binhi moturok. Ilawom sa inpluwensya sa makapatambok nga mga ulan, ang mga lingsod nga sanga motubo. Ang ulahing ulan, mangahulog sa hapit na matapos ang panahon, mopahinog sa lugas ug moandam niini alang sa galab. Ang Ginoo naggamit niini nga mga operasyon sa kinaiyahan sa pagrepresentar sa bulohaton sa Balaang Espiritu.”¹

Si propeta Zacarias diha sa Daang Tugon naghimo ug pakisayran dili lamang sa pagkahulog sa ulahing ulan, apan usab mahitungod sa panginahanglan sa katawhan sa Dios sa pag-ampo ug pagpangayo alang sa iyang pagbubo diha sa tukmang

panahon.

“Mangamuyo kamo kang Jehova sa ulan sa panahon sa naulahing ulan; oo kang Jehova nga nagahimo sa mga kilat; ug siya magahatag kanila sa madagayaang ulan, alang sa tagsa-tagsa sa mga balili sa kapatagan” (Zacarias 10:1).

Diha sa Bag-ong Tugon si apostol Pedro mihimo usab ug pakisayran ngadto sa “kahamugaya,” sa dihang namulong siya sa iyang wali ngadto sa usa ka panon sa katawhan nga nagtigom sa adlaw sa Pentecostes. Sa panahon nga sila gitugahan sa dakong gahum gikan sa langit. Ang Balaang Espiritu gibubo ngadto kanila sa madagayaon. Kanang kasinatian nga ilang nasinati gitawag nga “unang ulan,” o ang “kanhing ulan.”

“Maingon nga ang ‘kanhing ulan’ gihatag, diha sa pagbubo sa Balaang Espiritu sa pagsugod sa ebanghelyo, aron sa pagpatubo sa bililhon nga liso, maingon nga ang ‘ulahing ulan’ igahatag sa pagsira para sa pagpahinog sa alanihon.”²

Sa dihang si apostol Pedro nagsulti kabahin sa “mga panahon sa kahamugaya” iya kining giklaro nga adunay pipila nga hilabihan ka mahinungdanon nga mga lakang nga kinahanglan pagahimoon sa dili pa ang katumanan sa panghitabo,

ingon sa gilatid diha sa mga balasahon niining Semana sa Pag-ampo, nagtumong sa bersikulo sa Biblia: Busa, managhinulsol kamo, ug managbalik kamo, aron pagapalaon ang inyong mga sala, kay sa ingon niana moabut ang mga panahon sa kahamugaya gikan sa atubangan sa Ginoo; Ug nga igapadala niya si Cristo, nga iyang gitudlo alang kaninyo, Nga mao si Jesus: Nga kinahanglan pagadawaton sa langit hangtud sa pagpahiuli sa tanang mga butang, nga gisulti sa Dios pinaagi sa baba sa iyang balaang mga manalagna, sukad pa sa sinugdan. (Buhat 3:19-20).

Kita adunay lima ka mahinungdanon nga mga punto dinhi:

- a) Paghinulsol
- b) Pagkakabig
- c) Pagpapas sa mga sala
- d) Mga panahon sa kahamugaya
- e) Ang pag-abot ni Jesus

PAGHINULSOL

Ang tinuod nga paghinulsol mogiya sa usa ka tawo sa pag-ila sa ilang sala ug mosugid niana. “Ang mga ehemplo diha sa pulong sa Dios sa tinuod nga paghinulsol ug pagpaubos madayag sa usa ka espiritu sa pagsugid diin walay pangulipas



inyong kasing-kasing, ug dili ang inyong mga saput, ug bumalik kamo kang Jehova nga inyong Dios; kay siya napuno sa gracia ug maloloy-on, mahinay sa kasuko, ug madagayaon sa mahigugmaong-kalolot, ug nakapabasol kaniya ang dautan” (Joel 2:12, 13).

“Ang usa ka kausaban makita diha sa kinaiya, sa mga batasan, sa mga tinguha.”⁴

Kini dili usa ka gamay nga kauswagan sa atong espirituhanon nga kinabuhi apan usa ka kompleto nga kausaban.

“Walay ebidensya sa tinuod nga paghinulsol gawas kon kini nagabuhat sa pagreporma. Kung iyang iuli ang iyang gisaad, ihatag pag-usab ang iyang gikawat, isugid ang iyang mga sala, ug higugmaa ang Dios ug ang iyang isigkatawo, ang makasala mahimong makasiguro nga siya nakalabang gikan sa kamatayon ngadto sa kinabuhi.”⁵

PAGPAPAS SA MGA SALA

Sa ato usab nakita niining Semana sa Pag-ampo, kadto lamang mga sala nga gisugid ug gisalikway ang pagapapason, o tanggalon diha sa libro sa kinabuhi. Ang pagkansela sa mga sala kinahanglan mahimo sa dili pa nato madawat ang “kahamugaya” – ang “ulahing ulan.”

“Ang dakong buhat sa ebanghelyo dili matapos diha sa diyutay nga pagpadayag sa gahum sa Dios kay sa nakita sa iyang pagsugod. Ang mga tagna nga natuman diha sa pagbubo sa kanhing ulan sa pagsugod sa ebanghelyo, matuman na usab sa ulahing ulan diha sa pagsira niini. Ania ang ‘mga panahon sa kahamugaya’ diin si apostol Pedro naglantaw niini sa dihang siya miingon, ‘Busa, managhinulsol kamo, ug managbalik kamo, aron pagapalaon ang inyong mga sala, kay sa ingon niana moabut ang mga panahon sa kahamugaya gikan sa atubangan sa Ginoo; Ug nga igapadala niya si Cristo.’”⁶

PAGPANGANDAM ALANG SA ULAHING ULAN:

Sa dihang ang unang ulan nahulog diha sa adlaw sa Pentecostes halos ang tanang mga sumosunod nagtapok sa usa ka lugar, didto sa ibabaw nga lawak. Unsa ang ilang ginabuhat didto sulod sa napulo ka mga adlaw? Ang Biblia nagsulti kanato:

“Kini silang tanan nanagpadayon sa paghiusa sa pag-ampo, kauban sa mga babaye ug ni Maria nga inahan ni Jesus ug kauban sa iyang mga igsoon” (Buhat 1:14).

“Niining adlaw sa pagpangandam mao ang mga adlaw sa lawom nga pagsusi sa

kasing-kasing. Ang mga disipulo nibati sa ilang espirituhanon nga panginahanglan ug naghangyo sa Ginoo alang sa balaan nga pagdihog aron nga sila mahaum alang sa pagbuhat sa pagluwas sa kalag. Sila wala mangayo sa usa ka panalangin alang sa ilang kaugalingon lamang. Sila nabugatan sa lulan sa kaluwasan sa mga kalag.”⁷

Kini natuman diha sa Buhat 2:1-4.

“Ang saad sa Balaang Espiritu dili limitado sa bisan unsang edad o sa bisan unsang rasa. Si Cristo nagdeklara nga ang balaanong inpluwensya sa Iyang Espiritu magauban sa Iyang mga sumosunod hangtud sa katapusan. Gikan sa adlaw sa Pentecostes ngadto sa presente nga panahon, ang Maglilipay gipadala ngadto sa tanan kinsa nagatugyan sa ilang mga kaugalingon sa bug-os ngadto sa Ginoo ug sa pagpangalagad Kaniya.”⁸

Bisan pa sa kamatuoran nga ang Balaang Espiritu gihatag kanato karon sa usa ka sukod, sa pagtudlo kanato ug sa paggiya kanato ngadto sa tanang kamatuoran, ang saad sa ulahing ulan maoy gikinahanglan alang sa pagtapos sa bulohaton sa Dios, alang sa pagtapos sa pagmantala sa walay katapusang ebanghelyo. Ug kini nga saad matuman:

“Ug unya mahitabo sa ulahi, nga igabubo ko ang akong Espiritu ibabaw sa tanang unod; ug ang inyong mga anak nga babaye ug ang inyong mga anak nga lalake managpanagna, ang inyong mga tawong tigulang managdanggo sa mga damgo, ang inyong mga batan-ong lalake makakita sa mga panan-awon; Ug ingon man usab ibabaw sa mga sulogoon nga lalake, ug ibabaw sa mga sulogoon babaye niadtong mga adlaw igabubo ko ang akong Espiritu” (Joel 2:28, 29).

Sa dihang atong mabasa ang pulong “sa kaulahian” diha sa libro sa Joel atong masabtan nga diha sa katapusang mga adlaw usa ka bulohaton ang kinahanglan mahimo sa dili pa ang Balaang Espiritu igahatag kanato uban sa pinakadaku nga sukod. Sa miaging mga bersikulo sa Joel 2, ang manalagna nagtataw sa bulohaton nga kinahanglan mahimo sa wala pa ang ulahing ulan:

“Tiguma ang katawohan, balaana ang pagkatigum, pundoka ang mga tawong tigulang, tiguma ang kabataan, ug kadtong mga masuso; pagulaa ang kaslonon nga lalake gikan sa iyang lawak, ug ang pangasaw-onon gikan sa iyang sulod. Pahilaka ang mga sacerdote, ang mga ministro ni Jehova, sa kinataliwad-an sa alagianan sa templo ug sa halaran, ug ipaingon kanila: Pagawasa ang imong katawohan, Oh Jehova, ug ayaw itugyan ang imong panulondon nga pagatamayon, nga

sa sala o pagsulay sa pagpakamatarung sa kaugalingon. Si Pablo wala mangita sa pagpanalipod sa iyang kaugalingon; iyang gipinta ang iyang sala diha sa labing itom nga kolor niini.”³ Si apostol Juan nagsulat, “Kong umingon kita nga kita walay sala, gilimbongan nato ang atong kaugalingon, ug walay kamatuoran dinhi kanato. Kong igasugid nato ang atong mga sala, matinu-manon ug matarung siya, aron pasayloon kita niya sa atong mga sala, ug pagahinloan kita niya gikan sa tanang kadautan. (1 Juan 1:8, 9). Kini mao ang usa ka nindot nga saad: Kung atong isugid ang atong mga sala, kita gipasaylo ug nahinloan.

PAGKAKABIG

Human kita naghinulsol ug nagsugid sa atong mga sala kita gidapit nga mahimong makabig. Ang Pagkakabig maoy usa ka kompleto 180o nga liso sa atong mga kinabuhi, magadala sa lahi nga padulngan. Ang Ginoo nag imbita kanato sa pagliso gikan sa kalibutan ngadto Kaniya, sa kinabubut-on, dili pinaagi sa pinugos:

“Bisan pa gani karon, nagaingon si Jehova, bumalik kamo kanako uban ang bug-os ninyong kasing-kasing, ug uban ang pagpuasa, ug uban ang paghilak, ug uban ang pagbalata: Ug gision ninyo ang

ang mga nasud managgahum kanila: kay ngano man nga moingon sila sa taliwala sa mga katawohan: Hain man ang ilang Dios? Unya si Jehova nangabugho alang sa iyang yuta, ug naloooy sa iyang katawohan” (Joel 2:16-18).

Walay usa nga makadawat sa “kahamugaya,” o “ulahing ulan,” kung ang iyang mga sala wala mapapas, o nakan-sela. Bisan pa niana, subo nga isulti, nga daghan ang nagdahom sa pagdawat nianang dakong panalangin diha sa ilang makasasala nga kahimtang, walay paghinulsol ug pagkakabig, nagdahom nga sa panahon sa ulahing ulan sila mareporma. Ang mga kaso niini walay paglaum, ingon sa atong mabasa sa mosunod nga mga pahayag:

“Akong nakita nga daghan ang wala magtagad sa pagpangandam nga labi nga gikinahanglan ug nagalantaw sa panahon sa ‘kahamugaya’ ug ang ‘ulahing ulan’ nga mopahaum kanila sa pagbarog diha sa adlaw sa Ginoo ug mabuhi sa Iyang panan-aw. Oh, unsa ka daghan ang akong nakita sa panahon sa kasamok nga walay salipdanan! Ilang gipasagdan ang gikinahanglan nga pagpangandam; busa sila dili makadawat sa khamugaya nga ang tanan unta makabaton sa paghaum kanila nga mabuhi diha sa panan-aw sa balaang Dios. . . . Akong nakita nga walay usa nga makapahat sa ‘kahamugaya’ gawas kung sila makabaton sa kadaugan batok sa kasamok, batok sa garbo, kadalo, gugma sa kalibutan, ug batok sa matag sayop nga pulong ug binuhatan.”⁹

“Kadtong naglangay sa pagpangandam alang sa adlaw sa Dios dili makahimo niana diha sa panahon sa kasamok o sa bisan unsang sunod nga panahon. Ang kaso sa tanan niini walay paglaum.”¹⁰

“Adlaw-adlaw atong pangitaon ang lamdag sa Espiritu sa Dios, aron kini makahimo sa iyang bulohaton diha sa kalag ug kinaiya. Oh, pila na ka panahon ang nausik pinaagi sa paghatag pagtagad sa mga butang nga walay hinungdan. Maghinulsol ug managbalik kamo, aron ang inyong sala pagapalaon sa dihang ang mga panahon sa khamugaya moabut gikan sa atubangan sa Ginoo.”¹¹

“Karong adlaw kinahanglan nimong hinloan ang imong sudlanan aron mahimong andam alang sa langitnong yamog, andam alang sa mga ulan sa ulahing ulan; kay ang ulahing ulan moabut, ug ang panalangin sa Dios mopuno sa matag kalag nga naputli gikan sa matag kahugawan. Kini mao ang atong bulohaton karon sa pagtugyan sa atong mga kalag ngadto kang Cristo, aron kita mahimong haum

alang sa panahon sa khamugaya gikan sa presensya sa Ginoo – haum alang sa bautismo sa Balaang Espiritu.”¹²

ANG ULAHING ULAN IBUBO

“Sa dili pa moabut ang katapusang mga paghukom sa Dios dinhi sa yuta adunay sa taliwala sa katawhan sa Dios ang ingon nga usa ka pagpabuhi sa una nga pagkadiosnon ingon sa wala pa masaksihan sukad sa mga panahon sa mga aposoles. Ang Espiritu ug gahum sa Dios igabubo diha sa Iyang mga kaanakan.”¹³

“Ingon ang mga membro sa lawas ni Cristo magakaduol sa panahon sa katapusang panagbangi, ‘ang panahon sa kasamok ni Jacob,’ sila motubo diha kang Cristo, ug moambit sa hilabihan sa Iyang Espiritu. Ingon nga ang mensahe sa ikatulong manulonda mobuswang ngadto sa usa ka makusog nga singgit, ug ingon nga ang dakong gahum ug himaya magauban sa pagsira sa bulohaton, ang matinud-anong katawhan sa Dios moambit niana nga himaya. Kini ang ulahing ulan mao ang mopabuhi ug mopalig-on kanila sa paglatas sa panahon sa kasamok. Ang ilang mga dagway mosanag uban sa himaya niana nga kahayag nga nagauban sa ikatulo nga manulonda.”¹⁴

“Busa, managkalipay kamo, mga anak sa Sion, ug panagmaya kang Jehova nga inyong Dios; tungod kay siya naghatag kaninyo sa nahaunang ulan sa igo gayud, ug iyang pagapaulanon ang ulan alang kaninyo, ang nahaunang ulan, ug ang naulahing ulan sa unang bulan” (Joel 2:23).

“Ug mahitabo sa ulahi nga mga adlaw, nagaingon ang Dios, igabubo ko ang akong Espiritu sa tanang unod: ug ang inyong mga anak nga lalake ug babaye magapanagna, ug ang inyong mga batan-on makakita ug mga talan-awon, ug ang inyong mga tigulang managdango ug mga damgo: Oo, ug sa akong mga ulipon nga lalake ug mga ulipon nga babaye, niadtong mga adlaw igabubo ko usab kanila ang akong Espiritu, ug managpanagna sila” (Buhat 2:17, 18).

“Sa pagsugod sa panahon sa kasamok, kami napuno sa Balaang Espiritu samtang nanglakaw kami ug nagmantala sa Igpapahulay nga mas hingpit.”¹⁵

“Sa pagsugod nianang panahon sa kasamok, nga gihisgotan dinhi wala nagtumong sa panahon sa mga hampak sa pagsugod sa pagbubo, apan sa diyutay nga panahon sa dili pa sila igabubo, samtang si Cristo anaa pa sa santuario. Nianang panahona, samtang ang bulohaton sa kaluwasan nagasira na, mga kasamok moabot sa kalibutan, ug ang mga nasud mangasuko, apan napugngan aron dili mababagan ang bulohaton sa ikatulong manulonda. Nianang panahona ang ‘ulahing ulan,’ o

khamugaya gikan sa presensya sa Ginoo, moabot, aron sa paghatag sa makusog nga tingog sa ikatulong manulonda, ug magaadam sa mga balaan sa pagbarug diha sa panahon kon ang pito nga katapusang mga hampak igabubo na.”¹⁶

“Ang katawhan sa Dios nakatapos na sa ilang bulohaton. Ilang nadawat ‘ang ulahing ulan,’ ang khamugaya gikan sa presensya sa Ginoo,’ ug sila naandam na alang sa masulayong takna sa atubangan nila. Mga manulonda nagadali ngadto ug nganhi sa langit. Usa ka manulonda nibalik gikan sa kalibutan nagpahibalo nga ang iyang bulohaton natapos na; ang katapusang sulayanan gidala na sa kalibutan, ug ang tanan kinsa nakapamatuod sa ilang mga kaugalingon nga matinud-anon sa balaan nga mga kasugoan nakadawat ‘sa selyo sa buhi nga Dios.’ Unya si Jesus mihunong na sa Iyang pagpataliwala didto sa santuario sa langit.”¹⁷

USA KA HINUGPONG NGA KASINATIAN

Samtang kita nagtuon sa mga Kasulatan nga naglangkob sa bililhong mga saad sa Dios sa paghatag nganhi kanato sa Balaang Espiritu sa hingpit, atong masabtan nga diha sa panahon sa unang ulan ang gahum sa Balaang Espiritu gihatag sa kinatibukan niadtong kinsa “niadtong tanan nga nagkahiisa diha sa usa ka lugar.” Diha sa panahon sa ulahing ulan ang kasinatian sa katawhan sa Dios mahimong parehas. Ang bersikulo sa Biblia diha sa Zacarias nag-ingon:

“Mangamuyo kamo kang Jehova sa ulan sa panahon sa naulahing ulan, oo kang Jehova nga nagahimo sa mga kilat; ug siya magahatag kanila sa madagayaang ulan, alang sa tagsatagsa sa mga balili sa kapatagan” (Zacarias 10:1).

Daghang higayon nga atong nabasa kini nga bersikulo sa Biblia, ug naghimo ug lig-on nga pagpahayag niini nga mga pulong: “Mangamuyo kamo kang Jehova sa ulan sa panahon sa naulahing ulan,” ug nalimot sa katapusang bahin sa bersikulo nga nag-ingon nga ang Ginoo mohatag sa mga ulan “alang sa tagsa-tagsa sa mga balili sa kapatagan.” Kining katapusang mga pulong nagpasabot nga ang matag usa nga anaa sa uma (ang iglesya), diin nianang panahona kinahanglan ang usa ka iglesya maputli, makadawat sa ulahing ulan. Kadtong nagsalikway sa paghimo sa ilang pagpangandam alang sa panalangin sa ulahing ulan dili makaplagan taliwala kanila. Sila matanggal gikan sa salin nga katawhan sa Dios pinaagi sa makusog nga pagtay-og. Ang pulong sa pagpadasig naghimo niini

nga klaro kaayo:

“Ang Dios nagaayag sa Iyang kawatuhan. Siya adunay usa ka hinlo ug balaan nga iglesya. Kita dili makabasa sa kasingkasing sa tawo. Apan ang Dios nagtagana sa mga paagi sa paghimo sa iglesya nga putli.”¹⁸

“Ang uban nangahulog ug nabiyaan sa dalan. Ang tamhangang ug sukwahi, kinsa wala moipon niadtong naghatag ug bili sa kadaugang ug kaluwasan nga paigo sa makanunayong pangamuyo ug nag-antus alang niini, wala makabaton niini, ug sila nabiyaan diha sa kangitngitan, ug ang ilang mga luna diha-diha dayon napulihan sa uban nga nagakupot sa kamatuoran ug nagaabot diha sa hanay.”¹⁹

ANG PAG-ANHI NI JESUS

“Kay ang grasya sa Dios nga nagadala sa kaluwasan nagpakita sa tanang mga tawo: Sa pagtudlo kanato nga sa nadumilian ta ang pagkadili-diosnon ug ang mga kailibgong kalibutanon, managpuyo kita sa kabuotan ug sa katarang, ug sa pagka-diosnon niini nga panahona sa kalibutan, Nga nagapaabut sa bulahan nga paglaum, ug sa pagpadayag sa himaya sa atong dakung Dios ug Manluluwas, nga si Jesucristo” (Tito 2:11-13).

“Sa dihang ang kinaiya sa Manluluwas nga sa hingpit mabatonan sa Iyang kawatuhan, ug unya Siya moanhi sa pagkuha sa mga Iya. Kini maoy pribilehiyo sa matag Cristohanon, dili lamang nga nagpaabot, apan sa pagpadali, sa pag-anhi sa atong Ginoo.”²⁰

“Ug unya magapakita ang ilhanan sa Anak sa tawo sa langit; ug unya managbakho ang tanang mga banay sa yuta, ug makita nila nga moanhi ang Anak sa tawo sa ibabaw sa mga panganod sa langit, nga adunay gahum ug dakung himaya. Ug magapadala sa iyang mga manulonda uban ang masipang tingog sa budyong, ug ilang pagatigumon sa tingub ang iyang mga pinili gikan sa upat ka hangin, sukad sa usa ka tumoy sa langit hangtud sa usa” (Mateo 24:30, 31).

“Apan kong moanhi ang Anak sa tawo sa iyang himaya, ug ang tanang mga manulonda uban kaniya, unya magalingkod siya sa lingkoranan nga harianon sa iyang himaya. Ug pagatigumon sa atubangan niya ang tanang mga nasud; ug iyang pagabulagbulagon sila, ingon sa magbalantay sa kahayupan nga nagabulag sa mga carnero ug sa mga kanding. Ug igabutang niya ang mga carnero sa iyang too, ug ang mga kanding sa wala. Unya ang Hari magaingon sa mga nahatoo kaniya: Umari kamo mga binulahan sa akong Amahan, panunda

ninyo ang gingharian nga gitagana alang kaninyo sukad pa sa pagkatukod sa kalibutan” (Mateo 25:31-34).

KONKLUSYON

Samtang atong gibasa ang mahitungod sa kasinatian sa unang mga disipulo diha sa pagsugod sa panahon sa Cristohanon sa dihang ilang nadawat ang kanhing ulan, atong nakita nga kadtong anaa sa ibabaw nga lawak nakadawat sa bautismo sa Balaang Espiritu sa pagtingub. Ang ubang mga membro sa iglesya nakadawat niini pagkahuman niadto, ang matag usa.

Mahitabo ba usab kini sa atong panahon? Ang ulahing ulan ang gihisgotan, ug kita nagaampo niana sa kasubsob, ingon nga panghitabo nga mahitabo sa umalabot. Kanus-a kini matuman? Sala ba sa Ginoo ang pagkalangan sa pagdawat niining dakong panalangin? Ang Biblia nagsulti kanato: “Busa kong kamo nga mga dautan, mahibalong mohatag sa mga maayong hatag sa inyong mga anak, dili ba labi pa ang inyong Amahan nga langitnon magahatag sa Espiritu Santo sa mga managpangayo kaniya?” (Lucas 11:13).

Sa pila ka semana, ang mga representante sa salin nga iglesya sa Dios magahiusa sa pagtingub. Ang Balaang Espiritu sa Dios ibubo ba sa mga delegado sa sesyon sa Konperensya Heneral sa 2025? Mahimo ba ang nindot nga saad sa ulahing ulan madawat unya? Minahal kong mga igsoon, kita magaadam alang nianang dakong panalangin. Ang Ginoo magatabang sa tanan nga adunay handum nga mabautismohan sa Balaang Espiritu. Ang Espiritu sa Tagna nagtambag kanato:

“Mga manulonda sa Dios nagabantay sa kalamboan sa kinaiya ug nagatimbang sa moral nga bili. Ang pagsira hapit na matapos, ug ikaw wala maandam. Oh, nga ang pulong sa pasidaan magdilaab unta sa inyong mga kalag! Pangandam! Pangandam!”²¹

Ingon nga usa sa imong isigka-alagad, ako nangandoy sa paghimo ug usa ka paghangyo sa matag usa kinsa moadto ingon nga delegado sa sesyon sa Konperensya Heneral sa 2025: Palihug, adto sa Konperensya nga walay sulod, hiluwas gikan sa tanang gihunahuna nang daan nga mga ideya, paghimo ug usa ka bugos nga pagpangandam, ug mohimog kalinaw uban sa Dios ug uban sa tawo, pagbaton ug limpyo nga konsensya, ug pangandam aron mabautismohan pinaagi sa Balaang Espiritu. Kinsay nasayud kung matuman ba ang gipaabot nga saad? Ug kitang tanan, mga igsoon, kinsa dili mga

delegado, kinahanglan mosusi sa atong mga kinabuhi, isugid ang atong mga sala ug mangayo sa kapasayloan, aron nga ang atong mga sala mapapas, ug magampo nga masibuton alang sa kalampanan sa Konperensya, aron ang Ginoo moduaw sa Iyang mga alagad uban sa mga ulan sa dakong mga panalangin. Ang Espiritu sa Tagna nagtambag kanato:

“Isalikway sa mga Cristohanon ang ilang panagsumpaki, ug ihatag nila ang ilang kaugalingon ngadto sa Dios alang sa pagluwas sa nawala. Himoa nga sila sa hugot nga pagtuo mangayo alang sa panalangin, ug kini moabot. Ang pagbubo sa Espiritu diha sa mga panahon sa apostoles mao ang ‘kanhing ulan,’ ug mahimayaon ang resulta. Apan ang ‘ulahing ulan’ mahimong mas abunda.”²²

“Karon adlaw ihatag ang imong kaugalingon ngadto sa Dios, aron ikaw mahaw-as sa kaugalingon, mawad-an sa kasina, selos, dautang katahap, panag-away, sa tanang butang nga dili makapasidungog sa Dios. Karon adlaw kinahanglan nimong hinloan ang imong sudlanan aron mahimong andam alang sa langitnong yamog, andam alang sa mga pagbubo sa ulahing ulan; kay ang ulahing ulan moabut, ug ang panalangin sa Dios mopuno sa matag kalag nga naputli gikan sa matag kahugawan. Kini mao ang atong bulohaton karon sa pagtugyan sa atong mga kalag ngadto kang Cristo, aron kita mahaum alang sa panahon sa kahamugaya gikan sa presensya sa Ginoo – haum alang sa bautismo sa Balaang Espiritu.”²³

Amen! *R*

Mga Reperensya:

¹ *Testimonies to Ministers*, p. 506.

² *The Great Controversy*, p. 611.

³ *Steps to Christ*, p. 41.

⁴ *Ibid.*, p. 57.

⁵ *Ibid.*, p. 59.

⁶ *The Great Controversy*, pp. 611, 612. [1888 edition.] [Words in brackets are in the original.]

⁷ *The Acts of the Apostles*, p. 37.

⁸ *Ibid.*, p. 49.

⁹ *Early Writings*, p. 71.

¹⁰ *The Great Controversy*, p. 620.

¹¹ *Ye Shall Receive Power*, p. 319.

¹² *The Review and Herald*, March 22, 1892.

¹³ *The Great Controversy*, p. 464.

¹⁴ *The Review and Herald*, May 27, 1862.

¹⁵ *Early Writings*, p. 33.

¹⁶ *Ibid.*, pp. 85, 86.

¹⁷ *The Great Controversy*, p. 613.

¹⁸ *Testimonies for the Church*, vol. 1, p. 99.

¹⁹ *Early Writings*, p. 271.

²⁰ *Maranatha*, p. 112.

²¹ *Testimonies for the Church*, vol. 2, p. 401.

²² *The Desire of Ages*, p. 827.

²³ *God's Amazing Grace*, p. 205.

SABADO, DECEMBRE 14, 2024

ANG PAG-ANHI NI JESU CRISTO

BY MARCELO PONCE — GERMANY

"Nga nagapaabut sa bulahan nga paglaum, ug sa pagpadayag sa himaya sa atong dakung Dios ug Manluluwas, nga si Jesucristo" (Tito 2:13).

"Usa sa mga solemne apan labing mahimayaon nga mga kamatuoran nga gipadayag sa Biblia mao kana ang ikaduhang pag-abot ni Cristo sa pagkompleto sa dakong bulohaton sa katubsan. Ngadto sa mga langyaw nga katawhan sa Dios, dugay na nga nabiyaan sa pagpanaw sa rehiyon ug landong sa kamatayon,' usa ka bililhon, kalipay – makapadasig nga paglaum gihatag diha sa saad sa Iyang pagpadayag, kinsa mao 'ang pagkabanhaw ug ang kinabuhi,' sa 'pagdala balik sa pinuy-anan nga Iyang gihinginlan.' Ang doktrina sa ikaduhang pag-abot mao ang pinaka sentro sa Sagrado nga Kasulatan."¹

Usa ako ka bata nga 11 anyos sa dihang ako mitambong sa atong mga katiguman sa simbahan uban sa akong pamilya sa unang higayon. Didto ako nagsugod sa pagpamati sa unang higayon sa kahibulongang mensahe sa pag-abot ni Jesu Cristo pag-usab dinhi sa yuta; ug ang dagku nga mga panghitabo gipadayag diha sa mga propesiya nga nagakatuman sa insakto gayud ug sa panahon nga gitagna kanila, maoy mga ebidensya nga kita makakita nianang panghitabo sa hamubo nga panahon.

IYANG SAAD

Sa wala pa si Jesus miadto sa Gethsemane sa katapusang higayon sa pagampo, Siya nagpahibalo sa Iyang mga disipulo nga Siya mobiya kanila tungod kay ang Iyang bulohaton dinhi sa yuta hapit na matapos ug Siya mobalik sa lugar kon

diin sila, kay alang karon, dili makauban Kaniya. Nakita ang reaksyon nga kasubo sa mga disipulo ug tingali pagkasinalikway, si Jesus nagsulti kanila: "Dili malisang ang inyong kasingkasing" (Juan 14:1). Kadto nga mga pulong naghatag kanila sa paglaum ug, sama kanila, si Jesus nangandoy sa paghatag sa matag magtutuo sa pagsalig sa pagkahibalo nga Siya nakasabot sa tanan nga sirkumstansya sa kinabuhi ug Siya anaa ang tanang butang nga gikinahanglan sa kalag nga mahimong magmalinawon. Unya Siya miingon ngadto kanila: "Sa balay sa akong Amahan adunay daghan nga puloy-anan, kong wala pa unta, moingon unta ako kaninyo: Ako moadto sa pag-andam ug dapit alang kaninyo" (Juan 14:2).

Kadtong mga mansyon nagrepresentar ug usa ka puloy-anan ug ang usa ka puloy-anan mao ang lugar diin kitang tanan sa kinatibuk-an makakaplag ug kasiguro-



ang balsamo nga gikinahanglan sa mga disipulo nianang panahona. Sila wala pa mahibalo sa pagsulay nga nagpaabot kanila, apan gikan kaniadto kini nga saad maoy sentro sa ilang panghunahuna ug pagpadasig sa paggawas sa pagsangyaw sa Iyang pagbalik, ug naningkamot sa pagpahibalo kang Jesu Cristo sa matag nasud, tribu, pinulongan, ug katawhan.

IYANG PAGSAKA UG PAG-BALIK

Kwarenta ka mga adlaw human sa Iyang pagkabanhaw, si Jesus migiya sa Iyang mga disipulo ngadto sa Bukid sa mga Olivo, duol sa Bethany, atubangan sa siyudad sa Jerusalem diin didto Siya gisalikway ug unya gisilotan sa kamatayon. Mao kadto ang higayon sa panamilit ug kahigayonan sa paghatag sa katapusang mga pahimangno niini nga mga grupo sa mga lalaki ug mga babaye kinsa nagrepresentar sa nawala nga karnero nga nakaplagan. Ang mga pulong ni Jesus dili mga pagbadlong tungod sa ilang mga kasaypanan o mga kapakyasan, kadto mao ang mga pulong sa lawom nga kalumo ug simpatiya.

“Uban sa mga kamot nga gituy-od sa pagpanalangin, ug maingon ang kasigurohan sa Iyang mapanalipdanong pag-amoma, Siya hinay-hinay nga misaka gikan sa taliwala nila, gibira paingon sa langit pinaagi sa usa ka gahum nga mas kusgan pa kay sa bisan unsang yutan-ong pagdani. Sa Iyang pagsaka pataas, ang nahingangha nga mga disipulo mitan-aw nga nakatutok ang mga mata alang sa katapusang pagtan-aw sa ilang mikayab nga Ginoo. Usa ka panganod sa himaya ang nagtago Kaniya gikan sa ilang panan-aw; ug ang mga pulong mibalik ngadto kanila samtang ang madag-umon nga karwahe sa mga manulonda midawat Kaniya, ‘Ug ania karon, ako magauban kaninyo kanunay hangtud sa katapusan sa kalibutan.’ Sa samang higayon dihay milutaw ngadto kanila ang pinakatam-is ug labing malipayong musika gikan sa manulonda nga koro.”²

Niana nga takna duha ka gamhanang mga manulonda diha sa dagway sa tawo, pinaagi sa simpatiya ug gugma alang sa mga disipulo nga nagatutok sa langit, miduol ug nangutana kanila: “Mga tawo nga Galileanhon, nganong nanagtutuk kamo sa langit? Kining Jesus nga gibayaw sa langit gikan kaninyo, mobalik sa maong pagkaagi sumala sa inyong hingkitan, siya nga nagasaka sa langit” (Buhat 1:11). Kini ang sama nga mensahe sa paglaum nga gihatag ni Jesus kanila sa dugay na nga panahon “Apan kong moanhi ang Anak sa tawo sa iyang himaya, ug ang tanang mga manulonda uban kaniya, unya magalingkod siya sa lingkoranan nga harianon sa iyang himaya” (Mateo 25:31). Kini mao ang sama nga pagpadayag nga nadawat ni Juan didto sa Isla sa Patmos “Ania karon, moanhi siya uban sa mga panganod, ug ang tanang mata

makakita kaniya, ug kadto sila nga mga naglangsang kaniya, ug ang tanang mga banay sa yuta managkasubo tungod kaniya. Mao gayud kini, Amen” (Bugna 1:7). Ang mga manulonda nag-siguro kanila nga kining mao nga Jesus nga ilang nakita nga mikayab sa langit mobalik pag-usab sama sa Iyang pagkayab. Sa pagkatinuod, Siya moabot diha sa mga panganod, ug ang tanang mata makakita Kaniya.

MGA ILHANAN SA IYANG PAG-ABOT

Pagsabot sa dugang pa mahitungod sa panahon sa katapusan maoy usa ka butang nga nakadani sa mga disipulo – ug kini kinahanglan usab modani kanato. Sila miadto kang Jesus sa pribado sa pagpangutana: “Isulti kanamo, kanus-a kining mga butanga mahitabo? Ug unsa ang ilhanan sa imong pag-anhi ug sa katapusan sa kalibutan?” (Mateo 24:3).

Sa mga lugar diin ang teknolohiya nga maoy labi ka naugmad ug ang mga biyahe gihimo uban sa modernong mga paagi sa transportasyon, atong gitagad pag-ayo ang mga signal nga ang satellite navigator o GPS nga kagamitan naghatag kanato, mahitungod sa nabilin nga distansya ngadto sa padulngan o posible nga mga pagbag-o sa gipili nga ruta. Ang mga ilhanan duol sa mga kalsada makatabang usab kanato. Mga tagna sa Biblia maoy labi ka sama sa usa ka GPS magasulti kanato kung asa nata karon nga panahon aron kita maandam ug magiyahan nga hiluwas ngadto sa padulngan

ANG LIMBONG

“Ug sa mitubag si Jesus, nag-ingon kanila: Magmatngon kamo nga dili kamo pagpasalaagon ni bisan kinsa. Kay daghan ang moanhi sa akong ngalan, sa pag-ingon: Ako mao si Cristo, ug magapasalaag sa kadaghanan” (Mateo 24:4, 5). Ngano nga si Cristo nagpresentar niini ingon nga unang ilhanan sa dili pa ang katapusan? Ang tubag gihatag pinaagi ni apostol Pedro: “Magbuotan kamo, ug managtukaw kamo: ang inyong kaaway, ang yawa ingon sa usa ka nagangulub nga leon, nagalibut-libut sa pagpangita ug tukbonon” (1 Pedro 5:8). Minahal ko nga mga igsoong lalaki ug mga igsoong mga babaye, si Satanas usab nahibalo sa mga tagna sa Biblia ug nahibalo nga ang pag-abot ni Cristo motapos sa iyang paghari sa kalisang. Mao na nga uban sa dakong tuso ug maliputon nga intriga – sama sa leon nga nagabantay sa iyang biktima sa dili pa niya atakihon – siya mopaila sa mga bakak nga mga doktrina sagulan sa mga kabahin sa kamatuoran sa paglingla sa mga magtutuo nga mahulog sa iyang mga lit-ag.

han, kalinaw ug kalipayan. Kana nga saad kinahanglan mahimong usa ka dakong pagpadasig sa matag usa kanato; atong makab-ot ang usa ka puloy-anan diin usab “Ang lobo ug ang nating carnero managsalo sa pagsibsib, ug ang leon mokaon sa dagami sama sa vaca nga toro” (Isaias 65:25). Kana nga puloy-anan halayo gikan sa tanang butang nga karon maoy hinungdan kanato sa pagkasubo ug pagkawalay kasigurohan, diin “Ug pagapahiran sa Dios ang tanang luha sa ilang mga mata; ug mawala ang kamatayon; ug wala nay pagbalata, bisan paghilak, bisan kasakit” (Bugna 21:4).

Apan ang sunod nga saad mao ang ingon ka nindot sama sa miaging usa: “Ug kong ako makaadto na, ug makaandam kaninyo ug dapit, moanhi ako pag-usab, ug panad-on ko kamo uban gayud kanako; aron nga kong asa ako atua usab kamo” (Juan 14:3). “Ako mobalik pag-usab” mao

Ang pagdaghan sa Islam, Buddhism, agnosticism, ug uban pang mga pilosopikal nga mga sulog sa tibuok kalibutan gituis ang pagsabot sa mga tawo sa kinaiya sa tinuod nga Dios, ang Maglalang sa langit ug yuta, ug gipalayo sila gikan sa bugtong tinuod nga tinubdan sa kahibalo, ang Biblia.

Ang atong bugtong kasigurohan anaa sa pagtuon sa Balaang Kasulatan uban ang daghan nga pag-ampo ug pagtugyan. Mao lamang kini nga butang nga makapanalipod kanato batok sa kasaypanan. Kung atong buhaton kini, kita sa kasiguro mahimong makapamatuod “Ngadto sa Kasugoan ug sa pagpamatuod! kong sila dili managsulti sumala niining pulonga, sa pagkamatuod walay kabuntagon alang kanila” (Isaias 8:20). Sa kanunay magtuon diha kanila kita makahimo sa pagtipig sa atong mga hunahuna sa bugtong bahandi nga makahimo kanato sa pagpamatuod: “Kini nahisulat.” Apan ang usa ka pasidaan: uban sa pag-uswag sa teknolohiya mas komon nga makita nga ang magtutuo mibiya sa pagbasa sa naandan nga papel nga mga Biblia. Sa laing bahin, kini nahimong mas sayon alang kanato sa kanunay nga pagdala sa kompleto nga mga librarya, mga leksyon, mga alawiton, ug uban pa, sa atong elektronikong mga himan. Apan sa laing bahin, ang pinakagamay nga timaan sa mensahe nga moabot kanato o ang usa ka gamay nga higayon sa pagkalinga, atong gibiyaaan ang pagtuon ug ang atong hunahuna dali kaayo mausab ngadto sa laing mga butang nga sagad walay labot nianang higayona. Uban sa dakong kasayon ug uban niini nga pamaagi, si Satanas sa makadaghan nga higayon nakahimo sa pagbulag sa mga magtutuo gikan sa pagtuon sa kamatuoran.

MGA GUBAT, MGA KAMATAY, KAGUTMANAN, MGA LINOG

Si Jesus nagpasidaan sa Iyang mga disipulo: “Ug makadungog kamo ug mga gubat, ug mga dinungogdungog sa mga gubat. Magbantay nga dili kamo mangalisang; kay kinahanglan nga manghitabo kining tanang mga butanga; apan dili pa mao ang katapusan. Kay magatindog ang nasud batok sa nasud, ug ang gingharian batok sa gingharian; ug moabut ang mga gutom ug mga kamatay, ug mga linog sa mga nagakalainlaing mga dapit” (Mateo 24:6, 7). Sa bag-ohay palang nga mga tuig atong nasaksihan ang kagubot diin anaa sa mga nasud. Samtang ang tanan sa pagkakaran nangita sa kalinaw, mga dagkong gubat miulbo nga nagpatay sa linibo sa tibuok kalibutan. Ang pagbakwit sa liboan ka mga milayas tungod sa mga gubat ug kawalay kalig-on sa politika diha sa daghan nga

mga nasud nagdala kanila sa lainlaing mga direksyon, nagmugna sa tinuod nga krisis sa kaayohan diin ang kasakitan ug kagutmanan mipatigbabaw. Bisan pa niini nga mga kalisang, mga badyet sa milyonaryo sa dagko nga mga gahum gitagana sa pagpalit ug mga hinagiban ug mga bala aron sa pagpadayon sa mga gubat.

Sa laing bahin, samtang sa pipila ka mga nasud adunay daghan nga mga pagkaon ug daghan nga mga tawo nasakit tungod sa tanan nga dinalian nga pagkaon o walay sustansya nga pagkaon nga ilang gikonsumo, ug diin sa tanang adlaw linibo ka mga tolinada nga pagkaon ang napadong sa basurahan, aduna usab sa laing mga lugar diin linibo ang nangamatay sa kagutom. Kini lisod nga dawaton nga diha sa ika-21 nga siglo, uban sa tanang nag-una sa teknolohiya ug ang kasayon ug paspas nga pagdala sa mga butang. Adunay mga lugar diin ang mga tawo namatay tungod sa mga sakit hinungdan sa walay mainom nga tubig o gikan sa kaluya tungod kay walay makaon. Ang natural nga mga katalagman nga nahitabo sa bag-o lang nga mga dekada mao usab ang mga ilhanan diin maoy gipasabot ni Jesus. Ingon ang mga hulaw nagpuo sa kinabuhi sa pipila ka mga rehiyon sa planeta, mga baha tungod sa subra ug dili kasarangan nga mga ulan o mga buhawi ug bagyo nagbilin ug kalaglagan ug linibo ka mga biktima diha sa ilang haya. Sa bag-ohay nga mga tuig, mapintas nga mga linog ang nahitabo sa nagkalainlaing mga lugar ug dili lamang nag-uswag sa gahum, apan usab sa dako nga gidaghanon sa mga biktima nga ilang gibilin.

“Unsa ka subsob nga kita makadungog sa mga linog ug mga buhawi, sa kalaglagan pinaagi sa kalayo ug baha, uban sa dakong pagkawala sa kinabuhi ug kabtangan! Dayag nga kining mga kalamidad kalit nga mahitabo nga wala gimugna, dili madumalahan nga pwersa sa kinaiyahan, sa kinatibuk-an dili makontrolar sa tawo; apan diha kanilang tanan, ang katuyoan sa Dios mahimo natong mabasa. Sila apil sa mga ahensya diin Siya nagtinguha sa pagpukaw sa mga lalaki ug mga babaye sa usa ka pagbati sa ilang katalagman.”³ Tulo ka mga siyentipiko ug mga pilosopo nangita ug mga katin-awan ug mga pamaagi aron mapugngan kining mga panghitabo naghimo sa konklusyon nga ang tanang butang maoy usa ka produkto sa kausaban sa klima ug nga kini mao ang hinungdan sa kinaiyahan reaksyon niini nga paagi. Sa makausa pa, ang mga teoriya sa tawo nagliso sa mga dalunggan sa mga tawo gikan sa tinuod nga rason alang niining mga panghitabo. Kini tinuod nga ang kinaiyahan nag-antus ug nausab tungod sa

dautang mga binuhatan sa katawhan, apan dili usab nato ibaliwala nga kini usab ang mga ilhanan nga gipasabot ni Cristo. Dili usab nato ibaliwala ang mga sangputanan nga kadtong nagdaut sa yuta moantus. “Ug naaligutgut ang mga kanasuran, ug miabut ang imong kaligutgut, ug ang panahon sa paghukom sa mga nangamatay, ug ang panahon sa paghatag ug balus sa imong mga ulipon nga mga manalagna, ug sa mga balaan, ug sa mga nangahadlok sa imong ngalan, sa mga gagmay ug sa mga dagku; ug sa paglaglag kanila nga nagalaglag sa yuta” (Bugna 11:18). Ang dakong buhat sa paglalang gipuo na, ug kadtong responsabli sa iyang pagkadaut pagasilotan.

Kini ba nga mga panghitabo mao ang mga ilhanan nga gipahayag ni Jesus sa Iyang mga disipulo nga magsilbing giya sa paghibalo kung unsaon pag-ila ang panahon? Oo, sila mao. Samtang ang mga disipulo nangutana, kanus-a ang katapusan sa kapanahonan? Dili kita makatakda sa petsa, kita makahubad lamang sa mga ilhanan ug makasabot nga wala nay daghan pang panahon nga nabilin sa atong kalibutan ug sa mga pumoluyo. “Apan nahatungod niadtong adlaw ug taknaa, walay usa nga nanghibalo kong anus-a, bisan pa ang mga manulonda sa langit bisan pa ang Anak, kondili ang Amahan lamang” (Mateo 24:36).

ANG KASAYSAYAN MASUBLI SA IYANG KAUGALINGON

Si Jesus nagtumong nga ang panahon sa katapusan sulosama ngadto sa panahon sa wala pa ang lunop. “Kay ingon sa mga adlaw ni Noe, mao usab ang pagpadayag sa Anak sa tawo. Kay ingon sa mga adlaw sa wala pa ang lunop, nagakaon sila ug nagainom, nanagpangasawa sila ug nanagpamana, hangtud sa adlaw nga misulod si Noe sa arca; Ug wala nila hibalo hangtud nga miabut ang lunop, ug gianud silang tanan; ingon usab niini ang pag-anhi sa Anak sa tawo” (Mateo 24:37-39).

Pagkaon, pag-inom, o mangasawa dili mga kasupak nga mga butang. Unsa ang nakapahimo kanila nga dulomtanan sa Dios mao ang mga paghinubra diin ang tawo nagdala kanila. Ang pinaka komon nga mga sakit karon nga panahon kadaghanan ang hinungdan mao ang dili maayo nga pagkaon o mga kinaiya sa pag-inom, usa ka hayahay nga pagkinabuhi, ug ang paggamit ug pag-abusar sa mga kagamitan nga makadaut sa panglawas. Dugay nga pagkaladlad sa makahilo nga mga ahente sama nianang nahanggab diha sa dagku nga mga siyudad o ang paggamit sa tabako ug mga druga dili lang hinungdan sa daghang mga sakit, apan usab mga pagbag-o sa

genetiko nga mohatud sa pagkagrabe o mga sakit nga mosupil sa kaugalingong lawas. Ang estorya sa nahitabo sa Sodoma ug Gomorah, maingon ang kasinatian nga naagian sa katawhang Israel didto sa Shittim atubangan sa gisaad nga yuta, maoy usa ka pasidaan nga natala sa pagtudlo kanato nga ang kailibgon ug dili makontrolar nga mga pagbati makagiya sa tawo atubangan sa Dios sa paghimo sa pinakadulomtan ug mahugaw nga mga buhat nga atong mahanduraw. “Sa tibuok nga mga katuigan adunay nagkatag nga pagkaguba sa kinaiya nga natanggong sa mga bato sa mahilayon nga pagpatuyang. Sa nagkaduol kita sa pagsira sa panahon, samtang ang mga katawhan sa Dios nagabarog diha sa mga utlanan sa langitnong Canaan, si Satanas mobuhat, sama kaniadto, modoble sa iyang mga paningkamot sa pagpugong kanila gikan sa pagsulod sa maayong yuta. Siya nagladlad sa iyang mga lit-ag sa tanang kalag. Dili lamang ang walay alamag ug walay kultura nga kinahanglan pagabantayan; siya mag-andam sa iyang mga tentasyon alang niadtong anaa sa pinakataas nga mga katungdanan, diha sa pinakabalaan nga bulohaton; kung siya makagiya kanila sa paghugaw sa ilang mga kalag, siya pinaagi kanila molaglag ug daghan. Ug siya mogamit sa samang mga ahente karon maingon sa iyang gigamit tulo ka libo ka tuig ang milabay. Pinaagi sa kalibutanong mga pakighigala, mga kaanyag sa katahum, pinaagi sa pagpangita sa kalipayan, bahakhak, kapistahan, o ang tawo sa bino, siya motingal sa paglapas sa ikapito nga kasugoan.”⁴

PAGPADALI SA IYANG PAG-ABOT

“Kini mao ang pribilehiyo sa tanang Cristohanon dili lamang ang pagpaabot apan sa pagpadali sa pag-abot sa atong Ginoong Jesu Cristo” (2 Pedro 3:12, katapusang bahin). Kung ang tanan nga nag-angkon sa Iyang ngalan mamunga alang sa Iyang himaya, unsa ka dali ang tibuok kalibutan mapugsan sa binhi sa ebanghelyo. Sa madali ang katapusang dako nga ani mahinog, ug si Cristo moanhi sa pagkuha sa bililhon nga lugas.”⁵

Pribilehiyo nato ang pagsulti sa bulahang paglaum nga mao ang pagbalik ni Jesu Cristo. Kini usab atong pribilehiyo ang pagbuhat sa samang bulohaton sa pagreporma nga gihimo ni Juan Bautista sa pag-andam sa alagianan sa unang pag-abot sa Ginoong. “Ang dakong suheto sa pagreporma kinahanglan nga mapaukyab, ug ang hunahuna sa kadaghanan mapukaw. Pagpugong sa tanang mga butang kinahanglan nga konektado niini nga mensahe, sa pagbalik sa

44

Ang bugtong katuyoan sa tagana nga atong gitagamtam karon mao ang paggamit niini alang sa atong pagpahinungod ug pagpangandam alang sa dakong adlaw sa pag-abot ni Kristo.

katawhan sa Dios gikan sa ilang idolatriya, sa ilang pagkahakog, ug sa ilang pagpatuyang sa bisti ug sa ubang mga butang.”⁶

Karon ang panahon sa pag-usab sa atong mga kinabuhi, sa dihang ang atong pagtuman sa mga kasugoan sa Dios nagpadayag nga kita sa tinud-anay nahigugma Kaniya. Walay panahon nga pagausikan. Kita kinahanglan desidido sa pagsira sa mga pultahan sa tanang butang nga dili morepresentar sa kinaiya nianang katawhan kinsa nagaandam nga malalin ngadto sa langitnong mga puloy-anan. Ang atong mga buhat mopakita nga “Kay ang atong pagkalungsoranon atua sa langit, diin magagikan usab ang Manluluwas nga atong gipaabut, ang Ginoong Jesucristo” (Filipos 3:20).

ANG ATONG PAGPANGANDAM

“Ang Ginoong dili magalangan mahitungod sa iyang saad, ingon sa paglangan sa gihunahuna sa uban; apan siya may pagkamapailubon alang kaninyo, sanglit dili buot nga may bisan kinsa nga mawala, kondili nga ang tanan makadangat sa paghinulsol” (2 Pedro 3:9). Ang bugtong katuyoan sa lugway nga panahon nga atong gipahimuslan karon maoy alang kanato sa paggamit aron sa pagtugyan ug pagpangandam alang sa dakong adlaw sa pag-abot ni Cristo. Ang matag adlaw nga molabay maoy pagkunhod ug usa ka adlaw sa pag-ihap ngadto sa katapusan. Kung si Jesus wala pa mobalik kana tungod kay Siya nagahatag kanato sa panahon aron nga kitang tanan makahimo sa tinud-anay nga paghinulsol ug makasinati sa usa ka lawom, tinuod nga pagkakabig diha sa atong mga kinabuhi.

Ang pagluwas kanato gihimo pinaagi sa bililhong dugo ni Cristo, ang Cordero nga walay mantsa ug walay buling (1 Pedro 1:18, 19) aron maabot kadtong mga puloy-anan nga diin “Mga butang nga wala makita sa mata, ug wala hidunggi sa dalunggan, ug nga wala mosulod sa kasing-kasing sa tawo, bisan unsang mga butang nga gitagana sa Dios alang niadtong mga nahigugma kaniya” (1 Corinto 2:9). Ayaw itugot nga ang mga pagdani nga gitanyag sa kalibutan kanato, ang mga kapistahan ug mga tradisyon, dili kinahanglan nga mga uso ug mga dekora-

syon, dili makapahimsog nga mga pagkaon o mga ilimnon o ang gugma sa salapi ug kalibutanong mga naangkon mobulag kanato gikan sa bililhong mensahe sa pag-abot sa Ginoong ug nga karon ang panahon sa pagpangandam!

KONKLUSYON

Ang grasya lamang sa Dios ang makatabang kanato sa pagpangandam alang sa Iyang pag-abot. Ang buhat lamang sa Balaang Espiritu ang makapakonbinsiir kanato diha sa panawagan sa paghinulsol ug pagkakabig. Hinaut nga ang atong inadlaw nga pag-ampo mao “umanhi ang imong gingharian.” Hinaut nga ang bulahang pag-ampo mahimong sama sa sulo nga modan-ag sa atong pagpanaw niining mangitngit nga kalibutan nga puno sa kadautan ug pag-antus. Hinaut nga ang atong katuyoan mao ang pagpadayon sa dag-anan ngadto sa ganti sa labing hataas nga pagtawag (Filipos 3:14) sa pagpasibaw kang Jesus sa matag adlaw ug diha sa matag lihok. Hinaut nga ang putli ug wala mabulingi nga relihiyon (Santiago 1:27) mahimong resulta sa pagkaana ni Cristo kanato.

“Sa dihang ang kinaiya ni Cristo sa hingpit makopya na diha sa Iyang katawhan, ug unya Siya moabut sa pag-angkon kanila ingon nga Iyang kaugalingon.”⁷ Maranatha, ang Ginoong moabut! Siya mipahayag: “Oo, moanhi ako sa madali. Amen. Umari ka, Ginoong Jesus” (Bugna 22:20). Amen. *R*

Mga Reperensya:

- ¹ *The Great Controversy*, p. 299.
- ² *The Desire of Ages*, pp. 830, 831.
- ³ *Prophets and Kings*, p. 277.
- ⁴ *Patriarchs and Prophets*, pp. 457, 458.
- ⁵ *Christ's Object Lessons*, p. 69.
- ⁶ *Testimonies for the Church*, vol. 3, p. 62.
- ⁷ *Christ's Object Lessons*, p. 69.

ANG GINGHARIAN SA HIMAYA

BY RÔMULO BORGES — BRAZIL

Sa atong pagtapos niining Semana sa Pag-ampo, kini daw gitapos nato ang usa ka panaw nga puno sa mga sekreto ug mga nadiskobrehan. Naggiya kanato gikan sa usa ka pagpadayag ngadto sa lain, ang Kasulatan nagsilbing atong kompas. Pagtukod sa teksto sa Buhat 3:19 ug 20, atong gituki ang mahinungdanong mga tema sama sa paghinulsol, pagkakabig, ang pagpala sa mga sala, ang panahon sa kahamugaya, ug ang pag-abot ni Jesus. Karon, niining katapusang pagtipon, atong tun-an “Ang Gingharian sa Himaya.”

Kini nga gingharian dili usa ka ordinaryo, gilibutan sa yutan-ong mga utlanan o tawhanong panahon; kini usa ka walay katapusang katinuoran, sama ka lapad ug kahibulongan sama sa uniberso mismo, nakaangkla sa dili matarug nga hustisya sa atong Ginoong Jesus Cristo. Sama sa parola nga makasugakod sa pagsulay sa panahon sa mga bagyo, kini nga gingharian gihulagway sa Daniel 2:44: “Ug sa mga adlaw nianang mga hari, ang Dios sa langit magatukod ug usa ka gingharian nga dili gayud malumpag, ni ang gahum niana mahibilin sa lain nga katawohan; apan kini

magadugmok ug magaut-ut niining tanan nga mga gingharian, ug kini molungtad sa walay katapusan.”

Busa, ako nagdapit kaninyo sa pagsusi pagtingub sa walay katapusang mga saad niining mahimayaong gingharian.

ANG GINGHARIAN SA GRASYA UG ANG GINGHARIAN SA HIMAYA

Ang Balaang Kasulatan klaro nga nagpahayag sa gingharian sa Dios ngadto sa duha ka managlahing hugna:

- (1) ang gingharian sa grasya ug
- (2) ang gingharian sa himaya.

Ang himaya dili motungha kung walay nauna nga pagpadayag sa grasya; busa, kinahanglan nga moapil una diha sa gingharian sa grasya aron makasulod sa gingharian sa himaya.

Sa dihang si Jesus misugod sa Iyang pagpangalagad sa Galilea, Iyang gipadayag ang pag-abot sa gingharian sa Dios uban niini nga mga pulong: “Ug nagaingon: Ang panahon natuman na, ug ang gingharian sa Dios haduol na. Maghinulsol kamo ug tomoo kamo sa Maayong Balita” (Marcos

1:14, 15).

“Samtang si Jesus mipanaw latas sa Galilea, nagtudlo ug nanambal, daghan ang nagsunod Kaniya gikan sa mga siyudad ug mga baryo. . . Wala pa sukad adunay panahon nga ingon niini alang sa kalibutan. Ang langit ginaug dinhi sa tawo. Mga gigutom ug giuhaw nga mga kalag nga nagpaabot alang sa katubsanan sa Israel karon nagbusog sa grasya sa usa ka maloloy-on nga Manluluwas.”¹

Ang gingharian sa grasya, gipalanog ni Jesus, miabot sa iyang katapusan diha sa krus sa Kalbaryo, diin Iyang gikuha ang atong luna ug namatay ingon nga atong puli sa pagluwas kanato gikan sa silot sa sala. Pinaagi sa tagana sa Iyang grasya, ang pagpasig-uli uban sa Dios, ug kompleto nga kaluwasan. Ingon sa nahisulat sa Efeso 2:8, “Kay tungod sa gracia naluwas kamo pinaagi sa pagtuo, ug kana dili gikan sa inyong kaugalingon; kini hatag sa Dios.”

Si Jesus usab nagtudlo mahitungod sa umalabot nga gingharian sa Dios diha sa Iyang ikaduhang pag-anhi. Taliwala sa Iyang lain-laing mga pagtulon-an, atong tukion ang Mateo 25:31-34 kon unsa ang gisulti niini nga konteksto:



sa Dios. Bisan pa kini nga panghitabo anaa sa umaabot, ang saad nga ang Ginoo nga moabut maoy usa ka tinuod. Ingon nga Siya sa Iyang kaugalingon nagsulti:

“Dili malisang ang inyong kasing-kasing. Tumoo kamo sa Dios, ug tumoo usab kamo kanako. Sa balay sa akong Amahan adunay daghan nga puloy-anan, kong wala pa unta, moingon unta ako kaninyo: Ako moadto sa pag-andam ug dapit alang kaninyo. Ug kong ako makaadto na, ug makaandam kaninyo ug dapit, moanhi ako pag-usab, ug panad-on ko kamo uban gayud kanako; aron nga kong asa ako atua usab kamo” (Juan 14:1-3).

Basi niining bililhon nga mga pagpadayag, ang Cristohanon dili lamang mabuhi diha sa kasigurohan sa katubsan sa presente apan usab diha sa paglaum sa katapusan nga pagtubos diha sa gingharian sa himaya.

ANG KAHIMAYAAN MAKAHIMO SA MGA SAKOP SA PAGPUYO SA GINGHARIAN SA HIMAYA

Ang kahimayaan mao ang balaang paghikap nga nagbag-o sa tawo, nga nagpahigawas kanato gikan sa mga sangputanan sa sala ug naghimo kanila nga dili mamalatyon. Tagda kung unsa ang gipahayag sa 1 Corinto 15:51, 52:

“Ania karon, ginasulti ko kaninyo ang usa ka tinago: Kitang tanan dili mangatulong, apan kitang tanan pagaalid-an, sa kalit, sa usa ka pagpamilok, sa katapusan nga budyong; kay pagapatunggon ang budyong, ug ang mga minatay pagapabangonon nga mga dili madunoton, ug kita pagaalid-an.”

Ang kasamtangan nga lawas sa usa ka magtutuo kang Cristo dili haum alang sa langitnong kinabuhi, tungod kay kini mamalatyon, madunoton, ug huyang. Bisan pa ang magtutuo nakasinati sa kahingpitan sa Espiritu diha sa ilang kinabuhi, ang ilang mga lawas nagdala gihapon sa marka sa kamatayon. Busa, sa pagtunog sa katapusang trumpeta, diin kini mahitabo sa ikaduhang pag-abot ni Cristo, si Cristo maghatag kanila sa usa ka bag-ong lawas.

Kining bag-o nga lawas mahimong dili madunot, mahimayaon, walay sala, ug dili mamalatyon, giandam alang sa walay katapusang kinabuhi. Ang tawhanong lawas sa Cristohanon mausab ngadto sa espirituhanong lawas nga makasugakod sa himaya sa Dios ug andam alang sa paglalain.

Ang Dios mohatag sa balaang paghikap sa nagbag-o sa matag tinubos, ngadto sa nabanhaw nga mga santos ug sa matinuadanon kinsa wala makasinati sa kamatayon. Ang libro *Ang Dakong Away* nindot nga nagpahayag niini nga panghunahuna:

“Iyang usbon ang atong dautang mga lawas ug usbon kini sila sama sa Iyang mahimayaong lawas. Ang mamalatyon, madunoton nga porma, walay kalinaw, sa dihang nahugawan sa sala, mahimong hingpit, maanindot ug dili mamalatyon.”³

Ang tanan mamahingpit! Kini nga nagbag-o makaapekto sa istruktura sa tawhanong lawas apan mapreserbar ang personal nga pagkatawo sa matag indibidwal, magtugot sa linuwas sa pag-ila sa uban.

“Ang atong personal nga pagkatawo mapreserbar diha sa pagkabanhaw. . . . Ang katapusan nga nagpabilin nga mga timaan sa tunglo sa sala pagakuhaon, ug ang mga matinuadanon kang Cristo mopakita diha sa ‘katahum sa Ginoo nga atong Dios,’ sa hunahuna ug kalag ug lawas nagpakita sa hingpit nga dagway sa ilang Ginoo.”⁴

ANG MGA KINAIYAHAN SA GINGHARIAN SA HIMAYA

Sa dihang kita maghisgot sa gingharian sa himaya, kita naghunahuna sa Paraiso sa Dios, ang Bag-ong Yuta, ug ang bag-ong mga langit. Hinuon, mahinungdanon ang pag-ila nga ang atong tawhanon nga sinultihan dili paigo sa paghulagway sa langitnong himaya. Ang tanan nga mga tinubdan sa linguwahe dili paigo sa paghulagway sa paraiso sa Dios. Ang pahina 675 sa *Ang Dakong Away* nagpahayag niini nga punto:

“Tawhanon nga pinulongan dili paigo sa paghulagway sa ganti sa matarung. Mahibaloan lamang kini sa mga nakakita niini. Walay kinutuban nga hunahuna ang makasabot sa himaya sa Paraiso sa Dios.”

Bisan pa sa mga limitasyon sa tawhanong pinulongan, kita makakuha gikan sa mga pulong sa mga propeta ug tugotan ang atong handuraw nga mogiya kanato ngadto sa langitnong paraiso. Diha sa mga pagpadayag sa *Pinadayag*, si Apostol Juan napanalanginan nga makakita sa langitnong mga himaya sa walay katapusang gingharian sa Dios. Ang iyang asoy anaa sa Bugna 21:1-5, diin nagkanayon:

“Ug nakita ko ang usa ka langit nga bag-o, ug ang usa ka yuta nga bag-o; kay ang nahauna nga langit ug ang nahauna nga yuta nangagi na; ug wala nay dagat. Nakita ko ang siyudad nga balaan, ang bag-o nga Jerusalem, nga nanaug sa langit gikan sa Dios, nga naandam ingon sa usa ka pangasaw-onon, nga nadayandayanan alang sa iyang bana. Ug nadungog ko ang usa ka dakung tingog gikan sa trono, nga nagaingon: Ania karon, ang tabernaculo sa Dios uban sa mga tawo, ug siya magapuyo uban kanila, ug sila mahimong mga katawohan niya, ug ang Dios gayud magauban kanila, ug mahimo nga ilang Dios. Ug pagapahiran sa Dios ang

“Apan kong moanhi ang Anak sa tawo sa iyang himaya, ug ang tanang mga manulonda uban kaniya, unya magalingkod siya sa lingkoranan nga harianon sa iyang himaya. Ug pagatigumon sa atubangan niya ang tanang mga nasud; ug iyang pagabulagbulagon sila, ingon sa magbalantay sa kahayupan nga nagabulag sa mga carnero ug sa mga kanding. Ug igabutang niya ang mga carnero sa iyang too, ug ang mga kanding sa wala. Unya ang Hari magaingon sa mga nagatuo kaniya: Umari kamo mga binulahan sa akong Amahan, panunda ninyo ang gingharian nga gitagana alang kaninyo sukad pa sa pagkatukod sa kalibutan.”

“Samtang ang mensahe sa unang pag-anhi ni Cristo nagpahibalo sa gingharian sa Iyang grasya, busa ang mensahe sa Iyang ikaduhang pag-anhi nagpahibalo sa gingharian sa Iyang himaya. Ug ang ikaduhang mensahe, sama sa una, nakabase sa mga tagna.”²

Ang pulong “gingharian” diha sa teksto sa Mateo, kung kini nagtumong sa ginharian sa himaya, gigamit ni Jesus ingon nga usa ka paghulagway kung unsa ang mahitabo diha sa katapusan nga mga panahon sa dihang Siya motukod sa kinatibuk-ang gingharian

tanang luha sa ilang mga mata; ug mawala ang kamatayon; ug wala nay pagbalata, bisan paghilak, bisan kasakit; kay ang mga butang nahauna ming-agi na. Ug siya nga nagalingkod sa trono, miingon: Ania karon, ginabag-o ko ang tanang mga butang. Ug siya nagaingon kanako: Isulat mo, kay kini nga mga pulong mga matumanon ug mga matuod.”

Basi diha sa matagnaon nga panan-awon ni Juan, kita makapunting sa pipila ka mga kinaiyahan sa gingharian sa himaya:

ANG YUTA GIBAG-O UG ANG LANGITNONG JERUSALEM

Ang ekspresyon nga “Bag-ong Yuta” nagpasabot sa usa ka bag-ong nilalang. Ang planeta nga naapektohan pag-ayo sa sala pagalaglagon, pagaut-uton sa kalayo sa balaang paghukom. Si Satanas, ang iyang mga manulonda, ug ang tanan nga dautan pagalaglagon sa hingpit. Ingon sa gisulti kanato sa Malaquias 4:1:

“Kay, ania karon, ang adlaw moabut na, nga nagasunog daw hudno; ug ang tanang mga palabilabihon, ug ang tanang nanag-buhat sa kadautan mangahimong tuod sa balili; ug ang adlaw nga moabut magasunog kanila, nagaingon si Jehova sa mga panon, nga kini dili magbilin kanila bisan gamut, ni sanga.”

Uban sa kalaglagan sa tigpasiugda sa sala (Satanas) ug ang pagputli sa planeta, ang himaya sa Eden igapasig-uli. Ang nilalang mahimong mahiuyon uban sa Maglalalang, ug ang Bag-ong Jerusalem mahimong kaulohan o kapital sa Bag-ong Yuta.

ANG HIMAYA SA BAG-ONG JERUSALEM

Ang hulagway sa Bag-ong Jerusalem nagdasig kanato uban sa iyang katahum ug kahalangdon. Kini modan-ag uban sa himaya sa Dios ug mosidlak sama sa usa ka bililhong bato, sama sa haspe, nga adunay kristal nga kahayag. (Tan-awa ang Bugna 21:10, 11.)

ANG TABERNAKULO SA DIOS ANAA SA TALIWALA SA KATAWHAN

Ang Ginoo anaa kauban sa Iyang katawhan. Ang Dios mopili sa pagpuyo uban niadtong Iyang gitubos, kinsa sila karon Iyang walay katapusan nga mga anak. Sila sa kahangturan makatagamtam sa Iyang bililhong presensya ug Iyang kahayag. Si Cristo, ang Usa nga nagtubos kanila, motindog sa ilang kiliran. Ang linuwas adunay pribilehiyo sa pagsimba sa Dios nawong ug nawong sa walay katapusan. Ang Tabernakulo sa Dios maanaa sa taliwala nila, nagtukod sa usa ka suod ug mahigugmaon nga relasyon tali kang Jehova ug sa tinubos.

“Ang katawhan sa Dios adunay pribilehiyo sa paghimo sa abli nga panag-ambit uban sa Amahan ug sa Anak. ‘Kay karon nagatan-aw kita sa kangitngit sa usa ka salamin.’ 1 Corinto 13:12. Atong makita ang dagway sa Dios nga misanag, ingon sa usa ka salamin, diha sa mga bulohaton sa kinaiyahan ug diha sa Iyang mga pagdala sa mga tawo; apan unya kita makakita Kaniya nawong ug nawong, nga walay usa ka madulom nga tabil sa tunga.”⁵

WALA NAY KAGUL-ANAN O MGA LUHA

Si Juan, ang propeta sa Patmos, naghulagway sa usa ka sitwasyon sa walay katapusang kalipay ug kalipayan didto sa paraiso sa Dios:

“Ug pagapahiran sa Dios ang tanang luha sa ilang mga mata” (Bugna 21:4).

Didto sa Bag-ong Yuta, ang gingharian sa himaya mao ang walay katapusang puloy-anan sa tinubos, diin wala nay mga luha, maingon sa tanang mga rason nga maoy hinungdan sa kasub-anan ug paghilak maoy mga butang sa nangagi.

“Ug ang mga linukat ni Jehova mobalik ug moanha uban ang pag-awit alang sa Sion; ug ang kalipay nga walay katapusan anha sa ibabaw sa ilang mga ulo: sila makadawat sa kasadya ug kalipay, ug ang kasubo ug ang panghupaw mangahanaw” (Isaias 35:10).

WALA NAY KASAKITAN

Didto sa Bag-ong Yuta, wala nay kasakit. Wala nay panginahanglan sa mga hospital, mga doktor, o medikal nga mga pagtambal. Ang tanang sangputanan sa sala gitangtang na, ug wala nay usa nga moingon, “ako nasakit!”

“Ug ang molupyo dili magaingon: Ako masakiton man: ang katawohan nga nagpuyo niini pagapasayloon sa ilang kasalanan” (Isaias 33:24).

“Unya ang mga mata sa mga buta mangabuka, ug ang mga igdulungog sa mga bungol makadungog. Unya ang tawo nga piang molukso sama sa lagsaw, ug ang dila sa amang magaawit; kay sa kamingawan magagula ang mga tubig, ug ang mga sapa sa kamingawan” (Isaias 35:5, 6).

WALA NAY KAMATAYON O PROSESYON SA PAGLUBONG

Sa yutan-ong kinabuhi, ang kamatayon maoy nagtapos sa daghang malipayon nga mga istorya. Sa Bag-ong Yuta, wala nay kamatayon, mga prosesyon sa paglubong, o mga lubnganan.

“Gilamoy niya ang kamatayon hangtud sa walay katapusan; ug ang Ginoo nga si Jehova mopahid sa mga luha gikan sa tanang mga nawong; ug ang kaulaw sa iyang katawohan pagakuhaon niya gikan sa halayo sa tibook nga yuta: kay si Jehova maoy nagsulti niini” (Isaias 25:8). Ug kadtong nakaagi sa kamatayon ug nabanhaw mopahayag, “Ang kamatayon gilamoy sa pagdaug” (1 Corinto 15:54).

PAGTUBO DIDTO SA GINGHARIAN SA HIMAYA

Sa Bag-ong Yuta, ang tinubos mag-suhid sa mga katingalahang gugma sa Dios ug magpadayon sa pagtuon nga walay pagkakapoy sa dugang pa nga pagsabot sa malalangong gahum sa Dios.

“Didto, ang dili mamalatyon nga panghunahuna mamalandong uban sa dili

Wala nay laing panahon nga gihatag kanato diin makapangandam alang sa langit. Mao kini ang atong bugtong ug katapusan nga kahigayunan sa pagporma ug mga kinaiya nga mohaum kanato alang sa umaabut nga panimalay nga giandam sa Ginoo alang sa tanan nga masulundon sa Iyang mga sugo.

mapakyas nga kalipay sa mga kahibulongan sa malalangong gahum, ang misteryo sa matubusong gugma. Wala nay mapintas, malimbungong kaaway sa pagtintal sa paghikalimot sa Dios. Ang tanang galamhan mahimong maugmad, ang matag kakayahan magauswag. Ang pagkab-ot sa kahibalo dili makapaluya sa hunahuna o mahurot ang mga kusog. Didto ang labing dagkong bulohaton mahimong ipadayon, ang labing taas nga mga pangandoy makab-ot, ang labing taas nga mga ambisyon matuman; ug sa gihapon adunay motungha nga bag-ong mga tilinguhaon nga kab-uton, bag-ong mga kahibulongan nga magustohan, bag-ong mga kamatuoran nga masabtan, lab-as nga mga butang sa pagtawag sa mga gahum sa hunahuna ug kalag ug lawas.

“Ang tanang bahandi sa uniberso abli sa pagtoon sa mga linuwas sa Dios. Dili mapugngan pinaagi sa pagkamatay, sila manglupad nga walay pagkakapoy ngadto sa layo nga mga kalibutan – mga kalibutan nga sa kahinam uban sa kasubo sa talan-awon sa kaalautan sa tawo ug naglanog sa mga awit sa kalipay sa mga balita sa usa ka tinubos nga kalag. Sa dili matukib nga kalipay ang mga kaanakan sa yuta misulod diha sa kalipay ug sa kaalam sa wala mahulog nga mga binuhat. Sila mipahat sa mga bahandi sa kahibalo ug salabutan nga nabatonan sa tanang panahon sa pagpamalandong sa mga binuhat sa Dios. Uban sa dili mangitngit nga panan-aw ilang gitan-aw ang himaya sa nilalang – mga adlaw ug mga bitoon ug mga sistema, ang tanan diha sa ilang natudlong han-ay nagalibot sa trono sa Dios. Sa tanang butang, gikan sa pinakagamay ngadto sa pinakadako, ang ngalan sa Maglalalang nahisulat, ug diha sa tanan mao ang kaadunahan sa Iyang gahum gipadayag.

“Ug ang mga katuigan sa walay katapusan, sa ilang pagpanglabay, magadala sa malambuon ug dugang pa nga mahimayaong mga pagpadayag sa Dios ug ni Cristo. Samtang ang kahibalo magauswag, maingon usab ang gugma, pagtahud, ug kalipay magauswag. Sa labi pa nga ang mga tawo mahibalo sa Dios, mas dako ang ilang pagdayeg sa Iyang kinaiya. Samtang si Jesus magaabli kanila sa kaadunahan sa pagtubos ug ang kahibulongang mga nahimo diha sa dakong panagbangi tali kang Satanas, ang mga kasing-kasing sa mga linukat nagdala kanila sa labi pa ka mainiton nga pagtugyan, ug uban sa naghinubra nga kalipay ilang gikablit ang mga alpa nga bulawan; ug napulo ka libo ka napulo ka libo sa liboan nga mga tingog mihiusa sa pagkusog sa gamhanang koro sa pagdayeg.”⁶

Ang pagbalik sa sala dili gayud makahulga nga motubo diha sa gingharian sa himaya, tungod kay wala nay maninintal o

bisan unsang hulga sa dautan. Mao usab, wala nay kahoy sa kahibalo sa maayo ug dautan nga motanyag sa usa ka kahigayonan alang sa tentasyon. Ang uniberso nakasaksi sa pagrebelde ni Satanas ug nakakita sa mga sangputanan. Diosnon nga hustisya natukod, ug ang tanan nga halapad nga dominyo sa Dios mopahayag:

“Matarung ug matuod ang imong mga paagi, ikaw nga Hari sa mga balaan” (Bugna 15:3).

Matuod gayud, Aduna lamang usa ka handumanan sa pakigbisog tali sa maayo ug dautan. Bisan pa sa mga pag-antus, mga kasakit, ug mga tentasyon sa Yuta natapos na, ang katawhan sa Dios kanunay adunay usa ka klaro ug maalamong salabutan sa bili sa ilang kaluwasan. Si Cristo sa gihapon magdala sa Iyang lawas sa mga marka sa katubsan. Sa tibuok walay katapusang mga siglo sa kahangturan, kini nga mga timaan maoy saksi sa dako kaayo nga gugma sa Dios ug sa dili masukod nga sakripisyo ni Jesus sa pagtubos kanato.

“Nga ang Magbubuhay sa tanang kalibutan, ang Tighusay sa tanan nga mga padulngan, kinahanglan mohukas sa Iyang himaya ug nagpaubos sa Iyang kaugalingon gikan sa paghigugma sa tawo makapadasig sa kahibulongan ug pagdayeg sa uniberso. Samtang ang mga nasud sa mga linuwas motan-aw ngadto sa ilang Manunubos ug makita ang walay katapusang himaya sa Amahan nagadan-ag sa Iyang dagway; samtang sila nagtan-aw sa Iyang trono, diin gikan pa sa walay katapusang sinugdanan ngadto sa walay katapusan, ug masayud nga ang Iyang gingharian walay katapusan, sila mipasibaw sa makalingaw nga kanta: ‘Takus, takus ang Cordero nga gipatay, ug nagluwas kanato ngadto sa Dios pinaagi sa Iyang kaugalingon pinakabililhon nga dugo!’”⁷

KONKLUSYON

Human sa pagsusi sa gingharian sa himaya ug sa iyang dili hitupngan nga mga katingalahan, lawom nga mga pangutana mitungha: Kinsa ang adunay pribilehiyo sa pagtagamtam sa mga kalipay niini nga gingharian? Kinsa ang manununod niini?

Sa kahayag sa balaang mga pagpadayag, atong makaplagn ang mga tubag: Kadtong nagbaton ug nagkinabuhi sa gingharian sa grasya maoy mahimong sakop sa gingharian sa himaya. Sila ang nakadaug sa mga kalisdanan sa kalibutan, sa unod, ug sa usa nga dautan.

“Ang makadaug, manunod niining mga butanga; ug ako mahimo nga iyang Dios, ug siya mahimo nga akong anak” (Bugna 21:7).

Kini sila adunay usa ka personal nga

pakigdugtong uban kang Cristo, ang Manlu-luwas, ug ang Ginoo sa ilang mga kinabuhi. Sila nabag-o pinaagi sa Iyang grasya diha sa panahon sa kaluwasan.

Minahal nga mga igsoon ug mga higala, kita nagkinabuhi sa katapusang mga gutlo sa kasaysayan niini nga kalibutan. Sa dili madugay, duol na gayud, kita makasaksi sa pag-abot sa gingharian sa himaya ug adunay pribilehiyo sa pagtamtam sa iyang walay katapusang mga kalipayan. Busa, kita “mohimo sa pinakamaayo sa atong presente nga mga kahigayonan. Wala nay lain pa nga lugalway sa panahon nga gihatag kanato diin kita mangandam alang sa langit. Kini mao ang atong bugtong ug katapusang kahigayonan sa pagporma sa mga kinaiya nga mohaum kanato alang sa umalabot nga puloy-anan nga giandam sa Ginoo alang sa tanan kinsa matinumanon sa Iyang mga kasugoan.”⁸

Ang akong sincero nga handom mao nga kita mobarug sa tingub ingon nga mga mananaug. Kita dili mopasagad nga mawala ang atong kaluwasan. Hinaut ang Dios motabang ug mopanalangin kanato aron ikaw ug ako makapahat sa gingharian sa himaya didto sa langitnong paraiso. Amen! *R*

Mga Reperensya:

¹ *The Desire of Ages*, p. 232.

² *Ibid.*, p. 234.

³ *The Great Controversy*, p. 645.

⁴ *The Faith I Live By*, p. 185.

⁵ *The Great Controversy*, pp. 676, 677.

⁶ *Ibid.*, pp. 677, 678.

⁷ *Ibid.*, pp. 651, 652.

⁸ *Last Day Events*, pp. 236, 237.

MOVING? Please let us know.

A MESSAGE TO SPREAD

BY BARBARA MONTROSE

*In a world of deception, how many have heard
The gospel from God from the time of their youth?
It's written in Scripture so clear for today;
That message so vital for now — present truth!*

*When taught far and wide, over hill and o'er vale,
In hearts there resounds a sweet answering chord;
As souls long in darkness awaken in hope
Discerning this message that's straight from the Lord!*

*The call comes to each of us, deep in our soul,
That now is the time when we need to repent.
To put away sin and enticements to wrong,
And trust in the Saviour so graciously sent.*

*In looking to Christ interceding for us,
One for Whom all should be fervently yearning,
His sacrifice radiates pow'r through His blood:
The Rock of the ages; no shadow of turning.*

*This world's soon to end, with the sorrow it breeds;
So plainly all see that there's something amiss.
How great is our longing by faith as we ponder
Communion with Jesus and heavenly bliss!*

*Now amid tempests and famines prevailing,
Diseases and war with such sorrow and pain,
Surrendered to Jesus, our hope must yet flourish —
Determined in action through God's latter rain.*

*This truth is not theory; it's spirit and life;
With power, it's fruitful in hearts where its stored.
When all's said and done, and our Saviour will come —
For each He will bring a specific reward.*

*While truth to be cherished is laughed at and scorned;
The mocker and scoffer the message now spurns,
But when they're not watching, probation will close,
And Jesus, the King in His glory returns!*

*So, now is our chance to repent of our sins;
Now is our chance to reach out to the field —
The harvest is white for the reaping of souls
A work must be done by the few who be sealed.*

*By looking to Jesus, abiding in Him,
We rise above all the corruption and strife.
By grace in His strength, to His vineyard we venture
Through faith in His name and in living His life!*